

**S P E A K E R** : “Chutichuan inremna tur leh intihsawt tawna tur thilte chu i um ang u”

Rom 14:19

Kan business kan tan nghal ang a, Starred Question No. 81 na zawt turin Pu R. Lalzirliana, MLA i lo sawm ang.

**PU R. LALZIRLIANA** : Pu Speaker, Starred Question No. 81 na Minister zahawmtak Health Department chhan atan - (a) Tun dinhmunaha Falkawn Referral Hospital ah sawn

Doctors, Nurses, Pharmacists, Health workers leh thawktu dang engzatnge a dah mek ? (b) Kum 2006-2007 financial year chhunga Falkawn Referral Hospital enkawlina thla tin senso engzatnge ?

**PU R. TLANGHMINGTHANGA : MINISTER** Pu Speaker, Member zahawmtak Pu R.Lalzirliana zawhna chhanna chu hetiang hi a ni e. (a) Doctor-2, Nurse-7, Pharmacist-1, Health Worker - NIL, Group D-7, Driver-1

(b) Diet atan Rs. 12144, Washing Stationery Rs. 7,000.00, Water Pumps Vehicle atan (Diesel) 160 ltrs Rs. 5161.00, Total Rs. 218727.50.00 a ni e.

**PU R. LALZIRLIANA** : Pu Speaker, a chhanna kha kan hmu a, Falkawn Referral Hospital hi heti tak maia chhuah a ni ta hi a pawh hle in ka hria a. Kan sawi hnem ta laileng bawka, hma lama pan theih chuang loh avang hian rawtna dang siamte pawh hi ka duh deuh tawh mai a. A beidawnthlak in ka hria. Pu Speaker, helai hmun lo thlang tute hi keini Congress Ministry pawh khan tlawmah la lo ila, kan lo tifuh lo deuh te pawh a ni mai thei a. Sorkar na chhonzawmtu ina heti tak maia an chhonzawm theih tak siloh-ah hi chuanin, helai hmun hi Police Battalion Headquarter-ah emaw siam mai a, a nih loh pawhin Medical College Hospital ah te, anihloh pawhin eng training centre berah emaw hian siam mai a rem lawm ni? Tih hi ka zawhna a ni.

Tin, a pahnihna-ah chuan a dang deuh. Rural Health Mission atanga damdawiin engemawzat upgrade tur awmah hianin a hminga ka bial ve Saitual damdawiin te upgrade tura tih a ni ve a, a lawmawm khawpin ka hria a. Chutihlaim pawisa a lo kalna hi a rei tawh teh lul nen hian, enge thawh theih loh a la nihna chhan hi tih hi ka zawt duh a, a chhan chu, heng hi kan thawh vat loh chuan central atanga pawisa dang lokal tur hi a block vek thin avangin thawh chak leh lak chak kan tih thina kha helaiah hianin a nih chiah avangin thawh mai theih a ni tawh lawm ni, tih kha ka han zawt duh a.

Tin, chu lo leh, a pathumna-ah chuanin Referral Hospitala hman tur khawl engemawzat lei a ni tawh a, chungte zinga mi, hei a hming pawh hi ka chhiar thiam ve chiah lova, kan ti ve ang a, a nuihzatthlak mai thei a, Percuppanious Phrotopho Biosy, a mak deuh nuai a, keini chhiar danah chuan, chu chu Rs. 4,82,044/- man ni 24.3.2005 a lei tawh kha a ni a. Amaherawhchu, hei hi hmuh zawh loh a ni a. Khawiahnge a awm tih hi ka zawt duh a, lei angalang, lei si lei si loh te ani palh em tih hi Minister hianin min chhang se tha in ka hria.

Tin, kum 2000 daih tawhah khan Nursing School Aizawl chu College of Nursing, Aizawl ti a upgrade a ni daih tawh a. Hei hi hmalam panna kawnga thil chhinchhiah tlak takte pawh a niin a hriat a, amaherawhchu, a Institution-a hi upgrade alo nih hian, a mihringa kha an pangngai reng mai a, an zirtir dante, an status te leh a dinhmuna kha Tutor ni thinte kha Lecturer nihte angai dawn a, Professor nih te, khatiang ang khanin thil tamtak a inthlak vek a ni. Chutiang anih rual chuanin a thawktute hi thiam takin tha takin 2005 atang daih tawh khanin BSC Nursing kha an zirtir daih tawh a ni a, chutiang chu phur taka an zirtir zel theihna tur atan an mahni nihna tur diktakah hian a hlankai theih tawh em? Hei hi sorkar hian engngeni harsatna aneih, tih kha ka'n zawt tel duh bawk a ni. Ka lawm e.

**PU K. VANLALAUVA** : Pu Speaker, zawhbelhna. Mizoramah hian PHC sak zawh tawh la function loh engzatnge kan neih? Function hnaih tumna a awm em? tih ka zawtbelh e, a relevant tha bawkin ka hria e.

**PU H. LALSANGZUALA** : Pu Speaker, zawhbelhna. Hei Health Worker thlathum lai mai hlawh la lova an awm fo mai hi kan sorkar hian a hria em? Engtia ngaihtuah nge a tum? A chhan chu

Health Department hi Life Saving Department kan ti thei deuh ang a. Mi natna chhanna atan theihtawpin hna an thawk a, pawisa hlawm la thei lo fo mai a anawm hi a fel lovin ka hria. Chu chu sorkar hian engtingge an hlawh tur hi ngaihtuah a tum em. tih kha ka zawt duh a, a pakhatna.

Pahnihna-ah chuan, Phuaibuang khua Pharmacist, mi anglo ina a sahhlum, khami kha, a hmun ruak hi thingtlang hmunah chuan an pawimawh si a, sorkar hian a aiah hianin Pharmacist dang minrawn dah sak thei em tih hi ka zawt tel duh bawk a ni.

**PU K. LALRINLIANA** : Zawhbelhna, Aizawl Civil Hospital OPD hmun hluia building thar sak saw a mawiin luah hlan a nghahhlehawm hle si a, engtikah nge hawn theih a nih ang, tih kha ka'n zawt belh ve duh a ni.

**S P E A K E R** : Duhtawk rih ila, ala tul ngang leh kan la ti leh dawn nia aw, tunah chhang turin Minister ilo sawm ang.

**PU R. TLANGHMINGTHANGA : MINISTER** Pu Speaker, Referral Hospital tura tana ruahman Falkawn a mi saw Referral Hospital angin a function lova, amaherawhchu, DoNER ten khum 50 talin lo function tan ve ula a tha lawm ni, an

ti a. Chuan, sawti sawn khum 50 tur ang chuan ruahmanna siam chhoh a ni a. Tin, session hmasa lamah pawh khan kan Member zahawmtak ten mi panga chauh damlo an awm tihte an sawi a, kha kha lawmawm lamah ka ngai a, tin a function tak tak hma chuan sawlaih Clinic ang deuh chauhin a kal lo thei lova, sawmi atan sawn Man-Power pakhatmah hi ruahman a la awm lova, tichuan Civil Hospital ami te chutiang chuan pawt kualin Grade-IV ani emaw, Doctor ani emaw sawlai hmun saw Central nen a kan in dawrna kal mek a ni a, annin an phut ang te pawh theih ang chin china han tih puitlin a tha lawmni tiin nichina kan han sawi ang khan staff te pawh kan dah nual a ni a.

Tin, sawlai hmun saw Referral Hospital atan duan anih chhoh ah khan a scheme saw a lo tlem hle a, tin a sakna tur leh ruahmanna turin Cheng vaibelchhe 40 ruahman kha, khami khan run theih ani lova,

lo ruahmantu te kan sorkar hnua a ruahmantute lo ruahman kha crore 41 a ni a. Chutah chuan crore 35 chauh hman a la ni a, crore 3.14 la release loh ani a, tichuan a scheme in a daih ang chin chiah kha kan ti zova, rawn tihbelh rawh u tiin kan technical mi tena hemi a puitlinna tur atan a sum mamawh belh zat tiin assessment te pawh an siam a, chung te chu zuk hriattir niin chu chu vawiin ni thlengin min la rawn pe thei lova, chuti chungin sorkar, Central Sorkar chona pawh ani ang e, tiin khum 50 maintain in, tisawn kan han kal chho va. Chutihlai chuan Referral Hospital ni tura ruahmanna tur chuan crore 40 bakah khan a dang 40 vel pawisa a mamawh belh thu kan hriatna a rei tawh a, anni chu an ngawi ta rihin tunah hian midang Hospital rawn din duhte pawh min rawn dawr hlawm, amaherawhchu, kan han in tintuah laikhan anni DONER lam kha an thikthu te a chhia in hei hi advertise ula advertise a an tih theih loh leh a tul angin Mizoram sorkar in lo hmang dawn nia an han ti a, chu mi han advertise pawh chu khami thawm a han awm khan opposition lam atang leh khawilai ti ti atang pawhin a ni ang kan referral hospital tur midang hnenah business hnenah leh midang hnenah an pe dawn tih thawm te a lo awm bawk nen, eng pawhniselangin khatia han advertise kha chuan keimahnin commitment kan siam lo thei dawn lova. An advertise a, an rawn chhan a, pek leh silohah khan engemaw chenah dan, court lam pangahte pawh khatiang anga advertise si chuti zat kan seng a min pe leh silo tihte pawh a awm thei a. Chuvang chuan, advertise dawn pawhin a ti thei tu tur leh college te leh medical Hospital lian te pawh han ti tura han kal rawk rawk a kha fimkhur thlak kan ti a. Chutihlai chuan thurawna min pek angin college lo din theihna tur atana ruahmanna rawn ti a rawn inzuar thenkhat te chumi te chungchang an mi zawrhna leh chumi lo en thlithlai tur chuan Committee for Establishment of Medical College Hospital tih ang te, chumi committee te pawh chu ruat ila, annin a tul ang ang a bawhzuiin han survey sela, chutiang chuan committee din a tha e, kan ti a. Chu chu kan Chief Minister zahawmtakin kha committee kha min din sak ta a. Tichuan a rawn diltu leh an rawn dil dan condition leh Mizoram tan a tha em tihte engkim en turin committee kan din ta a.

Tiang chuan Referral Hospital chu tunah chuan a scheme in alo ken khan a zo lova, tin, khami bakah a han keng zui tur pawhin Mizoram sorkar anga hei Prime Minister meuh in a Referral Hospital dinna tur atana a rawn ruahman hi a tling lova, chuvang chuan heti zat hi kan mamawh leh a ni tiin kan thlen cham chi a, tawngka pawhin, chu chu central sorkat atangin positive chhanna kan la hmu lova, chutih karah chuan a tih theih dan ang ang tuna referral hospital kan din thei lova, tu sorkar mahni referral hospital hi kan din thei lova, kan din hram dawn anih chuan thildang kan plan chhung atanga kan ti dawn anih phei chuan a dang zawng zawng kha kan kumkhat budget atang khan kan tih thulh ngai khawpin hospital dinna kha kalpui a ngai dawn a. Chutiang ang chu man hla kan ti bawk lova.

Tin, a in rawn satu central sorkar in a referral hospital tur atana rawn sa an nih hian kan Mizoram sorkar kan Ministry hlui Pu Hawla kan C.M thin zahawmtakina ruahmanna a lo siamah pawh khan referral hospital hi kan run ang tih emaw, chutiang anga commitment chu a awm bawk lova. Central Sorkar iniative in Prime Minister in referral hospital dinna tur sum a in sakna tur a rawn pek a kha a ni a. Chu chu la sa zo silovin, an mahni pawh kan dilin, mahse vawiin ni thlengin a zawhna tur min la pe lova. Tiang chuan leh lamah referral hospital run thei lo han tih tur ang pawh khan keini-ah hi chuan kan run ange tih kan Pu hlui ngei Pu Hawla pawh khan a lo commit chuang lova, tuna mi pawh hian kan commit hek lova. Amaherawhchu, sawtiang ang a asset ropui tak mai min rawn pek tak si-ah chuan a tangkai thei ang ber a hman dan tur, tin, medical college te pawh an din a. India ramah hemi North-East ah pawh hian an din sup sup a, dinlohna hi state pahnih chauh kan ni tawh a. Chutihlaih chuan kan Chief Minister zahawmtak hnenah pawh Union Health Minister pawh khan faculty lampangah buaina inneih dawn loh chuan hemi tur hi chu ngaihtuah dan pawh a awm ang e, tiin a sawi a. Engpawhnisela, kan plan leh development sum dang reng reng chumi tih thulh nana referral hospital atana kan sum neih ang ang han tih kha manhla kan ti lova. Tin, din dawn pawhin Hospital hi a thei nazawngin ka din ang e, rawn ti a, keimahni tan a facility awm tur chu ni tak mahse, helaiah hian thil thui tak ngaihtuah a ngai a, kan hriat angin Sikkim ah pawh an rawn din a, sorkar nena tangdun in an din a, an ti chho a, khalai ah khan harsatna an tawk a, chuvang chuan an college din pawh a kal hleitheilo niin kan hria a. Chutih lai chuan hospital neilo state kan nihna laiah seat 30 vel dawnlai kumtina MBBS zirna tur atana reservation min pek kha a zuk khawihbuai thei dawn bawk si a. Chutih karah chuan Hospital kan neih kha midangte nena han khaikhin a, ropui vaklo hian sumdawng a duh nazawngin an rawn tih chuan kha kha a in chhirawm thei a, kan facility kan chan phah thei a.

Chuvang chuan, uluk taka ngaihtuah a ngaia, committee pawh dinin a rawn inzuar 2/3 lo awm tawh pawh kha examine turin kan C.M zahawmtakin ruahmanna a lo siam mek a, tunah hian min rawn cho em em hospital lian leh college pawh rawn din duh hi an rawn in zuar a, chu chu keimahni advantage a ni ngei dawn em? Tih hi kan en chho mek a ni.

Tin, hei nursing college ni tawh si school of nursing in tunah hian a la kal tih kha- engpawh nise school of nursing tih ang kha ni tawh lovin up-grade a ni tawh a, chutihlaih chuan organisation structure pawh siam chhoh mek a ni a. Tin, an inzirtirna pawh nichina kan member zahawmtakin a rawn rawt ang khan heng hi tutor ni mai lovin, lecturer tih pawha kal hmang tur a ni a. Engpawhnisela, centralin nursing council in a pawm ang leh direction angin kan kal chho a, chutiang chuan tunah hian enchhoh mek a ni a, recruitment rules leh service rules pawh enchhoh mek a ni a. Tunah hian a Dp & AR ah a kal chho mek a, kha rawtna kha thil rawt awm tak a ni a, chu chu enchhoh mek a ni e.

Tin, kan standard leh a zirtirtute pawh schoola lo zirtir thin kha lo test zirtirtu tling an nih hlawm tlangpui avangin harsatna kan nei lova, midang pawnlam han dap ruai ruai pawh ngai chuang lovin college standard in a kal chho mek ani tih ka sawi duh a.

Tin, Pu K. Vanlalauva zawhna kha zawhna-ah a la awm tho mai a, a detail ka sawisual palh takin, PHC la function lo, tih kha tunah hian PHC ah Doctor awm tura beisei awm rih lohnate, 18 lai awmin ka hria a, nakinah detail chu a zawhna hun lo thlenah kan la in chhang thei turah ngai ta ila.

Tin, Pu Sangzuala, Member zahawmtakin a rawn zawhna, Health Worker thla thum lai hlawh la lo, tih chungchanga kha chu, ni e, hei hi central sorkar in an hlawh hi a rawn tum a ni a, nikum lamah pawh thlathum lai pawh hlawh la lovin an lo awm thin zeuh zeuh a, hei hi keimahni lam thiam loh nihna lai te chu awm bawk mahse hemi hi Audit statement te khatiang khan tlai te a lo ni a. Hlawh pek tur chuan kha audit statement kha a ngai thin a, khangte kha keimahni lam pawhin kan lo tih hma tawk loh avanga anni lo delay nen, khami chawhpawlh khan thla thum lai te kha a lo kal mai thin tih te kan hria a. Amaherawhchu, kan Finance Minister zahawmtakin rem min ruat sakin khang hlawh la thei lo te kha an rawn sanction tho tho dawn a lawm, tih beiseina anih bawk avangin khang te kha thla 4 nghei lovin khatiang ho kha a zawt tuin a zawhna ang khan hlawh te chu Mizoram sorkar pawisa atangin kan lo pe ve leh thin a. Chumi anih avang chuan tun thla kal mek chawhma lamah khan khulai-ah kan official te zu kalin khalaiia kan lo pek sakna Mizoram sorkarin a lo pekna kha, khami pawisa kha min rul tur a ni tiin kan zuk thing a. Chu pawh chu min lo pe in tunah hian pek theih loh chu a hlauhawm lo viau a, tuna kan neihsa danah phei chuan thla 3 lai kan pek zawh hunah a dang thla 3 lai advance a pe thei tur khawpin pawisa kan lo nei thleng tawh e, tih kha ka'n sawi duh a.

Tin, Member zahawmtak Pu K. Lalrinliana zawhna OPD saw engtikahnge luah theih anih ang? tih kha keimah pawh ka in zawt deuh reng a. Zawh theih hun tur kha a hla tawh lo a, wiring te kan la tihfel loh avangin saw saw luah theih loh chauh chauh a ni a, tunah sawn wiring an ti chho mek a, hun rei vak lo-ah kan luah theih ngei ka beisei a ni e.

**S P E A K E R**

: Pharmacist thi ta chungchang kha, a aiawh tur kha, Phuaibuang..

**PU R. LALZIRLIANA** : Min chhang se ka va duh em. Rural Health Mission a Damdawi In 15/16 lai nuai 40/50 upgrade tur ho kha.. Saitual Damdawi In te, ti loh reng mai hi a va han rei tawh ve, tih kha a ni a. Pakhat leh-ah chuan, hemi Pereousnephroliphobiosy Rs. 4.82,044 man lai lei tawh, ni 24.3.2005 a lei hi khawiahnge a awm? Referral Hospital-ah kan en a, a awm lova, Civil Hospital-ah a awm a niang an ti a. Civil Hospital-ah kan en a, a awm bawk lova, hei hi khawiahnge a awm tih kha..

**PU ZODINTLUANGA** : Zawhbelhna. Kan Minister zahawmtak khan sorkar hmasa pawh khanin commitment siamin kan run lovang, a ti kha a diklo in ka hria a. Pu Speaker, Referral Hospital saw a tirah chuan 500 bedded Hospital tur a ni a, khum 300 awmna tur Hospital kan sa dawn anih chuan a hranpa-a kan in commit a, Hospital kan run dawn e, tih a ngai tawh reng reng lo. Hospital sakna tur a ni a, chuan a petu pawhin Hospital sakna turin a pe a, a dawngtu pawhin Referral Hospital sakna turin min pe a. Chuvang chuan, 300 bedded Hospital kan sa anih chuan in commit hranpa, kan run dawn e, tih kha angai lo ani lawm ni, tihlai kha rawn sawifiah leh turin kan ngen a ni.

**S P E A K E R** : Pu Rohluna, nimin khan zawhna pahnih chauh kan la hman a, hei darkar chanve a kal leh dawn tawh a nia.

**PU H. ROHLUNA** : A pawimawh a nia nge, Referral Hospital, Falkawn ami saw Feb. Ni 28 khan a hmunah ka va kal a, quarter luah loh hluihlawn tawh niawmtak, a thar nisi a tam em em mai a. Sawng saw Health in nge enkawl a PWD in tih kha ka ngaihtuahna-ah a awm a. A chhan chu enkawl zui lova khatiang building tha tak tak mai te Aizawl khawpui laili-ah pawh awm se zahpuiawm lo, chhungkaw paruk in a luah theih tur ang te, khatiang kha a ni a, hnimin a khuh luai mai a, PWD a la awm anih pawhin enkawl zui deuh hlek a tha in ka hria a. Tin, Health a awm a nih pawhin enkawl zui deuh hlek a tha a ni. A kawngkharpui kalhna nise, a floor tile te nise, engkim mai, a chhung ami, a bo thei zawng zawng hi chu a bo deuh vek tawh

tih ang deuh a ni in ka hria a. Chuvang chuan, a type chi hrang hrang, a block hrang hrang, a awm hova kha hetiang a awm ringawt hi chuan nakinah thildang atan hman duh pawh ni ta selangin, hmantlakloh-in kan chhuah dawn niin ka hria a. Chuvang chuan, a lainatawm hle in ka hria a.

Hei hi Health in a enkawl a nih pawhin, PWD in a enkawl anih pawhin tunaia tha zawkin an enkawl thei ang em? tih ka zawtbelh duh a. Tin, X-Ray khawl a awm a, Technician an nei lova, Aibawk nen an kawp a, chu chu X-Ray lak han tih te chu heng hmanhmawh deuh va emergency a tih chi te a lo ni a. Ruhtliak leh rikrum thilah emergency-a tihtur awm se Aibawk ami va koh zel tur kha chuan thil theih a ni in ka hre lova, khatianga Technician an dah theilo anih chuan Ngopa CHC-ah te khian min dahsak thei mai lawm ni? a khawl kha. Khilai a kan khawl, X-Ray khi a chhia a, Aizawl-ah an phur thla a, an repair thei lova, khawl tereuhte an han dah chhova, chu chu tunah hian an han hman ve pawhin X-Ray thla a chiang lova, Aizawl-ahrawn tih thlak leh tho thin a ngai a. Chuvang chuan sawlai a Technician awm lova dah ngawt ai chuan tihdan a awm em? tih ka'n zawhbelh duh a, chu chu tuna anih danah chuan sawng saw hluihlawn ang dinhmunah a ding a, referral hospital hi tunaia uluk zawk deuh hlekin sorkar a mawhphurtu in enkawl se, tih kha rawtna ka'n siam tel duh bawk a ni.

**PU R. TLANGHMINGTHANGA :**  
**MINISTER**

Pu Speaker, zawhna neitu in a a zawhna kha ka lo chhang nghal lova, hemi CHC upgradation tur hi pawisa a awm a, a thawktu tur pawh kan ruahman fel tawh e, tih a kha kan sawi duh a. Lehlamah chuan

Saitual kher hi engatingemaw i ngaihpawimawh hmasak a, i dah zel le, ti a min chhuahchhal leh thin te pawh hi an awm a. Amaherawhchu, kan ngaihpawimawh pawlah chuan a tang reng a nih hi. Chuan, a bialtu pa pawhin lawmthurawn sawi nachang pawh a hria a, a lawmawm khawp mai.

Tin, kha Pu Rohluna zawhna kha, quarter saw luah lai tih loh chu PWD in an la enkawl zel ani, tih kha ka'n sawi duh a. Tin, Referral Hospital a la function si lova, chumi avang chuan a luahtu tur pawh an la awm lova, nichina khalai a engtinge han tih pawh kha, ni e, a hmanhmawhthlak ang reng viau a, tih thuai thuai kan duh a, Referral Hospital keimahnin kan hawn dawn chuan kan mamawh zat tur a hi a nasa em a, ka sawi tawh angin, kha kha tunah hian beiseina in kan kal chho va, enge kan hawi ber tur tih hi a sorkar lu ber pawh hian a sawi thei bik lova, kan CM zahawmtak hian a tihdan tur ngaihtuah erawh chuan theihtawp in a enghelh a ni, tih kha ka han sawi duh a.



Tin, hei Hospital leh hemi PHC tihah-te, hengahte hian Man-power tur hi kan mamawh em mai, tiin kan C.M zahawmtakin rawtna rawn siam rawh u, a ti a. Chumi atan chuan Pharmacist te hi anih ang tur hian kan nei lo em em mai a. X-Ray Technician te pawh kan nei lova, chumi avang chuan hetia Hospital chikima duty tur na na hi chu min pe turin kan ti a. Tunah hian Cabinet-a ka CM zahawmtakin a ngaihtuah tur leh keimahni pawhina proposal kan ti a kha a kal chho mek a. Kan tih theih thuai tawh kan beisei a, tun financial, hemi budget session hma hian tihfel kan han tum tehlu nen, eng eng emaw khawlhkham a awm avangin kan ti hman nghal thei lova, chuang chuan pharmacist te kha an indaih loh vang a ni a. X-Ray te pawh an indaih lova, chu chu sorkar in dah a tum mek a ni, tih kha ka han sawi duh a.

Equipment kha Jetrostripsy tih a ni a, Pu Zira'n a rawn sawi equipment kha, a ni pawhin a lam thiam mang loh lai a kha, keipawhin ka lam thiam vak lova, hei hi sawtah Civil Hospital-ah a awm e, tih kha ka han sawi duh a. Tithrotipsy an ti. (**PU R. LALZIRLIANA** : Mahse a spelling ka'n chhiar ang e aw, pereousnephroliphobiosy a nia maw, i lam leh hemi hi chu a inang lo tlat a ni). Engpawhnise, a zawhna nen khan a in tu lova, han chhan dik ka chak tehlu nen. A hnu-ah remchangah a hmang kha han inhrilh ta ila. Keini aia thiam hria ten min hrilh mai theih ka ring a. (**PU R. LALZIRLIANA** : Nia, khang a kha an thu teuh a, nia, khang khanin hemi banah pawh hian en ho ila. a tha khawp mai. Hei hi a awm lo ani. Medical Superintendent te kan zawt a, a awm lo an ti si a, Chulai chu i huan lamah engemaw lei nan i lo hmang ta mai em ni, tih kha ka ngaihtuahna-ah chuan a awm a ni). A awm ang, a awm em em ang, sawlai Referral Hospital atana bungrua zawng zawng a kha, a mamawhte tih loh a chu hmun dangah remchang-ah dah vek a ni tih kha ka'n sawi duh a.

Tin, percutaneous, heproolithotomy an ti a, kha kha an hmang mek a. Tin, a hmang thiamtu Dr. Faktea kan tih a kha khutah Negrims ah a kal ta daih si a. Chumi avang chuan midang train, a hmang thiam tur train turin ruahmanna (**PU R. LALZIRLIANA** : Superintendent te khan an Hospital-ah khan a awm leh awmlah pawh an hre lova, awmlah an ti si a, chu chu tunah hianin engemawni wrong information i dawng mai a ni lo maw, i en ho teh ang u a). Aw, kan en dawn nia. A awm a, a lo awm lo anih chuan Saitual lamah an lo la daih hi a ni ang e. A ni em lovang chu. Referral Hospital atan commitment kan nei a tih kha a commit na lai kha kan hre lova, kan lo siam ang e, tih a awm lova, central-ah an dil a, Prime Minister in a rawn pek leh a scheme siam kha crore 40 chauh a ni a, kha khan siam theih a ni lova, a daih lova, commit vek a daih tur ruahman siam tel awm tak, siam a ni si lova, keini a commit lotu zawk hi chuan kan rawtna leh tak a chu a let ai tam hret, chumi tur chuan a in sak zawhna leh equipment te leinan crore 40 vel kan rawt belh leh a. Chu chu min sak tirtu hi central sorkar-a a lu ber a ni a, kan beisei dan chuan min sak tir na na na chuan keini pawh sub-centre te kan sa

a. Tin, PHC te kan sa a, a satu khan a Doctor leh a run kan mawh nghal ang deuh khan central sorkar, Prime Minister pawhin kan CM zahawmtak lo ni thin Pu Hawla hun a saktir khan min zawh tir se chuan a rawn run na tur hi an ngaihtuah mai turah kan han ring a, keini mawh a run tur hian commitment sorkar in a neih kan hmu lo.

**PU LAL THANHAWLA** : Pu Speaker, referral hospital saw Mizoram-ah cancer leh disease atam avangin sum, sorkar pawhin a seng nasa a, central sorkar-ah dil a ni a, a run tu a ni.

Tichuan a site selection ah reitak kan buai a, a chhan chu, an expert lo kal te kha, hetah tlang pangah kawng a awm a, fur-ahte a chhe dawn a, chutiang khatiing an ti a, mahse Mizoram-ah tlangpangah lo kawng a awm lo va ti a hnial hnu in a hmun te pawh saw central expert ho in an remtih vek a ni.

Tichuan, a hun taka sak zawhna turin 40 crore, a building construction atan chauh a ni, a run nan a tel lo. Chuvangin, a hun a sak fel chu nise central khan an mawhphurhna chu an tih ka ring a. Mahsela, kan delay rei ta lutuk a, sorkar inthlak chho zelah enge hna kalhmang kan hre ta lova, amaherawhchu, khulaia kan hotute UPA Chairperson te leh Minister concern dang dang kan hmuh ve nikhua in Medical College-ah ti ula, Referral Hospital nen a inang tho an ti a. Referral Hospital anih pawhin Medical College chu ultimately chuan kan beisei tho a ni. Chu mi understanding a kal chu a ni a, tunah hian a buarchuar ta hi a pawh khawp mai.

**PU R. TLANGHMINGTHANGA : MINISTER** Pu Speaker, khawih danglam leh tih buarchuar a awm lova. A sak zawhna tur khan 5.14 crore min rawn pek duh tlat loh avangin run chu sawiloh, a sak zawh kha a theihloh a, chumi atan a next step tur han

lak khan anmahni central sorkar zawk khan min la rawn pe lova, tichuan tunah hianin Sercchip bialtu Opposition Leader in a rawn sawi ang khan ruahmanna Rs. 40 crore kha a ni a. 40 crore pawh khan a daih lova, a daih loh bakah 40 crore-ah khan 5.14 crores kha an rawn release lova, chuvang chuan sak zawh theih a ni lova, sa zo ta ila chuan "Khai le, rawn run rawh u le" tih kha kan zuk hrilh tur a ni a, tunah pawh hian kan zuk run reng a, sa zo thuai thuai rawh u, min ti bawk a, a sak zawhna tur min pe rawh kan zuk ti bawk a. Tin, Medical College turah kha chuan hma kan la mek a, chu chu a puitlinna a la awm hma chuan khami tura kha chu ngaihtuah mek a ni a. Vawiin-ah hian a fakna pawh, a nihna pawh, a la lang thei lova, chuvang chuanin sorkarin tunah hian a ngaihtuah mek a ni.

**S P E A K E R** : Starred Question No. 82 zawt turin Pu Sailothanga Sailo i lo sawm ang.

**PU SAILOTHANGA SAILO** : Pu Speaker, Starred Question No. 82 na zawhna- a) Mizoram Pay Commission (2005) report kha Sorkar in tha a ti em ? b) Engtikahnge hman a tum? c) Tha ti loin hmang lo ta se engnge a chhan? tih leh d) Kha Commission atana senso zawng zawng kha engzatnge? tih ka zawt e.

**S P E A K E R** : Chhang turin Finance changtu, Chief Minister zahawmtak i lo sawm ang.

**PU ZORAMTHANGA MINISTER** : Pu Speaker, kan Member zahawmtak Pu Sailothanga Sailo zawhna chhanna - a) Mizoram Pay Commission Report kha Sorkarin tunah a zir Chiang mek a, full time in an bei char char e. b) Tin, engtikahnge hman a tum tih kha, khami kan conclusion kan peih a, hetiang hian tih ni rawh se, kan tih hunah a ngai a, chu chu a la thlen loh avangin thutlukna tunah chuan kan la siam lo a ni. c) Tha ti lovin hmang ta lo se engnge a chhan, tih kha kan zir chian hma chuan a that leh that loh, a tha laite pawh a awm ang a, a fello laite pawh awm thei a ni a, chu chu kan zir chian a, duhtawka conclusion kan neih hma chuan a that leh that loh a la sawitheih loh a ni. d) Commission atana senso chu bungraw lakkir leh hemi commission period a tawp a, khami kan lakkir leh kha Rs. 5,68,118/- a ni a, a vaia hman zawng zawng Rs. 20,40,578/- a ni a. Senso tak tak lakkir leh hnu-a kal chu Rs. 14,72,460/- a ni.

**PU SAILOTHANGA SAILO** : Pu Speaker, zawhbelhna. Pay Commission an lo siam tawh thin a, pawisa tamtak kan seng thlawn thin a, vawiinah pawh hian hei, cheng tamtak kan seng tawh a, kan la function thei lova. Pu Speaker, vawiinah hian he Pay Commission chungchang hi tamtak zawh tur a awmin ka ring a. Amaherawhchu, zawh nuam vak lo leh chhan

...335/-

harsa tak thil awm thei a nih avangin pakhat chauh kan zawh ve duh chu, he Pay Commission chungchangah hian representation thehluh te a awm em? Tute nge, tih hi chhan harsa lo tura ka ngaih ka'n zawt ni rawh se.

**PU R. LALZIRLIANA** : Pu Speaker, ka lawm e. Pu Rozika Pay Commission kha ram hma khua ngai takin a hniam zawngin a rawn kal a, mitin, sorkar hnathawk hi lungruallo, lungawilo kha an tam lutuk lovin ka hria a. Amaherawhchu, engngemaw avangin implement kha a ni chuang lova. Hei, Pu Fakzuala Pay Commission hi cheng nuai 14,7,7460 zet senna ni si, a sang zawngin a kal vek thung a. Primary zirtirtute, Middle zirtirtute, High School zirtirtute hlawm lian pui pui, Association lian pui pui hi lungawilo a ni a, LDC leh UDC te, heng ho hi lungawilo nasa tak kha an ni a. Hetiang zat pawisa seng si hi an in implement ngam ang em, tih kha ka zawt duh a. Chuvangin, heng ai hian Central Pay Commission hi tunah hian din a ni daih tawh a, hemi a lo chhuah hian kan sorkar hian zawm ve mai hi a tha dawn lawm ni, hei hian min hrutual za ber lo maw, tunai chuan a sang turah ngai ila. Amaherawhchu, a sangah pawh khan helaia mawhpurhna awmlo deuh anga tih kha kan duh zawk lo maw, tih kha ka'n zawt duh deuh a ni.

**PU LALDUHOMA** : Pu Speaker, Pay Commission hi a buaithlak em em tih kan hre theuh a. Tuna Sorkar hnathawk mek, a present incumbent te tawh buai lo hian, an pension hun thlenga khawih buai lo tur hian new recruit ho chauh in an hman tur zawk hi fel tak hian duan nise; chutizawnga kal chu kan damna a ni zawk lo maw? Chu lampang chu sorkar hian a ngaihtuah em, tih ka hre duh a ni.

**PU ZORAMTHANGA  
CHIEF MINISTER** : Pu Speaker, kan Member zahawmtak tak ten an han sawi kha ngaihtuahna hmanna awm tak tak vek an ni a. Pakhatna-ah khan Pu Sailothanga Sailo, kan Member zahawmtak han zawhah khan representation thehluh te an a w m e, tih kha a chi hrang hrang 70 lai an awm a, chung chu tunah hian an examine a, a exam kha chu an zo thawkhat tawh a, full-time in kan expert ten, chu chu tunah sorkar-ah pawh min rawn pe dawn a, chuvangin kha kha kan theihtawpin zir kan han tum a.

Tin, kan Member zahawmtak Pu Zira zawhna, Central Pay Commission lo awm tur hi hman mai a tha lo maw. tih a kha a chhuah hma chuan han sawi mai theih pawh a ni lo a. An kal chho ve dawn chauh a ni a. Keini ah hian Pay Commission hi a hna lai ber chu Central in Pay Commission an siam a, khami mil tur khan tuna kan hlawh kal lai standard conversion a han siam mai chu cent per cent in tihian conversion kan siam ve mai a ng tih emaw, 50%, 75%, 25% in conversion increase ang tih lam kha chu a harsa hauh lo a, a chhiarkawpin a chhauh chhuah theih mai a, tuna kan problem ber chu kan hlawh in ang lo nasa lutuk kha a base tur kha kan buaipui a ni ber mai a, kha kha kan tihfel chuan nakinah Central Pay Commission report emaw, a thar lo siam ta se, khami kha engemaw percentage punna a ni a, convert ve ang, adopt ve ang, kan tih chuan a harsa hauh lo a, khalam kha chu. A base tur a siam rual fel a kha a har lai ber, Pay Commission hrang hrang pawhin an tih hleihtheih loh, UT period atanga hetia a hrang hranga lo kal chho kha a ni. Chu chu keini pawh in kan buaipui chu a ni a. A lehlamah chuan, Pay Commission leh eng committee in emaw, report kha a tangkai em em a, a hnu-a lo kal zel turin reference-ah te, khami zir nan khan an hmang chho zel a.

Tuna kan Pay Commission neih pawh hi a harsa na meuh mai a. Ngaihndan chi hrang hrang report pawh duh lo an awm a, a tha ti te an awm a. Tuna kan ngaihthlak ang khan a complaint pawh chi hrang 70 lai a lo lut a, chu chu kan analised a, tunah hian an zo thawkhat tawh a, sorkarin kan enzui dawn a ni.

Chuvangin, hei, vawikhat a base a kha awl tlang deuh a kan tih theih chuan a dawt leh hi chu a har lo ang. Standard Conversion engemaw chen kalpui ang tih kha a harsa hauh lo ang a, a harsa zualkai. a base siam hi tunah hnapui ber kan ti mek a ni e.

Tin, New recruit atana siam mai tih kha a nih theihna kawng pawh a awm a, han practise thenkhat-ah chuan a kal reng a, tunah existing te chu an hlawh ang ang in an kal ang a, mahse tun hnu a recruit te rawh chuan hetiang hian a ni tawh ang tih kha eng case-ah emaw chuan remchang lai pawh a awm ang a. Amaherawhchu, Mizoram sorkar te hlawh hi ka sawi ang khan a pumpui thu hian anih ang angin a kal ti a lungawi lo nasa lutuk vek mai a nih avang khan han chinfel vek mai a ngai tlat mai a. New recruit tan, tuna kan awmsa hi a tel a, new recruit tan siam dawn ni ila chuan a zia tak a awm a. Tuna awmsa ho chinfel ngai hi a hautak ber a, han chin fel angaih avangin heng hi kan han ti a ni e.

**PU S. HIATO**

: Pu Speaker, ka lawm e. Lungawina tak tak a awm lo a. Tlukpui te hlawh ang hlawh phak loh hi kan lungawi lohna hi a ni ber a. Tunhnai leh nikum pawh khan kan buai

nasaa a. Engineer leh MCS hlawh in ang lo chungchang ah, News Paper lama kan hmuh dan chuan Chief Minister Advisor te nen an in bia a, an ti fel tep a ni e, tih a ni a. Engtikah nge hei hi tihfel theih a nih ang, tih ka zawt e.

**S P E A K E R** : Chhang turin Chief Minister i lo sawm ang.

**PU ZORAMTHANGA  
CHIEF MINISTER** : Pu Speaker, kan theihtawpin kan ngaihtuah a, Sapin "Leaving no stone unturned" an tih ang deuh hian kan bei a. Group 'A' hotute pawh kan ti luhai a. Engineer leh Doctor lamte pawh rawn tur chi hrang hrang nen rawn in tunah in siam rem theihna tur kan dap mek a. Kan sawrzim tawh hle a, tihtheih hram kan tum a. Hun rei lutuk lovah a tlang kawm theih dan thawkhat chu neih kan in beisei e.

**S P E A K E R** : Starred Question No. 83 na zawt turin Pu Andrew Lalherliana i lo sawm ang.

**PU ANDREW LALHERLIANA** : Pu Speaker, ka lawm e. Starred Question No. 83-na, Minister, AH & Vety changtu chhan atan - a) Ramri kawna Animal Feed Plant Running Cost leh Maintenance atan sum engzatnge sen a nih? Hei kum khat chhung a tan a ni. b) Kum khat chhunga Animal Feed engzatnge siam chhuah anih a, a pawisa in engzatnge (2006-2007). Ka lawm e.

**PU LALRINCHHANA  
MINISTER** : Pu Speaker, Member zahawmtak Pu Andrew Lalherliana zawhna chhanna chu - a) Animal Feed Plant Ni.16.9.2002 a hawn a nih atanga 27.3.2007 thlenga Running cost

leh Maintenance atana sum senral zat chu hetiang hi a ni :

- 1) Energy charges - Rs. 1,44,708.00
- 2) Annual Maintenance – Rs. 61,482.00  
Transformer paid to P & E Department  
Kum 3 atan
- 3) Feed Plant khawl repair na – Rs. 2,53,414,00
- 4) Buara ruak leina - Rs. 21,560.00
- 5) Jute thread leina – Rs. 30,800.00  
Kum 4 atan
- 6) Verification charges of weight – Rs. 40,12.00  
Bridge by Legal Metrology Department  
kum 3 atan
- 7) Wages of Labour 2003 May – Rs. 14,10,342.00 Feb. 2007
- 8) Cost of POL, etc kum 4 atan - Rs. 2,30,400.00

**A vaiin - Rs. 21,56,718.00**

b) Kum khat chhunga April 1st, 2006 - 28<sup>th</sup> Feb. 2007 a ranchaw siam chhuah zat chu hetiang a ni –

Bawng chaw quintal 511390 a man Rs. 46,2510/-.

Vawk chaw 519120 kgs. a man Rs. 46,7208.00/-

Ar chaw 552972 kgs a man Rs. 60,82,692/-

**Total - 15,83,482 kgs Rs. 1,53,57,282.00 (cheng nuai za sawmnga pathum leh singnga leh sangsarih leh zahnih sawmriat pahnih) a ni e.**

**PU ANDREW LALHERLIANA :**

Pu Speaker, Raw Material sawi lan a ni lova, engzatnge hman a nih a, khang zawng zawng paih khan profit engzatnge a nih, tih kha ka'n zawt duh a ni.

**PU LALRINCHHANA  
MINISTER**

: Pu Speaker, detail ka neih loh avangin ka sawi mai thei lo. Nakinah ziakin kan la pe dawn nia.

**PU ANDREW LALHERLIANA** : Pu Speaker, a lost viau turah kan ngai a. Tin, leh lamah lawmawm viau laia kan hriat laiin a tam hle mai a. Profit kan siam leh siam loh lai tak kha a ni a, tamtak a sawina-ah hian, a khawl a khu thir chhia a hralh mai tur ani mai lo maw, ti a kan lo hriat avangin, engtiangin nge a hlawkna kha ka'n hriat duh vangin a nia. Ni e, khawngaihtaka min hriattir turin ka ngen e.

**S P E A K E R** : Starred Question No. 84-na zawt turin Pu D. Thangliana i lo sawm ang.

**PU D. THANGLIANA** : Pu Speaker, Lammual hi Stadium a sak tumna a awm em? Engtikah nge sak tan theih a nih ang? tih ka zawt e.

**PU Z.H. ROPUIA MINISTER** : Pu Speaker, Pu D. Thangliana zawhna 84-na Stadium sak tumna a awm em? engtikah nge sak theih a nih ang? tih chhanna chu, "Awm e" tih a ni a. Conceptual Design siam turin Mathur & Kapre Architect Consultant Delhi te hi 23.2.2007 khan thlanfel a ni tawh a. A hma thei ang bera hna thawh tan tum a ni, tih hi a chhanna a ni e.

**PU D. THANGLIANA** : Pu Speaker, zawhbelhna. Central Union Home Minister Pu Patel a lo kal tum khan sipai Lammual hi Public kut a hlan tum ni a sawi a ni a. Khami tum khan Public kut a hlan lovin an haw leh ta mai a. Kha kha kan hriat dan chuan helaja kan Congress unaute hian MNF sorkar laia public kut a in hlan chuan Politic ah kan thatpui lovang e, hlan hrih lo rawh, an ti niin kan hria a, public kut-a an rawn hlan loh chhan a kha kan Congress unau ten a hlan hrih lo tura an ngen vang em ni? tih kha ka'n zawh belh a ni e.



**PU LALHMINGTHANGA**

:

Pu Speaker, hemi Sipai Lammual siam tum hi a rei tawh viau mai a. ka hriat sual loh chuan Pu Sanjay Gandhi boral hnu lawkah khan, UT kan nih lai kha a ni

nghe nghe a ni. He House-ah hian Sanjay Gandhi Memorial Stadium atan nise, Resolution-ah te pawh kan pass in ka hria a. Tunthleng hian a tak tak chuanin a thleng lovin ka hria a, a right selection hi a wrong selection a ni lo maw? tih hi ka'n zawt duh a. A chhan chu, Sipai hi chhuah an tum chiah lova; an chhuak ang ti rengin vawiin thleng hian thawm a la awm lo. Tin, tuna committee a ngaihtuahu te leh hemi a involvement nei ho han zawh hian sawmi Lammual thlang lama an School te leh an Langer, an chawchhum in te saw daltu lian tak a ni a. Tin, Bangla thlang te . heng zawng zawng rawt te kha a ngai ang a. Tin, hetiang thil Chiang si lovah sum leh pai awm teuh tawh bawh si hi a tha lo riau a, churang chuan a dang te hi a select theih lawm ni?

Tin, a laili-na hianin tunah nasa takin lo cheiin lo ti thei tehreng pawh ni ilangin, Aizawl khawpuia nunphung hi engemaw game neihte, khatiang a awm chuanin a ti khaihlak nasa em em dawn a. Motor Jam te, tin, a mihring jam pawh a tel tawh ani tunah chuan. Churang chuan, a dangah hian sawn selangin, daltu awm silo chutiang khatiang tih awm lo hian tuang takin a kal tuang thei zawk dawn lawm ni? hei Mualpui lamah Police Playfield te khu MP Development Fund atangin an lai a, khungte khu a tha viau mai a, khulam te khu a side a free si. Tin, Traffic Jam leh Mihring jam te khu a siam ve dawn lova, khulam te pawh khu a her theih lawm ni, tiang kha ka'n zawt tel duh bawh a ni.

**PU Z. H. ROPUIA  
MINISTER**

:

Pu Speaker, hei zawhbelhna. Public kuta hlan loh tura an ngen Congress I Party in an ngen tih North Vanlaiphai bialtu MLA zahawmtak zawhna kha ka hre ve chiah

lova, amaherawhchu thu neuh neuh hi a awm a, Politics a ni a, thalai te manganna leh beiseina sang tak kan neih laia kan tih hlawhtlin hlauh hi mi thenkhat tan chuan a hlauhawm ve a. Kha kha kan hre lova, mi puanhnuai thil a ni a, kan hre bik lova, chutiang turah chuan ngai lo ila a tha ang e.

Tin, "Lammual siam tumna hi tunhma in a awm tawh a, a rei tawh khawp mai a" tiin Lunglei South bialtu-in a rawn sawi a. Kan nih ve hma thil a ni a, amaherawhchu a reh rei hle mai a, kan hriat phak ve thin ang ah chuan sipai awmna sawn tum hi a ni deuh ber mai a. Mahse hei ngaihtuahna tamtak kan hmang a, in hnialna pawh a tam a. Sum leh pai tuaknan Association hrang hrang ten nakin zelah pawh hmun laili leh mipui punkhawm awlsamna ber kan neih hi tha in kan hria a. Stadium pakhat, Ramhlun-ahte kan han nei a. Ticket system

leh pawisa tamtak tuak a, association te, nakin Professional Players te pawh kan la chherchhuah hun pawh a awm ang a, chung hun turte kan ngaihtuah chuan sawlai Ramhlun a kan han organise chang hian Lammual entu chanve pawh hi an kal hleitheh lova ni. Chuvangin, helai Lammual a nakina kan thalaite, Professional Players te leh Association hrang hrangte pawhin remchanga sum leh pai tuakna leh thil tul tamtaka kan hman tangkai theihna zawk tura siam hi tha berin kan hria a ni. Chu chu helai kan selection hi a dik in kan hria a ni.

Tin, Mualpui chungchang kha, khulai 3<sup>rd</sup> Bn. hmun khu vawi engemawzat kan en a, amaherawhchu, rin aiin zopa hian lian kan ti awl khawp mai a, a lian viau tawh a, han laih khuan, mahsela 180x180 meters tur hian a tling mawh em em a; chumi bakah galery leh free area turte zawng zawng ngaihtuah khan khulai khu kan pawisa neih a duhdan tur ruahman nen duhthu a sam dawn in kan hre lova. State Complex siam nan pawn kan han en a, amaherawhchu, hemi stadium siamna tur atan chuan helai hmun laili, sum tuakna tur hmun leh thil tikhawm engkim a hman tangkai theih a kan hman theihna tur niin kan hria. Nakin zela tangkai ber tura kan ngaih a ruahmanna siam tum kan ni, tih kha ka'n sawi duh a ni.

**PU LALRINLIANA SAILO** : 12<sup>th</sup> Finance Commission Grant khanin 25 crore kha min rawn pe kha a ni a. Tahchuan, hei kum hnih a liam ta a , khami pawisa kha Sports ah hian hmanna khawiahmah hian budgetory-ah emaw a reference kan hmu lova, 10 crore kha a liam tawh a ni a...

**S P E A K E R** : A tawh tawh, ti tawh lovang, a belh zel a belh zel a, a chhan pawh vawiin atan a ngai tawh lovang. Awle, tunah chuan List of Business-ah kan kal ang a, Laying of Papers a ni a. Dr. R. Lalthangliana, Minister zahawmtak Education changtu-in Rules pahnih lay tur a nei a "The Mizoram Recognised Private School Regulation Rules, 2006" leh "The Mizoram Education Establishment and Management of Private Middle School Rules, 2006" han lay sela, lay turin ilo sawm ang.

**Dr. R. LALTHANGLIANA MINISTER** : Pu Speaker, i phalna leh he House remtihain Rules pahnih, pakhatna "The Mizoram Education Recognised Private School Regulation Rules, 2006" leh "The ...342/-

Mizoram Education Establishment and Management of Private Middle Schools Rules, 2006” hi he House-ah hian ka lay e.

**S P E A K E R** : Tikhan Minister zahawmtakin a rawn lay ta a, a copy te kha han sem ni sela a tha ang e. Tunah chuan Presentation of Reports a ni a. Hei kan PAC in Report pathum thehluh tur an nei leh a, an active hle a, a lawmawm takzet a. Tunah Chairman zahawmtak Pu Lalduhoma, PAC Report 33-na, 34-na leh 35-na te kha House-ah han present turin ilo sawm ang.

**PU LALDUHOMA** : Pu Speaker, i phalna leh House remtihna-in 33<sup>rd</sup> report of Public Accounts Committee and Appropriation Account for the year 2003-2004, 34<sup>th</sup> Report of Public Accounts Committee relating to Public Health Engineering Department leh 35<sup>th</sup> Action Taken Report of Public Accounts Committee relating to Public Works Department te hi he House zahawmtakah hian ka present e, ka lawm e.

**S P E A K E R** : A copy han sem ni sela a tha ang e. Chuan wawiin atana kan Business hnuhnung berah kan kai tawh ang a. Discussion and Voting on Demands for Grants a ni a. Tah hian, Minister pathum te Demand kan la ang a, chungte chu - Pu Lalrinchhana, Pu H. Rammawi leh Pu K. Sangthuama te an ni. Kan tih thin dan angin Demand te hi a mal mala tilo khan, a rual khan ti leh mai ila a tha mai lawm ni? Aw, nih aw.... Tunah a hmasa ber atan Pu Lalrinchhana, a Demand No-30,34 leh 42 te hi House-ah rawn pulut turin ilo sawm ang.

**PU LALRINCHHANA MINISTER** : Pu Speaker, Mizoram Governor recommend na ang leh i remtihna in ka Demand No -- 30,34,42 atan cheng vaibelchhe 47, nuai 24, singthum sangkua hi kum 2007-2008 a hman atan a hnuai  
...343/-

ami ang hian ka rawn move e. Demand No.30-na “Disaster Management and Rehabilitation” - cheng Nuai 743 leh sing riat. Demand No-34 na “Animal Husbandry” - cheng vaibelchhe 18, nuai 62, sing 2 leh sang 6 (18,62,26,000). Demand No.42- “Transport” - cheng vaibelchhe 21, nuai 18, sing 3, sangthum (21,18,33,000) A vaiin cheng vaibelchhe sawmli pasarih, nuai sawmhnih pal,i singthum leh sangkua (47,24,39,000) a ni.

**S P E A K E R** : Tikhan Pu Rina'n a rawn pulut ta a, tunah Pu Rammawi, a Demand No.4,12,31 leh 32 te House-ah pulut turin ilo sawm ang.

**PU H. RAMMAWI MINISTER** : Pu Speaker, Governor zahawmtak recommend ang leh i phalna in ka Demand No. 4,12,31 leh 32-na, avaiin cheng vaibelchhe sawmkua paruk, nuai nga, singkhat (96,05,10,000) te hi kum 2007-2008 atan ka rawn move a, a hnuai mi ang hian - Demand No.4-na “Law and Judicial” – cheng vaibelchhe li, nuai sawmli pathum leh singkhat sangnga (4,43,15,000). Demand No.12-na “Parliamentary Affairs” - cheng nuai sawmhnih paruk, singriat, sangnga (26,85,000). Demand No.31-na “Agriculture” - cheng vaibelchhe sawmparih, nuai sawmhnih pathum, singruk (77,23,60,000). Demand No. 32-na “Horticulture” - cheng vaibelchhe sawmpali, nuai sawm pakhat leh singnga (14,11,50,000) te an ni e.

**S P E A K E R** : Tunah Minister zahawmtak Pu K. Sangthuama, a Demand No. 17,37 leh 41 te House-ah rawn pulut turin ilo sawm ang.

**PU K. SANGTHUAMA MINISTER** : Pu Speaker, Governor recommendation leh i phalna-in ka Demand No. 17,37 leh 41-na, cheng vaibelchhe za sawmpahnih, nuai sawmnga pariat, singruk, sangli

(112,58,64,000) kum 2007-2008 atan ka rawn move a, heta a hnuai ami ang hian - Demand No. 17-na "Food, Civil Supplies & Consumer Affairs" -- cheng vaibelchhe sawmkua pasarih, nuai sawmhnih pasarih, leh singli leh sangnga (97,27,45,000). Demand No. 37-na "Co-operation" - cheng vaibelchhe riat, nuai sawmruk pali, singthum leh sangnga (8,64,35,000). Demand No. 41-na "Sericulture" - cheng vaibelchhe ruk, nuai sawmruk paruk, singriat leh sangli (6,66,84,000). avaiin cheng vaibelchhe za sawmpahnih, nuai sawmnga pariat, singruk leh sangli (112,58,64,000). Ka lawm e.

**S P E A K E R**

: Le, tikhan kan Minister pathum ten an Demand theuh te an rawn move ta a, kan sawi ho ang a. Kan lo ti tam deuh thin a, hun hi kan duhthawh deuh thin a. Nidanga kan tih ang deuh khan minute sawm kan inpe leh mai dawn em ni ang? Group Leader te chu kan duhsak leh deuh ang a. Aw, tunge ball han lum tan ang? Pu R. Lalzirliana

**PU R. LALZIRLIANA**

: Pu Speaker, i remtihain hemi ka sawi zawh hian reilote chhuah ka duh a, a tul tlat mai a. I remtihna ka'n dil lawk nisela. Hei, vawiinni-ah sawitur hi a tam viau rualin han sawi vak ila a ngaia kal leh tho kha a ni a, a buaithlak thin a. A sawtna hi kan hmu vak thin lova, helai hi chu department ah kan Minister changtute hian min enchiansak hram hram hi a tha in ka hria a. Opposition han nih ve a, ram tana thahnemngaitaka han sawi pawh hian, kan sawi a, a thleng thui lo em mai hi a hrehawm thin in ka hria a.

A hmasa bera kan sawi duh chu hei Sesawng tlak al, Agriculture Demand No.31-na ah hian han tan ila a tha in ka ring a. Sesawng tlak alah hian MWDPSCA Project hnuai ah hnathawh a ni a. Chutah chuan khilaia a khaw mite an lokal a, heng - C. Thangliana, Biakinmawia, Zoramsiama, Lalropuia, Ramzauva, heng ho hi a hming awm si, pek nisilo, dawng miah silo, cheng sing thumte, singhnih sangnga te, singngate an dawn a ni a. Heng hi dawng an awm lo a ni, an ti a. Anmahni ngeite hi an lokal a, ka hnenah, hei hi khawngaihtakin kan Minister zahawmtak hian min lo enzui sak sela kan duh a. Tin, C. Rosiama hi RS. 25,00/- dt.27.6.2006 a dawng anga sawi si kha amah a awm lova, hming lem a ni e, an rawn ti a. Chungte leh C. Biakhlira leh Sangliana; C. Biakhlira hian Rs. 5,000/-, Sangliana hian Rs. 5,000/- a dawng a. Heng hi 3.7.06 a mi kha a ni a. Heng hi hming lem, hming hi chu heti hian an sawi mai a, mihring tak awm silo an ni an ti a. Heng hi khawngaihin min lo enzuisak sela kan ti hmasa a ni.

Tichuan, Pu Speaker, thingtlang khua-a kan han zin te hian kan tui luang ral hum hum hi a uiawm hle in hriatna ka nei thin a, chungte chu a hminga ka farm ve, kan hotute farm ang nilo, inchhekkhawlna tur vak pawh awm lem lo a ni a, kan farm te hi chu. Serthlum te, Theihai te kan ching a, a tak tak in, Farm house lian pawh kan nei ve lem lova. Ka farm house te khi thla la ve se ka duh khawp mai a. Chungah chuan Serthlum hi a tam dawn a, MLA ka nih hma daih khan khur za 4ft. bial, a thuk lam 4 ft in ka lai a, tahchuan leitha te dahin Serthlum ka ching a, kum li-ah chuan a rah ti tih mai a. Amaherawhchu, tunah hian a tam in a nang a, ka ui khawp mai a. Chu chu a chhan dan a awm lawm ni, tiin tui ka lakah khanin tui ka pe tha a, tunah hian engngemaw zat chu chhan thei dawnin ka inhria a. Chuvang chuan Agriculture a Minor Irrigation ah hian tlem a zawng chu pawisa te chu kan han dah ve tak na a, helam hi tihphuisui dan a awm lawm ni tih rawtna ka'n siam duh a. A theih phei chuan Directorate puitling a dah hial te pawh hi kan hnam, kan ram a kuthnathawktute tanpui nan tak tak hi chuan a tha lo maw, state danghte pawh tui inchuhin nasa takin state leh state an inbei a, keini chu zokhua-ah kan kal a, kan tuilak tangkai tak tak la awmlo hian ka hmu a. Chuvangin waviinni-ah hian, Mirethei Association, Mirethei Pawl tih angte pawh in a lo lamah, huan thlai lamah nasa zawk a hma an lak theihna tur chuan tui pipe te hi min pe tam se tihte pawh an rawt ve bawk niin ka hria a. I department-ah hian chutiang hma daih chuan ngaihtuahna hi kan lo nei tawh a, chuvangin Minor Irrigation hi tih changtlun deuh a tha lawm ni tih ka han rawt duh a.

Tichuan hei, Jatropha te hi nasatakin thingtlang-ah a chi kan sem a, amaherawhchu, enkawl zui a awm miah lo. Heng hi laiking fa neih ang deuh a kan tih leh mai mai chuan intodelh nan te, President lo kal meuh pawhin a that zia thu a rawn sawi a, a tha turah kan ngai a. Amaherawhchu, waviin ni-a BAFFACOS sum kan tih atangte hian kum 2/3 chu lo enkawl pui nita ula a tha tawh tur. Chuvangin Sapthei te, Grape te kan enkawl zui pui ang deuh hian enkawl zui pui ni ila chuan kan changtlun phah deuh in ka ring a. Chutiang chuan ka bial ve Saitual khua-ah mai pawh khian In 100 laiin an ching ve a ni. Amaherawhchu, thil dang sorkarin incentive kan pek kha kan chintirte ang hian an tihloh avangin hei hi a chingtu tan pawh thinlung tak tak han pek hi a har fu niin a lang a ni. Chuvangin, enkawl zui pui hle a thain ka hria a.

Tin, Aieng thu kha, hmanni-ah khan nasatakin kan sawi tawh a, amaherawhchu, kan Minister zahawmtak khan ching tur thlan bik a awm lova, in report chiah a ni kan tih ni, a ti a. A ching tur thlan zat pawh an neih si loh chuan a Aieng chi kha enganginngge an order tih kha a buai zo ta vek mai a. Chuvang chuan Aieng chi an order dan leh a chingtu nena inmil deuh a tih a nih loh chuan sorkar sum nasa takin a chingpen thei a ni tih kha kan hriat a pawimawh hle a. Tin, bag 1-ah kg 50 dah tur a ni tih ah khan kg 32 te a ni kan tih khan hei hi chu a ni em em ang tih kha kan Minister zahawmtak khan a sawi mai a, khalai kha khati em em a tihro a, electric a hem a ni a, phoro si loh a

chi tura khati taka a ro a nih si chuan a tiak thei dawn bawk si lova, khalai kha chu chhut ngunpui a ngai deuh in ka hria. An rawn dah kha a tirah khan helamah hian insiamremna a awm ta em ni, tih kha ka rilru chhe zawng deuh a ka ngaihtuah chuan a zuk kal tlat mai a ni. Kg 20 em ema a weight han kam theihna kha a awmin ka ringlo a ni. Khalai kha enzui pui deuh a ngaiin ka ring khawp mai, tih thu kha ka sawi duh a ni.

Sawi tur tamtak a awm a, han sawi den den kan duh ve si ang a, Pu Speaker, hei hun a liam leh mai dawn a. Transport Department Demand No.42-na ah hianin kan kal leh duai ang a. Hei Motor Insurance hi a harsa a, keini ang mirethei tan chuan Motor thar lei a lo har khawp mai a. Mi ta hlui te, sorkar ta hlui te kan lo lei a, khami kha insure leh hi a harsa em em mai a. Mi pawikan va khawih palh a hlauhawm bawk si a, tunlaih. mi kan a tawh lova, court kan ti zel tawh a, khalaiah khan thil harsa tak mai a neitu tan a awm tawh a. Chuvangin, insurance company leh transport department te nasa zawk deuh a lo indawr te hi a theih lawm ni tih kha ka han sawi duh a. Chutiang a theih loh anih pawhin kan ramah hian hei hi a hranpain tute emaw, mi hausa te hi insurance company anga ding a, ti thei tur hi an awm lawm ni, an tan hian hlawkna tamtak hi a awm dawn tho tho niin a lang a, chutiang te chuan rawtna a siam theih lawm ni, tih kha ka rawn rawt duh a.

Tin, tax pek tlai avanga fine tam luluk a hi lo ennawn leh ngei ngei a ngaiin ka hria a. An inthlahdah vang pawh nilovin, harsatna avangin Motor neitute hian tax an pe tlai deuh thei a ni. Chutiang anih a, pek tlai avanga nitin Rs. 10 chawitir kha a tul lo reng rengin ka hria a. Hei hi ennawn a ngaiin ka hria a. Tin, tunlaih traffic jam a nasa em em a, Taxi intlanhhawk an ti a, a tha a ni. Kan sorkar hian enchhin an ti a, an enchhin a, tihianin kha kha hnuk dawklo sela Taxi neitu tan pawh a tha em em a ni. Khatianga kan tithei lo a, kan hlau a nih pawh in sorkar Motor zawng zawng, Motor zawng zawngte pawh hi even number, odd number te pawha intlanhhawk law law ila, khatianga zawnga kan ti anih loh chuan. Sorkar-ah emaw, mimalah hna kan thawk tur hi nasa takin hun kan paih a ni tih hi kan hriat tlan a pawimawh hle in ka hria a. Kan khawpui kawng a te si a, hetiang a traffic a jam reng chuan a tawp nasa dawn a ni tih hi a lang chiang in ka hria a ni.

Sericulture Demand No. 41-naah hian tlemte han sawi ka duh a. Ka sawi tawh thin a, tunhma kum thum kalta te khan kan BAFFACOS sum atang hian Sericulture Department hi thuam tha ila; thingtlang ah kan ram hi Sericulture thlai hi ngaw-ah siam ila, heng pangang khawina hi vaiho Hindu leh Muslim te an culture a dang thut anih loh chuan a market a hrana zawn ngai silo hei hi a tha ani, kan ti a. Amaherawhchu, wawiinni-ah hian kan tih loh avangin BAFFACOS sum atang chuan a tlai tawh niin ka hria. Hei hi kan uar chhonzawm zel a tha in ka hria. Pu Speaker, minute 10 chu a lo te hle mai tiraw. Kan sawi dawn a, kan sawi pawp hman lo a, anih leh i thu awih in ka'n tawp mai ang e.

**PU K. VANLALAUVA**

: Pu Speaker, ka lawm e. Kan ngaihthlak angin sawitur a tam si a, sawi theuh kan duh bawk si a. Tawi te te in ka'n sawi ang e. A hmasa berah chuanin Agriculture

a M.I Project chungchang thu hi han tarlan ka duh a. Sum duhtawk erawh a awm thei lova, hei hi a pawl ka ti a. Entirna atan, mahni bial hi a chiang ber mai in ka hria a, amaherawhchu, a tha ber chu a nilo mai thei a, kan bialah te lui lian vaklo, kam zawl nei tha si te leh Myanmar nena kan irinna Tiau kama leilet hmun tha, mahse Tiau aia sang lawi si, a kam vela tui tha awm han lak te hi a manhla in a hlawk em em a. An theih ang ang in M.I ho hian tui min laksak a. Sawisel zawng chuan sawisel dawn ta ila duhthu a sam lovin a khawp khamlo hle tih chu kan hmu reng a. Mahse an tih chhun chhun ah chuan lawmawm ka ti khawp mai a. Kum dang aiin kumin ah hian min pek deuh pawh kan beiseiin kan kar deuh a. Amaherawhchu, pek tlak kan ni em tih erawhchu min exam sela tih erawh ka phut a.

Miin kan sawi chak avang emaw, Ruling Party kan nih vang emaw a pek ngawt turah ka ngai chuang lova, nikum hmasa lamah te emaw, min pek tawh, min laksak tawh kha, an hlawhtling tha em tih min en ngun sak sela, an hlawhtling tha lo hle a nih chuan a chhan zawng sela, anmahni department lampang khan kan lo tifel lawk lo ani an tih chuan tihloh atan a ngamawm ang. Mahse tuikawng tha taka siam sak si, a dawngtu lamin an buaipui lutuk loh, a sum chauh duh, a buhtar hlawkna tur ngaihtuah lem lo, kan nih erawh chuan kha kha chu min rial sak deuh mahse sawisel tur awmah ka ngai lo. Khatiang atan kha chuan keini lam chu tlem chuan department kan cho deuh, min buaipui tlakah ka ngai a ni. Chuvangin, tuna hmabak an neihlai mek pawh hi uluktakin min enpui sela ka duh a. Chutiang bawk chuan hmun dang dang a tuna ruahmanna siam lai mek pawh hi department hianin enpui chak sela a tha in ka hria. Entirnan, Irrigation kha thui fu an siam dawn a, mi engemawzat, sawm aia tam pawh lo pe ta sela an thawh theih hun kha a rualloh a, a tawp lam changin a thawh hmasak tlat chuanin a tuikawng kha a sang hret thei a. A hnuhnung lamah a tir lamin an thawh bawk si chuanin tui kha a luang buai dawn tih a lang sa reng a, khang zawng zawng kha department in min enpui loh chuan han siam neuh neuh te a awm thin a. Kha kha kan buai ka hlau va, chu mawlh chu keima bial angah pawh ka buaipui a. Hetia ruahmanna siam reng rengah hianin a thawktu, department hotute remruatna lo chuan hma lo la reng reng suh u, a tawp lama miten in hman avanga in siam hmasak ngawt khan a tui luang kha a tha tawk lo thei e, tih hi ka zirtir ve na a ni a. Chuvangin, Pu Speaker, heng M.I thilah pawh hianin tuna pawisa awm te hi duhtawk awmlo hle mahse, a awm ang ang ah hian awmze nei, hlawkna nei, hlawhtling ngei tura buaipui hi a manhla ang tih ka ring a, chu chuan kan budget hi a tihlawhtling ang, tih ka ring a ni.

Tichuan, he M.I hian an project awmna ah hianin a theih chuan an mahni chenna in tur tal Inspection Bungalow ang pui pui a



nih loh pawh in Staff Lodge ang tala an siam thin hi a fing in ka hria. Entirnan, Aizawl atangin emaw, Champhai atangin emaw, Lawngtlai atangin emaw M.I hnathawh reng reng chu tlang ramah a ni ve lova, hmun hniam/ruam hmun nuam vak lo vah anih thin avangin a hmun a riah chilhna remchang an siam hi a thain ka hria. Hei hi chu ngaihnhiam pawh a tha in ka hria a. M.I atanga Planning lamin min pass sak thei lovang tih an rin avanga an hlauhthawn avanga Irrigation atana an han ruahman deuh hlek anih pawhin khalai kha chu corruption ah ngai ta lo ila. nuai 4/5 leka an mahni riah nan staff te riah theihna tur an siam hi kei chu awm ka ti tlat. Chutilo chuanin hmun hniam zawkah, kawrkamah hna a zuk thawk ang a, District Headquarter ah an haw leh vang vang hian an hna a buaiin expenditure a sang, hei hi ka hmuh ve dan a ni tlat, hei hi Pu Speaker, ngaihtuahna-ah Concern Minister zahawmtak pawhin a neih thiam a tha ngawtin ka hria.

Demand No. 32- Horticulture-ah hian tawite sawi ka duh a. A hmasa berah chuan Aieng min pe hlawm a. Question & Answer ah khan kan hmu a, tihbik a awm lova, a duh apiang, a rem ang ang in tipuitling ngei tura kan ngaih te pek an ni e, kan ti a. Tahkhan, chanchinbu tam takah a rawn lang a, Aieng chi atan department in an lakkhawm tur zingah Aieng ni chiah lo, Aieng var chi te pawh a ni mahna, khatiang lo telh chungchangah khan a titute mumal taka department in alo zawng chhuak a, an lo hre thei kha lawmawm ka ti khawp mai a, khatiang ngata thil a kal phawt chuanin, he department hi an kal tluang ang tih ka ring a. Hemi kaihnawih-ah anni department bawh hi Alu chi pe chhuak tu an ni a, sawi nuam lo deuh mahse department lamin an lo hriat atan pawh thain ka hria a, ka bial Farkawn-ah chuanin quintal engemawzat an pe a, kan lawm khawp mai a. Motor-a alo thlen khanin, V/C leh khawtlang hruaitute an kal khawm a, “E khai, hei kan Alu chi tur kan Sorkar in an rawn thawn thleng e” an ti a. an lawm khawp mai a. Motor atanga an han unload ta a, an han hlangthla kha a tawih a lo tam viau mai a, 200 qtls. ah khan 1/3 lai mai kha a lo tawih hlauh mai a, chu chu mi rawn hrih vang vang a, “E, ngawi ru, hmun hla atang lo kal ani a, a pilh/chhe palh theih a, khalai kha zawng hriatthiamna nen lo ngaihtuah rawh u, an duh reng a an rawn thawn a ni lovang, a tawihsa an rawn pe pawh a ni lovang, lo hrethiam rawh u, mahse in mamawh zat a puhruk lo anih chuan department lamahte rawn sawi rawh u” tihte ka hrih a. Khatiang kha a ni a, thil chi kan supply reng rengte a theih ang tawh a kan fimkhur erawhchu a tul hle tih erawh chu kan Minister zahawmtak lo hriat atan ka han tarlang tel duh a ni.

A tawp ber atan Demand No. 30-na Disaster Management & Rehabilitation Department-ah hian han tarlan duh ka nei a. Nikuma Natural Calamities atan nuai 1366 dah a ni a, kumin-ah nuai 697 dah a ni a, kan ram kan In, miin kangmei chungchang thu-ahte emaw, kan rin ber chu R & R hi a ni a. Nikum pawh a zat lo hian kan buai nasa dawn mang e aw, tih te ka ngaihtuahna-ah a lang a. Budget bu ka en hian, miin In leh Lo engvang pawha a

chanin, hmundang atangin beiseina a neilo, R & R hi a ni arin thin ni. Chuvangin, heng zawng zawngah hian, hei aia tam atih theih hram lawm ni? RE ah hmuh belh an in beisei em ni? tih hi ka zawhna a ni a, chuvangin kumina ram kang nasa tak awm tura kan rin lai hianin, he sum tlemte dah hi a van khamkhawp loh thlak em, ka ti a, hei hi department lam ten mumal zawka a ngaihtuahna thlir a tha tih thu ka han sawi a ni. Vawiina department pathum (3) hi avai hian Pu Speaker, lungrual taka pass ka duhthu ka han tarlang a ni e, ka lawm e.

**PU S. HIATO**

: Pu Speaker, ka lawm e. Demand No. 42-na Transport a Aizawl khawpui a nuam ta lo riau mai a, ke a kal tan pawh a hrehawm, hmanhmawh tan pawh thil a tihtheih tawh

loh, office kal tan, office kal lo tan pawh, mipui tu atan pawh buaina kan tawh ber chu traffic jam hi a ni. Nitin hian a jam a, tun Session-ah pawh kan C.M lo kal a, kan rawn zui fuh hi chuan kan tlang ve deuh a ni mai a, kan thleng tlai titih deuh zel a ni a. Chutiang khawp a traffic jam Motor lo pung ta hi Transport hian engtin emaw tal control dan an ngaihtuah loh chuan Aizawl hi awmna tlak lo-ah kan chhuah tak tak dawn e. Fly Over te, Leihnuai laihte kan sawi a, kan ti tak tak thei si lova, a awmsa tal hi control a ngai si a, engtinge kan tih ang? kum tin in Taxi permit kan pe tam zel si a, Bus permit kan pe bawk, Private atangin a lei thei thei in lei teuh a ni mai a. Garrage remchang a awm si lova, Garrage tihna tur a sawi loan pekte pawh kha tunthleng in engmah tih a awm bawk si lova. Hei hi engtinge kan tih ang tih hi serious taka ngaihtuah a ngai a ni.

Tin, Parking-ahte chi hrang hrang in kan han kal a, a khampei zawngin kan han park phawt a, chutah a tung zawngin kan han park leh a, engmah awmzia a nei lo. A jam tulh tulh mai a, chutah odd leh even no. kan han ti a, a han zia deuh a kan sut leh tawh bawk si a. Nakinah chuan Private vehicle pawh hi odd leh even no. kan tih angai ang a. Office kal tur pawh hi department a insem pawh hi a la ngai ang, tih hi a hun a thleng dawn a ni. Chuvangin, Transport hian serious taka ngaihtuah tlan angai a, hemi tur hian hma kan lak ka duh a ni.

Tin, a pahnihna-ah chuan, Insurance hi a sawi loh theih loh, hei hi kan sawi tam tawh a, Improvement pakhatmah a awmlo hi a mak ka ti a ni. Engatinge Insurance hi pawisa zawng pawh an nia, vehicle insurance min tihsak duh lova, a duh leh Saiha, Lunglei-ahte pawh khawiah pawh kal mai tur hi a ni a. Kan Minister pawhin min tiam deuhin ka hria a. Vawikhatmah tih in a awm lova. Hei hi a kum 3-na kan sawi atang khan a ni tawh a, vehicle tamtak register loh in a awm a, Aizawl lokal theilo tan vehicle register loh anih

avangin nasatakin harsatna an tawka ni a. Hei hi kan sawi thin a, a improve lo hi a mak ka ti a ni. Kan Minister hian active deuh hian heihi chunghaihtuah teh se tih hi vawin ah ka ngen duh a ni. Hei hi mitin tan a ni a, tin, motor thar lei theilo tan secondhand lei tan pheichuan kan buaipah a ni, tih hi ka sawi leh duh a.

Tin, a pathumna-ah chuan private operators hi engemawzat kan awm tawh a, Bus hi Private in engemawzat a tlan a, Sumo a tlan bawka, Taxi a tlan bawka, Private Bus chuan man hi a to ta lutuk a ni lawm ni? Pahnihna-ah chuan, thil phurh man hi private motor-ah hian a man hi a to lutuk, Aizawl atanga Saiha hi 1kg ah Rs. 10 te kan chawi tawh a ni a, Kolkata leh Aizawl man aiin Aizawl atanga Saiha te, Lawngtlai te hi kan chawi a tam zawk. Tin, envelope pakhat thawn man hi Rs. 10 a ni. Pawisa thawn man pheichu a sang leh zual, hetiang private operator te rules & regulations siamsak lova kan kaltir chuan, mipui hian harsatna kan tawka nasa anitih hi min hriatpui se ka duh a ni.

Tin, Demand No. 30-na, Disaster Management ah khan monsoon damage ah hian zawhna a lo chhuakah khan, chengkhatmah pek a nilo a ni. Mosoon Damage hi chi hrang tamtak a awm a, kawngchhiat avangte, leimin avangte, thlai a tichhhiat te, tin, in kang thleng pawh a ni a, engahnge min pek loh rikngawt? Sawlaiah tamtak tuar kan awm ve si, tih hi ka zawt duh pahin min ensak sela ka duh a. Tin, disaster management ah hi chuan, tangkai tak kan sawi thin hi chu Silpoulin sem hi a ni mai a. Silpoulin hi kan tangkaipui a ni. Leimin atan a tha bawka, Inchung, leilung atan a tha bawka, thlam atan a tha bawka, zu siamtute tan zu khawr nan a tha hlei hlei. Excise ho pawhin an man tam pawl hi a ni a. Tin, Hmeithai tan pawh a tha, mitin tan a tha a ni, heihi chu uar deuh zel a tha ka ti. A sem danah erawh chuan ruling an in titha lutuk erawh chu a tha ka ti lo a ni. A tul ang angin ti ula, Unit te, Block te pawh MLA in kan tluklo hi chu a dik lo deuh a ni. A tangkai si hi chu ngun deuhin ngaihtuah ka duh a ni.

Tin, Vety-ah lut leh ta ilang in, Mizo hi sa heh kan ni a, sa eilo a lungawilo, chawlhi tukah chuan sa hmeh ngei ngei tum kan ni a. Private ringawt, sorkar tanpuina tello chuan intodelh hi a harsa a, kuminah hian cattle rearing-ah khan Buffalo te, Poultry te, Piggery te in dah a, a lawmawm a, amaherawhchu, in dah dan hi mipui chhenfakawm khawp a tlingin ka hre lova, hetia kumtin in dah chung pawh hian, kan sawi thin angin kan ram pawisa Burma-a a luh hnem zia hi Bawngrawn tawlh luh Saiha atanga lokal thin te, Tuipang atanga lokal thin te, Tuipang atanga Aizawl lokal thin chuan kawng ken pawh harsa khawp in bawng hi arawn lut a nia. Burma-ah pawisa a lut bawka nen, Bawng hriseleh sello pawh hre lova kan ei bawka nen, chutiang bawkin vawka pawh a lo lut a, Ar pawh a lo lut a ni. Hetiang hi tihtawp hi a ngai a. chumitur chuan awlsam bera kan sawi thin, kei pawhin ka experience ve chu Sial vulh hi a ni. Sial hi chawm a ngai lova, ram tha neih chuan an mahni in an tla mai a, a pung mai a, tu Sial nge tih pawh hriat loh khawp hian khitah Chhuarlung-ahte pawh nikum

lawka an tan kha 100 in an tan a, tunah 300 chuang a awm tawh a ni. Hetiang hian Sial vulh-ahte kan ram tan kan symbol a ni bawk a, keini lam chuan inneih a Sial man dil thin kan ni bawk a, inneihna ah hian Sial pe thei hi chu kan inchhuang a ni. Tin, a talh thei pawh kan inchhuang a ni, helamah pawh a ni tho ang. Krismas-ahte Sial talh hi kan duh vek a nia. Chuvangin, Bawng aiah pawh Sial hi vulh a awl zawk a ni tih hi ka sawi duh a.

Tin, nikum lawkah khan Turkey Ar in ti a, mahse a lang tawh mang lova, a tha vaklo emawni, hman deuh pawh khan thian te farm-ah ka kal a, an tui ve teuh a, nikhat te a awp a, a kalsan zel mai a, chutiang chuan problem an nei a, Vety lam hian enge a chhan tih hi in zawnehhuah ka duh a. Tin, Ar kan han vulh hian a pulh thin avang hian kan hlawhtling thei lova, hemi a hri venna hi a chak tawklo a ni ang, tih hi keini hmuhdan a ni a. Tin, Pu Speaker, a danglehah chuan, Vety hian centre engemawzat an nei a, an building hi luahtlak a awm tawh lova, office tur atan pawha tlak tawh lo hi kan sawi thin a, tih a awm lova, Chhuarlung, ka pianna khua ngei-ah pawh Vety hi a awmna a rei tawh a, tunah chuan building pakhatmah a awm tawh lova, chutiang chu hmun tamtakah a awm ani, tih hi ka sawi duh a.

Tin, Agriculture-ah ka lut hman dawn lova Pu Speaker, lawmthu sawi a ngai a, Agriculture-ah Bulldozer in kan leilet neih chhun Phura zawlahte min leh sak a, tunah hian an let mup mup a, hetah hi chuan kan tangkai pui viau a ni tih hi lawmthu sawi pahin ka sawi duh a. Irrigation-ah erawh hi chuan kan hlawhtling vak lo, pawisa a tam na a, Contractor, Aizawl leh Lunglei lam atangin an lo kal thin a, cement tlemte an rawn keng a, Sub-Contractor an pe leh a, chuvangin, Irrigation hlawhtling a awm thei lo. Hei hi kan Minister pawhin min en sak ka duh a.

Tin, Alu hi kan thatpui ber a, thlasik Alu hi an sem leh ta lova, keini pawh chin kan han tum ve tehlul nen, Alu chi a awm loh avangin tamtak chu kan pamtul a. Tin, lei tha hi Agriculture-ah pawh, Horticulture-ah pawh, duhtawk a leitur a awmlo hrim hrim a. Lei tha lo-ah chuan tunah hian thlai chin puitlin ngaihna a awm lo a ni. Tin, Jatropa kha min pe a, keipawh min pe a, a nung mang lo tlat a ni. A thisa nge, a to theilo nge, a chi chhia nge ka dawn ka hre lova, ka lo pumah ka tuh a, kung sawm/ sawmhnih lek a to a, hei hi mak ka ti khawp mai. Pu Speaker, ka lawm e, hun hi ka hman thiam viau emaw ka ti a, supply-ah pawh luh ka tum a, ka lut hman tawh dawn lo a ni, ka lawm e.

**PU ZODINTLUANGA**

: Pu Speaker, ka lawm e. Sawi tur a tam a, department a tam si a. A hmasa berah Demand No.17-na, Food, Civil Supply & Consumer Affairs hi sawi hmasak ka duh

a. Pu Speaker, nikum budget session kan neih lai khan tuna ka rawn sawi tur tho hi kan sawi tawh a, Bukna chungchang retailer tena bukna an hmanloh zia kha, kan Minister zahawmtak khan he House-ah ngei hian Bukna, Patla kan tih ang chi hi an hmang ngei ngei tur a ni atih te, Lactojen te ang hi hman phalloh a ni, a ti a. Hetiang hmang an awm chuan danah pawh hrem theih a ni, tih kha min hrilh a, kan lawm em em mai a. Amaherawhchu, vawiinni-ah kum khat kan han hmang ral a, Mizoram-ah hian ti ila, bukna pangngai Patla hmang hi kan tam lo viau in a hriat a. Thla hmasa February mai khan ka bial chung ka va fang chhuak deuh vek a. Chutah chuan Pu Speaker, bukna hmang hi hmuh tur an awmlo a ni, a thenah phei chuan entirnan, BPL quota ah chuan 35 kg hmu tur anga inngai kha in lama an tehah chuan 27 kg te, 28 kg te a la ni leh vek a.

Tin, Phairuang kaia kan retailer chu a khaw mipuite leh sawlai a buhfai la thin ten an sawidan phei chuan a mirethei zual, Bru te, Chakma tena quota an va lak hian a tin hma pawh kha a ti tung lova, a khamphai in a rut a, a suak mai an ti a. Chungte chu kan ruling lam VCP te an nih si avang hian complaint hian awmzia a nei hlei thei lova. Chuvang chuan, he thil hi enthat a ngai hle in ka hria a. Kan mirethei, a biktakin thingtlang a mite chuan an neih ang tawk tawkin qouta lak ve an tum a, 35 kg man pawisa an pe a, khati zat man buhfai an hmu lo nasa em em mai hi vawiinni-ah hian rawn sawi leh ngaiin ka hria a. Nikumah he House-ah ngei min assure tawh a Pu Speaker, kan Minister hian helai House chhunga duhtawk a sawi hi a duhtawk emaw ni chu tihtheih a ni. Helai House-ah hian ka ti ang, chung chu kan ti ang an ti a. Assembly Session te a zawh hian office an kal a, an theihngihl leh nge, a biktakin kan Food and Civil Supply Minister phei chu heti lamah hian a ngaihtuahlo emaw ni chu aw ka ti deuh a ni. Thil hawn te, Chief Guest tih ang reng, hi nitin mai hian chanchinbu-ah kan hmu a, chanchinbua kan hmuh pakhat phei chu, magic show a hawng dawn a, an la in peih lo a, a la nghak an ti a. Hetiang ang mai mai anih avang hian he chair pawimawh tak Minister in mipuite ro an relna tur, a tak taka hnathawhna tur hi an ngaihtuah tawk lo niin ka hria, Pu Speaker, Hei hi nakinah wind up na-ah khawngaihtakin min react sak sela, he thila action a lak tur hi min hrilh thei sela, nimin maiah pawh Ngopa bialtu zahawmtak Pu H. Rohluna pawhin a sawi tawh. An khua-ah pawh tin an hmang a, Aizawl khawpui chhungah pawh hian Luangmual-ah chuan bukna an hmang lo a ni. Hetiangte hi min check sak turin ka ngen duh a.

Tin, BPL chungchang hi sawi ve leh lawk ka duh a, kan Minister zahawmtak khan tun kan Session chhung khan hmanna a statement-ah khan central sorkarin tihnam turin min nawr nasa a, BPL hi in hniam

loh chuan kan tan pawh a zahthlak, a ti a. chu chu a dik khawpin ka hria. BPL te hi kum tinin a hniam tur a ni ve reng a ni. A chhan chu central sorkar atangin mirethei zawkte BPL-a an awm lohna turin sum tamtak leh tanpuina tam tak an rawn pe a. heng an tanpuina pekte hi kan hman dikloh avang hian BPL hi kan hniam thei lo a ni. Tin, chumi piah lamah Pu Speaker, kan sorkar hian BPL hi central a tangin a criteria leh a tehna tha tak an rawn siam a. Hetiang ang hian teh mai ila, chutiangan chin chu BPL ni mai rawh se, i zak lo ang u, BPL tak tak kan nih chuan BPL zat hi i sawi ngam mai ang u. Vawiina kan kaldanah chuan Marpara-ah chuan mipuitling population khu 1070 vel an ni a, sorkarin BPL 80 in awm tur a ni, an zuk ti ringawt mai ani. Khawiahnge a tehna kha, survey an nei em? an nei tlat lo. Chuan, a khaw te deuh Chhngkhum-ah chuan population 170 vel an awm a, BPL 20 in awm tur, an ti a, chutiangan chuan kan mipuite corruption-ah min hruailut a, BPL a awm tur khan mi 1000 zingah 80 chauh an thlan si chuan BPL a awm tur khan an duh lohna ngei ngei party, ruling party a awmte a lo ngai a. Mihring a ti corrupt-a, mihring mizia a tusual tlat mai a ni. Chuvang chuan Pu Speaker, central sorkar a tlaktum tum avanga BPL hi in cut lovin, a BPL tak tak, a criteria ina BPL tura a ngaih chin hi chu BPL zat chu 70% of population pawh nise, kan ni ngam mai turah ka ngai a, chungang min chhawmdawl tur chuan central sorkar pawh khu a inhawn ka ring a ni. Chuvang chuan, BPL tuna kan kalphung ang hi chu kan tihdanglam a ngai, a nih tur ang khawkhata kan bituk ringawt mai hi chu a tha lo. Zawlpuia kan VCP phei chuan khawngaihtakin kan khua-ah hian BPL hi min rawn dah belh sak thei sela, an ti ngawih ngawih mai a ni. Chutiangan angte chu a ni a, a pawh hle a ni.

Tin, Petrol hi tawite ka rawn sawi ve leh duh a, Petrol hi hei tun zawhna-ah pawh Petrol pawlhdal leh ati chingpente man an ni a. Pawisa chawitir an nih thu kan hmu a, a lawmawm khawp mai. Mahse Pu Speaker, hei aia tha zawk hian hma alak theih in ka hria a. Petrol kha a van laia carrying contractor te an strike lai khan police-in an rawn escort lai khan, kalkawngah tih chingpen theih a nihloh lai khan Petrol tha, Aizawl leh Mizoram-ah kan hmu a ni. Khanglai Petrol kha a tha em em a, khatiang kha Mizoram-ah kan hmuh ngai tawh loh a ni a. Mahse, khatiang ang Petrol kha tunah chuan kan hmu leh tawh lova, legal metrology-ten an en thin, an ti a, an han en hian permissible level chin a ni e, hei chu a pawm theih an ti. Kan sorkar hian permissible level khatiang anga kan dah a nih chuan pawlh phalna permit kan pe, tihna a ni a. Chuvang chuan, kan Petrol hi a thatlohzia chu kan buai lai khan kan hria a, hei hi tun aia chak zawk leh tha zawka tih dan hi kan Minister zahawmtak hian min en sak sela a thain ka hria.

Tin, Demand No.30-na, Disaster Management & Rehabilitation hi Pu Speaker, han sawi ve leh lawk ka duh a. Saw, ka bialte chu mi rethei bik leh zual, hnam chitin awmna a ni a, tun mautam lo thleng

tur hi kan buhte sazu in min sehsak tur aimah hian hemi piahlahmah hian huphurhna em em mai kan nei a, chung chu kan in leh lo, kan chenna saw a ni. Pu Speaker, hei Mau a tam tan a, Mau an tam hian a hnahte a ro vek tawh mai a, tunah chuan. Kan biala 100 a 70 saw mau hnah hmanga In sa kan ni. Mau hnah hmangte chu kumkhatah hian thlak deuh zel a ngai thin a, vawiinni-ah chuan Mau hnah a lo ro ta vek si a. Hei fur kan thleng dawn a, fur kan thlen hun hi a huphurhawm em em mai a ni. Disaster Management ah hian hei vaibelchhe 7 chuanglai mai kan han nei a, hemi atan hianin kan Minister zahawmtak hianin hetiang ang in chung, Di te a awm loh avangin Mau hnah te an hmang a, inchung chihna tur a awm tawh dawn si lova, khatiang ang kha henglaiah te khawpuiah chuan lei a min loh nan silpoulin ten kan khuh a, khatiang ang ve tho khan tunah sawn Mau tam avangin khaw tamtak sawnin kan tuar tawh a. Saw kan tawrh saw disaster kan thleng chu a ni der tawh mai a, khami min rehabilitate tur chuan kan silpuolin kan sem thin te hi inchunga khuh a, in hul an neih ve theihna tura kan Minister in min ngaihtuhsak turin ka rawn ngen nghal bawk a.

Tin, Demand No. 42-na, Transport Department hi nichin khan an rawn sawi tawh na-in han sawi ve leh ka'n duh chu Pu Speaker, Vehicle Tax kan pekna hi a ni a. Chhiah kan pekna hi a lun em em a, in line a ngai a, a tam si a, tin, hemi chhiah kan pek chhung hi seasonal deuh a ni a, kumtawpahte khimi khi staff kan indaihlo deuh anih pawhin a staff dangte hi in pawt khawm a, khilai kan inhnawh lutuk ti zangkhai tur hian training te pek theih anih ka ring a. Tin, Electric a awm loh khian tihngaihna a awm hauh lo mai a, Electric a awm loh khian thim zingah kan nghah tawp a ngai a. Mizoram hi kan vannei a, mipuite kan phunnawi lova, tihian kan la nghak thin a ni a, khilai department atan khian a bikin Generator-te neih theih ni selang chuan mipui tan nasa takin kan zangkhai ang, tih kha ka rawn sawi duh a ni. Insurrance te pawh kan sawi duh tamtak ka neih rualin hun a tawp tawh si a, Agriculture leh Horticulture pawh han lak ve chat ka chak tehreng nen, mahse hun a awm silova, Pu Speaker, ka lawm e.

**PU SAIKAPTHIANGA** : Pu Speaker, ka lawm e. Hun a tawi si a, sawi tur a tam si a. Demand No. 30-na, Disaster Management & Rehabilitation ah hian thil pakhat han sawi ka duh a, hman-ah committee ah ka sawi tawh a, harsatna chi hrang hrang a department leh a dan lam atangin a awm deuhin an sawi a, Manmade ang chi hi chu a thunun hleihtheih loh a ni, ti ang deuhin sawi a ni a. Ka'n sawi duh chu tuitla kan buaipui dan hi kan tih ngai hian kan ti rei lutuk tawh a, hei hi ram tan leh a hnam tan hian en uluk a, a dan hi siam a ngai tawhin ka hria. Tuitla an han awm a, a chhehvel a mi kan han inpunkhawm a, Mizo tlawmngaihna in tihtheih nei reng reng lo tamtak kan

kalkhawm a, ei leh bar harsa bawk. Tichuan sorkar kan han pur a, sorkar tan pawh kan tih zung zung harsa tak, churang chuan tangkai silo hian tha leh zung hi kan seng nasa lutuk a. He Disaster Management hnuaiah hian tihtheih ni sela, tuitla zawng thiam ang chi kha a tirah an thiamlo anih pawh in train in Aizawl khawpui-ah te, Lunglei khawpui-ah te, District Headquarter-ah hi chuan a team angin, thil hmanhmawhthlak tak nih changte a awm a, chungah pawh chuan an hmanrua te nena thuama, neih hi a hunin ka hria a, chu chu a tihtheih dan hram a awm lawm ni, hemi hnuaiah hian. A theihloh anih pawhin kan Police Battalion tinah te hian chutiang ang chi chu kan train thei em, tih hi ka rilru-ah a awmna a rei tawh a. Hei, Sairang-ahte tui an tla a, Tuirial-ahte, Mizo tlawmngaihna rilru nen tamtak kan han kalkhawm a, harsatna hi a punlun zual nasa in ka hria a, tha leh tui kan seng bakah, hei hi lo en theih nise a lawmawm ngawtin ka ring a.

Tin, Silpoulin chungchang bawk hi tawite a han sawi ka duh a. Kan Silpoulin hi a tangkai a, kan hmang nasa, kan intihhmuh a, a tangkai bawk a, a tawmim lutuk deuh a, hmanhmawh tawh thilahte, bial lam atang te, kan chenna veng theuhah te pawh, thil han tih dawn hian a tawmin lutuk deuh a, heiai hian mipui ban phak, MLA te pheih chuan han tih ve a hlawhtlin mai tur ang chi a chhawpchuah hi a tha ngawtin ka ring.

Tin, Demand No. 34-na, Animal Husbandry-ah hian tunai hian Mizo deuh zawngin a kal theih lawm ni? Zokhua-a ran vulhtu, a bik takin Bawng vulhtute, a vulh tam deuh te chu a chithlahtu tur te an han pe a, a lawmawm viau a. Mahse, a enkawl dan leh an tlat dan kha a lo inanloh avangin Bawngpa an pek hi chhawm nun a har khawp mai. Bawng lian vulh ho subsidy an pek ang chi hi zokhua-a a ruala vulhtu ho tan hian a siam ve theih lawm ni, tih ka han sawi duh a.

Tin, Transport chungchangah, Demand No. 42-na ah hian Insurance chungchang hi kan sawi zing tawh a, a tihhleitheih si lova, churang chuan dan awmlo deuh hian engemawni tih mai loh chuan a buaithlak, Motor hlui tam takin kan lei a, a Insure theih si lohva, Police lam a check tuten min ngaidam thei bawk si lova, tul lovah hian kan buai kan buai mai a. Motor hlui lei chu Insurance ah a insure theihloh anih chuan Police atang pawn kan zalen tur a ni, tih ang deuh, kan Minister zahawmtak ho te pawh hian kan han thukhawm thin a, a kawng hi kan zawng chak lo nge ni, kan ngaipawimawh tawh lo, hei hi mi tamtak buaina a ni. A tlangpui thuin zokhaw lamah kan buai tam lehngal. Zokhaw lam hi Aizawl lamah an hman remchan tawh lo te lei a ni fo va, hei hi thil pawimawh tak niin ka hria a. Transport Department hi kan hriat theuh angin hloh deuh rengin a kal a. Chumi rual chuan mahni bial lam hi a sawiloh theihloh a, Tuipuibari, Tripura nena kan inkalpawhna ber mai a Bus Service kan neilo tlat mai hi, tunhma khan a service a, an tawt thei em em mai a ni. Amaherawhchu, Bru Hel BNLf ten engemaw an han tih atang khan tihtawp a ni a. Khami avanga tihtawp deuh zel kha



emaw ka ti a, House-a kan lo luh ve leh hnu hian ka'n buaipui a, a hlawk lova, a kal thei lo a ni, an ti tlat mai a, Department lamin, route dangah pawh hian an hlawk chuang lemlo niin ka hria a. Chuvang chuan, mipui harsatna lam a kha kan en fo a tha a, tunah khuan Private Bus 2, Tripura atangin 1, Mizoram atangin Private Bus 2 an tlan a. Private Bus 2 an hlawk theih chuan, Transport pawh kha tlan se chuti lutuka hek awmluh tak a ni a, a system laia kha a pawimawh khawp mai a. Booking Office khulamah mumal a awm silova, kan hnathawktute hian roadside ticket issue hi an harsat em em mai a, roadside ticket issue lova an tlan lai zawng zawng khan an tlan thei a, roadside ticket te kan han demand a, V/C ang ten kan han inko khawm a. Chutiang alo nih deuh khan an hlawk ta lo tlat mai a ni. Vawi engemawzat ka ziak tawh a, Serhmun Service leh Tuipuibari Service hi, a chhanna-ah chuan hlawk loh vang. A hlawk lovah pawh mipui an harsat chuan, khalai kha sorkar in a tuam tur niawm a ni a. Private Bus-ah Rs. 200/- chuang an chawi a, Sumo phei chuan Rs. 300/- deuh thaw an chawi a. Chuvang chuan, Private Bus ah leh Sumo-a kan chuan khuan, sorkar Bus kan neih loh avangin, Aizawl lokal haw lam hian a thlawmin 250/- vel hi kan chawi ziah a ni. Chu harsatna chu kan Department in min hriatsak se ka duh a.

Tin, Zemabawka Bus Terminal ropuitak sak saw LAD lama la sawi tur nge ni ka hre lova, kan senior, Mizorama kan Chief Minister hmasa ber Pu Ch. Chhunga hming chawia thil han buatsaih saw a ropui ka ti a. Khu Rangvamual ami pawh, hei hi kan tih fo tur pawh niin ka hria a, hengah hian lawmthu ka'n sawi duh a ni.

Pu Speaker, Demand 31-na, Agriculture leh Irrigation leh Demand No. 32-na, Horticulture Department. Helai hi sawi kawp mai pawh a remchang khawp a. Ka'n sawi hmasak duh chu, Agriculture Department hi Department pawimawh tak a ni a, kan Chief Minister zahawmtak, Finance Minister ina a budget rawn present ah pawh khan priority sector tih ngat a ni a. Heta Agriculture Department lianpui mai ina Director mumal an neilo reng hi siamthat vat a ngai a ni. Commissioner ten an kawp a, an enkawl a, a that rual hian tha nise chu Director leh Commissioner hi dah hran tur nilo awm a ni a, Department ah pawh. Chuvang chuan, a famkirm tawh lovah tih ka ring a, he Department hi Agri leh Horti hi a chak tawh hma chuan zokhaw mipuite hian kan duhtawh development leh hmasawna hi kan hmu lovah tih ka ring a. Tichuan, tunlaia Land Development an tih hi a tha hle mai a, mahse kan budget han en hian pawisa hi a pung tlem viau mai a, hmun dang atangin R.E. ahte tunaia tam zawk hi dah ni sela, Agriculture WRC bik buh tharna tur atan chuan Land Development leh Irrigation a kan chak hma hi chuan a tih tak tak theih loh a ni.

Tin, Irrigation chungchangah hian hmun hrang hrangah kan experience ve-ah, tupawh sorkar se contract han pek hi chuan

contract pekna apiangah hi chuan a hlawhtlinglo zar zar a ni. A chhan chu, tui hi enkawl awltak, a fuhloh chuan enkawl hleihtheih miah loh a ni a. Chuvang chuan, Irrigation Project reng reng hi chu contract-a pek loh, a formation cutting atanga brick rem zawng zawng hi department mithiamin uluk taka an tihloh chuan pawisa tamtak sengin Irrigation hmalakna tamtak hi reilote-ah mipui chhawrtlak lohin a lo awm thin a.

Hmanni-ah khan Irrigation a chhiah lak chungchang kha kan sawisel deuh a. Vawiinni-ah pawh a la ni tho a, a system hi feltak a tihtheih a ni a, WRC leh thlai tharna atana a chhawr tlanah chuan, a chhawrtu area ami khan Association in siamin an mahni ta kha an mahni in enkawl sela, a chhawrtu a te khan enkawltu akha a thla tin emaw, kumtin emaw hlawh la in, chutiang ang a rel fel theih, heta sorkar a lut lemlo pawh khan sorkar alut ang tho in a tihtheih a ni, tih hi ka sawi duh a.

Pu Speaker, a tawpna atan- Sericulture ah hian sum tam zawk pek nise, tih hi ka rawt duh ani. A chhan chu, a thar chhuah hralhna tur zawng chawp ngai lo, hlawk reng a ni a, helaia kan thang theilo hi a paw hle a. Demand No. 31 leh 32 khaikawp khan khawthlang bika eizawna, hmanni-a ka sawi tawh ang khan Serthlum te, Hatkora zawng zawng tam chhianatna vek ramah khuan kan budget ah hian lo lang thei remchanglo mahse, Kuhva phun hi kan mamawh hle a ni. A department remchang zawk zawk hian MIP atangin emaw, kumin chung hian nuai 40/50 tal BAFFACOS atangin emaw min pe thei sela. Horticulture subject tam ber hi chu tihloh pawhin ei leh bar zawna ngialnghet hi ani dawn a ni tih hi ka sawi duh a. Chutiang zel chuan ei leh bar zawna hi kan dapna kawngah hian a area zel a mipui leh a ram mil a pawisa kan hman chuan, hun rei tak ngai lovin intodelh bial/khua kan siam zung zungin ka ring a. Chutinilova heta Grape leh Sapthei chin a, khawthlang ram tan chuan hmasawna lam hi a awm thei lo tih kha ka sawi duh a. Chuvang chuan, khulai ram ri Bangladesh te, Tripura te, Cachar te ramri area-ah khuan sorkar hian chutiang zawng chuan kal se chuan kan thlaithar, Aizawl a sorkar rawn tihbuai ngai lo, department te tihbuai ngai lo, Mai te, Balhla te, Kuhva te, Tlawng ral pawh kan lo khan a thlang lamah market a tha em em a ni. Chutiang chuan kan sorkar hian helam hawia kan butget-ah leina tur a awm lo anih pawhin pawisa hlui atang tal khan nuaih engemawzat min pe turin kan sawi uar a ni. Ka lawm e.

**PU SAILOTHANGA SAILO :** Pu Speaker, Agriculture leh Horticulture hi han concentrate lawk ka duh a, chumi hma chuan a dangah hian han kal zung zung ka'n tum dawn ang a. A hmasa ber atan

chuan. Demand No. 17-na, Food, Civil Supply & Consumer Affairs. Helaia ka'n sawi duh chu hei kan sorkar hian ration quota hi khawngaihtakin a tipung thei lawm ni? A bik takin khumi Kolasib tlang dung pheih khu chu helaia 2 kg an dawn laiin 1 kg kan dawng a. Hei Mautam tam te a ni dawn a, khawngaihtakin min ngaihsak sela ka duh a. Tin, BPL ten APL Buhfai hi laksak theih ve turin kan ngenpui ni sela. Pu Speaker, Department 10-ah minute khat theuh in sawi tur a tam si a, kan sawi deuh zung zung ang e.

Tichuan, Demand No. 37-na. Cooperation-ah hianin Mizoram chhungah Cooperative Society 1363 awmah hian hengho hi tun aiin thum tha selangin. Tin, Kawnpui bial bikah pheih khu chuanin kan titha khawp mai a, heng Society ho hi chu thumthat ni zual selangin.

Tin, Sericulture hi Pu Speaker, a pawimawh hle a, tun aia nasa zawka thum that a, pawisa pawh hi tun aia nasa zawka dah tam nise ka duh a.

Tichuan, Pu Speaker, Demand No.30-na ka'n kal leh thuak ang a. Disaster Management and Rehabilitation, helai hi thuhma tlem han sawi ka duh a, hun tlem hle mah sela. Kawnpui bial khu hei harsatna kan tawk thin a, 2004 pawh khan rial a tla vak a, Lungdai-ah chutah pawh chuan sorkarah report kan pe a, nuai 19 leh tihlai kan tih ang chiah sanction minrawn pe a, kan lawm hle a. Tichuan, 2005 khanin Hillstrom thli leh ruah nasa takin kan tuar leh a, khua chu ka sawi lo mai ang e, heng pawh hi min tihlawhtlinsak leh a, kan lawm hle a. Tichuan hemi biala kan ngen duh tak chu ram kang thu kan hma April, 2006 nikum khan, khua North Hlimen, Thingthelh, Bukpui, North Chaltlang, Lungmuat, Serkhan, Zanlawn, Khamrang, Hortoki, Kawnpui North leh South ah hian ram a kang nasa mai a, kan thlai nasa takin a kang mai a, kan thlai nasa takin min tih chhiatsak a, a vaiin chhungkaw 303 a ni a. Sorkarah compensation kanrawn dil a, nuaih 32 vel niin ka hria a, kha kha sorkarin khawngaihtakin min lo beng var sak sela, tih kha ka'n ngen duh bawka a.

Tichuan, Pu Speaker, hemi Demand No. 30-na a kan ngaihpawimawh leh bik chu CRF kan hmang tangkai khawp mai a, a mimal takin kan hmang tangkai a, a bikin kan Kolasib office hotute hnenah lawmthu ka sawi ni selangin. Tin, Natural Calamity leh Relief and Rehabilitation hrim hrim pawh hi tunaia hnianghnar deuh a pek dan kan ngenpui ni selangin. Tin, he CRF atan hianin tun aia tam zawk hianin Kolasib District ah chuan min pe turin ka han ngen nisela, Pu Speaker, a tam khawp mai.

Tichuan, Pu Speaker, Demand No. 31 leh 32 hi kan kal leh lawk ang a. Pu Speaker, Transport Demand No. 42-naah kan kal leh thuak thuak ang a. Transport chungchengah hianin Insurance ho hi an sual ka ti a,

nikum khanin ka Motor ka register dawn a, Scorpio thla hnih chauh a due a ni a. Khawngaihtakin min tihsak rawh u, ka ti a, min tihsak thei hlawl lova, a mak pawh ka ti a. Chuvangin Pu Speaker, kawng dang hi zawn a ngaiin ka hria a. He motor registration-ah hian kum 10 chin emaw, kum 12 chin emaw, kum 15 emaw hi sorkarin bithliah tawp sela, khami kum chhung kha a fee hi pe ila, a bak kha chu anih ang angin kal tawh sela, Pu Speaker, a tha awm mang e aw, ti in rawtna ka'n siam duh a.

Tichuan, hetah Agriculture-ah demand No. 31-na hi Pu Speaker, kan budget hi pung thur thurin budget pangngai bakah pawh thingtlang lam tih hmasawna turin sorkar laipuiin sum tamtak rawn pekbelh tawh thin mahsela, thingtlangmi, kuthnathawktute fairel bel erawh a thleng thei thin lo hi a pawh ka ti a. Agriculture bikah hian Pu Speaker, ka bial leh zoram tana mit la bik riau ka nei a, mahse ka sawi seng dawn silova, ka sawi duh mai chu sik leh sa awmdan pangngai bakah ruah leh thli, khawkheng, ram kang, huan neitute huan a lo kan palhin leh chhiatna manganthlak, lo leh huan neituten an lo tawh palhin a bikin vanduin tawktute tanpuina siam sak thu-ah sorkarin tunai hian hma la chak deuh se, tih sawi ka duh a. Tin, MIP pawh hi tunhma aia awmze neia hman nise kan duh bawh a.

Tin, BAFFACOS crore 35 lai dah pawh hi party party ti bik lovin a zai thei angin sem nise, tih ka'n ngen duh bawh a.

Tin, Agriculture leh Horticulture ah hian ka mit la riau kan sawi leh duh mai chu, hemi river diversion han tih te leh tui kawng han siamte leh thil dang pawh a ni ang a, kan bial chhungah chuan siam tur a tam riau mai a. Tin, pipe hemi tui lakna tura pipe kan han hman thin te pawh hi tihhlawhtlin a har khawp mai a, tun aia tam zawk hianin Pu Speaker, siam dan awm se ka duh a.

Tin, Horticulture-ah han kal leh lawk ila, Demand No.31-na Horticulture hi Pu Speaker, a pawimawh khawp mai a, mahse grant-in-aid hi in pe miah lovin a lang a, BAFFACOS a lang bawh lova DFC-ah khan crore 6 vel emaw a lang che che a, mipui chan tur kan han tih ang chi kha a tlem khawp mai a, hei hi R.E ah emaw khawngaihtakin ennawn leh thei se a lawmawm khawpin ka ring a. Tin, Horticulture hi kan chhawr tangkai khawp mai a, lawmthu ka sawi duh a, he sorkar Minister changtu hnenah hian kan bial chhungah thirzai nasa takin in rawn sem thla a, kan ngen che u a, khawngaihtakin min rawn pe ru kan ti a, min rawn pe a, kan lawm em em a, min pek belh zel pawh kan beisei a. Chutih rualin Aieng lei leh chin hi chu ka advocate ve lo va, Sawhthing lei chungchangah sorkar a mualpho tawh a, in muanpho zel hi ka duhpui lo che u a, Aieng chin hi chu bansan nghal mai nise tih kha kan ngenpui che u a ni e.

Pu Speaker, hetah Demand No. 34-naah hian ka'n kal ang a. Vety-ah hian, Vety hi tunhma a department thangduang tak ni thin, vawiin-ah chuan a sawp rawp nasa hle a. He department enkawltu Minister damloh hi chhuanlamah an hmang nge ka hre lova, nikum khan crore 1822 leh 5000 kan pe a, chu chu awmze nei miah lovin an sawp ri ral a, hei bakah CSS leh BAFFACOS leh thildang tamtak a lo kal turah beisei ila. Kumin hian kan pe leh fe dawn a. nikuma an performance en phei chuan kan bial tan phei chuan pek tlak loh ah ka ngai a. Heti khawpa pawisa pe tam si hi an thawhchhuah hmuh tur pakhatmah a awm lo. Chutih lain economic service department si in he kan state GDP leh kan per-capita income tihniam tu pawh hi he Vety department hi niin kei chuan ka hmu a. Chulovah chuan kumin hian nuai 1862 leh 26000 kan pe leh dawn a, ka sawi ang khan nikuma an performance en chuan he department hi pek zui tlakah ka ngai lo, hetiang ang zat hi.

Ka bialchhung an sawisak dan hi tlem ka'n tarlang teh ang. State Poultry Farm, Thingdawl atana an pek tawh chu O.E ah 3000, Supply Material ah 2000, Minor Works ah 3000, Misc. and Equipment ah 2000, a vaiin 10,000. Khu Thingdawl Farm khu tihtur a tam em em a, a hminga MLA, Opposition pawh ni ila, min sawm sela tihtur a tam lutuk. Kalkawng Black Topping leh thil dang tam tak he department thil tihdan hi vawiinah hian sawitur a tam in ka hria.

Animal Health hi a pawimawh tehlul nen, khawlaiah duhna na-ah Sa an zuar a, chu pawh chu en peih lovin, certified peih lovin, vawiinah hian an awm ang tih ka ring. Heng Dairy Development co-operative Society te, MULCO te heng phei hi chu a hlawhchham let der. MULCO phei hi chu ka bial Lungdai leh Serkhan avang khuan he MULCO hi vawiinah kal thei a niin ka hria.

Chuvangin, Bawng chungchangah ka bial mipui, Lungdai leh Serkhan leh khawdang pawh hi in duhsakna turah ka ngai. Ran chaw siamna a hlawhchham let der a, Life Stock a hlawhchham der a, Poultry a hlawhchham der a, Piggery a hlawhchham der a, heng zawng zawng development a an sen hi a hlawhchham fai vek a. Kawkulh I leh II an siam a, hei pawh a hlawhchham let der a, heng zawng zawng hi a hlawhchham na chhan hi kan Minister zahawmtak enkawl tur damlohna hi remchangah hmangin thil an rawn ti a. Chuvangin, hei hi enzui pui tha in ka ring a, ka lawm e.

**PU K. LALRINLIANA**

:

Pu Speaker, ka lawm e. Vawiin Demand hi a pawimawh hlawm hle a, Demand No. 42-na Transport ah hian an Revenue collection chungchang sawi ka duh a,

source an neih hi , 4-ah revenue lak thinna an nei a, tun kum targetah hian nuai 664 vel hmuh an tum a, nuai 684 vel an hmu tawh a, nuai 20 leh tih velin an khum tawh a ni. March thla hi chuan nuai 100 velin an khum thei dawn ni ten an sawi a. Hei hi achievement ropuitak niin ka hria. Hetianga an kal chhoh chuan kan ram pawn hmasawna a neih phah ka beisei a, Bus thar lei kumtharah an tum niin ka lo hria a, Super Deluxe 2 leh Mini Bus 3 lai lei tumna a awm tih ka hria. Kan Minister hnenah, Kolasib leh Silchar inkar Bus service hi a thar kan la nei ngai lova, passenger an thahnem thin si a, a chuan man sum pawh hmu tha pawl tak an ni thin a, Bus thar kan neih thei dawn anih chuan min han pe ve chhin se ka duh hle a ni. Mipuiten an ngenna a nasa a, ka sawilang tel duh ani, pek ngei kan ngai a ni.

Tin, DTO office hi district tinah kan nei a, motor registration leh driving license register pawh computer hmanga hmalak chhoh a ni ta hi a lawmawmin thil a awlsam phah a. Misual ten remchanga an hmanna tur tamtak a um blo a, a chhuanawm ka ti hle a, hmalakna a chak chho in Minister thahnemngaihna alangin ka hria a, a lawmawm ka ti takzet a ni.

Demand No. 34-na AH & Vety ah hian, hei Mizote chu sa ei mi kan ni a, Ar leh Vawk vulh hi a bikin leh Bawngnhnute ah pawh kan intodelh chho tan ta hle a. Tunlai thiamna hmangin ar chaw danglam bik nen Broiler leh chi hrang hrang vulh an ni a. Phailam atanga Ar note, Vawkte lak thin kha a tlem ta hle a. Tan kan lak chhoh zel phei chuan kan intodelh chho mai dawn niin ka hria a, mahse Bawng leh Kel a kan la intodelh lohna hi Bawngsa leh Kelsa neih theina tur a tan kan lak a ngaiin ka hria, chu chu ka'n sawi duh a ni. State leh International Baundary ah te Vety ten check gate an nei thin a, chungah chuan ran hriselna lo endik thin an ni a. Henga hmalakna hi a tha hle a, changtlung zawka enkawl pawh a tul hle a ni.

Tin, Law and Judicial-ah hian hmasawna kan nei mek a, mipuite pawhin an chanvo sawina hun district khawpuiah pawh kan nei chho ta niin a lang. Heng avang hian kan lawm hle a ni. Kolasib-ah district court building sa in, internal wiring la tih zawh loh a ni chauh a, hawn vat a pawimawh hle a ni. ADMJ lo awm turte pawh an la awm theih loh phah niin kan hria.

Tin, Demand No. 31-na, Agriculture- Minor Irrigation hmalakna-ah hian tun kum kal lai mek a hmalakna kan thlir hian, a bikin MIP ah hian district tinah sum leh pai min pe a, MIP sum hmanna thenkhatah Land

Development leh Link Road siam nan district hrang hrang ah then a, pek kan ni a, kan district chhung min pekah khuan kan hmang tangkai hle a ni. Kan farmers te pawh an lawm a ni. WRC rual tha lo, an buh an thar theih nan a land levelling kan tihsak te hi a lawmawm hle a ni. Hetianga kan kal chhohpui zel chuan kan ramah hian thlai leh buh kan thar chhuah a tam ang a, kan intodelh chho ang tih ka ring a ni. Kan budget tharah pawh hian rilru pe deuh ila ka duh takzet a ni. Chu chu chin a tha tih mi sawi ang thlai chin mai ang kha tunah chuan kan ti tawh lova, MoU te signed in, company te nen thlai chin tir an ni tawh a, a market hre chiang sa a kalpui a ni tawh a, chumai bakah chuan, Aieng chin leh a thar turte lei turin hmalak a ni a, Vairengte ah Multi Co-storage te pawh hawn ani tawh a ni. Farmers ten thlai thar kan hralh mai theih loh, a rate hniam avanga kan hralh ui te pawh kah a chhiat loh nana han dah lailawkna tur tunah chuan kan nei tawh a ni. Mirethei thleng phak a awm lo ani, kan tih thinte hi ka'n ngaihtuah chian loh vang a ni. Vawiinni-a inpuahchahna kal chho hi thlir chiang ila chuan, kut hnathawktute ta a awm lo kan ti kan ti awm love. Tunah chuan farmers ten rate tha zawkin kan thlai thar chhuah te kan hralh thei dawn ta a ni tih kha a chiangin ka hria a. Area Potential Connectivity, (Agriculture Link Road) kan han tih angte pawh hi an lai hnem hle a, chu chu mipui thleng phak lo emaw kan ti thin a, farmer ten an chhawr tangkai tur ani tih kan hrechiang vek in ka hria a. Chuvangin, vawiinnia demand sum leh pai tamtak pawh hi an hnathawh en hian pek tlak an niin ka hria.

Tin, Pu Speaker, Cooperation-ah hian han sawi leh lawk duh ka neih leh chu, Primary Society ngaihpawimawh an tulna hi a ni. Kan ramah hian intodelhna bulpui ber pakhat atan chuan Primary Society te nghet taka an din a, an thanlenna tur atana kan kalpui hian kan ram hian hma a sawn dawn a ni, tih hi a lang chiang a. State Level Federation, Primary Society te inhlawmkhawmna, example ah MULCO sawi ta ila, 2006 chhung khan net profit li lakhs chuang an nei a ni tih kan hria a. Heng atang pawh hian kan Primary Society te pawh hi tihpuitlin leh tihchangtlun an ni thin a, MIZOFED ahte pawh kan hmu, PIGFED-ah te pawh kan hmu, PIGFED te pawh hi net profit an nei thei a ni. Dik takin thenkhatin kan hlawhchham kan ti na in kan society engemawzat hi chu an hlawhtling tlat a ni. Women Fed te pawh an awm a ni, chungte pawh chuan engemaw thil chi hrang hrang an siam a, an zuar a, an lo intihlawmkhawm ve a, khatiang khanin eizawmna an lo neih ve phah thei a ni. Kan Cooperation hmalakna hi vawiinni-ah chuan kan tih changtlun zel a tulin ka hria. Kan ram hnuk pakhat a tling thei a ni.

Food, Civil Supply & Consumer Affairs- ahte pawh hian hei district consumer forum office building te pawh kan nei dawn a ni a, district hrang hrangah, keini Kolasib-ah te pawh sak tum a ni tih kan hria a, kan lawm hle a. DCSO Office hi kan neih theihna tur atan kan Minister zahawmtak in hma min lakpui ngei se tih ka ngen duh a. Hei miharsa zual bik atan chanvo lo

awm, Anapurna kan tihte, BPL te, AAY te hi mirethei zualten chanvo dik tak an chan theihna tur atana a thlangtute hi NGO te hi an ni a. Party emaw, MLA kan nih vang emaw, ruling kan nih vang emaw in kan zuk inrawlh ngai lo, fair taka thlan thin an ni a, hengte hi kan la indaihlo zawk a ni.

Pu Speaker, miharsa zualten vawiina an chanvo diktak an chang thei te pawh hi a lawmawmin ka hria a. Pu Speaker, sawitur a tam hle in ka hria a, Sericulture te kawng hrang hrang a an hmalakna sawi tur a tam hle ang. Vawiina demand hi pass ngei a, department pawhin a tum aia nasa a tan la a, hmasawna kan neih theihna tur atan pass ngei turin ka rawn ngen ve a ni e. Ka lawm e.

**S P E A K E R**

: Awle, chawhma hun kan lo hmang zo ta a, kan chawl leh ang a. Chawhnu dar 2:00 ah kan thukhawm leh dawn nia.

Sitting adjourned at 1:00 PM



Afternoon 2:00 PM

**DEPUTY SPEAKER** : Awle, kan rorelna kan chhonzawm leh ang a, Pu Lalhmingthanga hi in sawm hmasa phawt teh ang.

**PU LALHMINGTHANGA** : Pu Dy. Speaker, ka lawm e. Hei vawiina kan demand hrang hrang han sawi tur hi hun a tam lova, chuvangin Department zawng zawng hi chu sawi hman a ni dawn miah lova, ka ngaih mawh zualte ka'n sawi ang a.

Demand No. 31 leh 32-na hi Agriculture leh Horticulture hi a sawikawp theih maiin ka ring a. Han sawi hmasa ber ila, hei kan ram Pathian-in a siam zia hi, ramdangte angin engemaw phaizawl tha leh ram zawl tamtak kan nei lem lova. Amaherawhchu, a sik leh sa te min pe tha a, ruahtui tla te leh thlasik leh thal te, chuvang chuan kan ram leilung hi rah chhuah tura siam tur chuan Agriculture leh Horticulture hi a pawimawh ber mai a. Tin. hei hi thiamna kan neih pawha kan pi leh pu t e atanga kan eizawna leh hnam anga min chawiliantu a ni a. Tuna kan priority sector-ah pawh khan helai hi kan sorkar in an dah kha awm ngawih ngawih a ni a. Tunhma atang pawhin sorkar hrang hrang pawh an lo dah tawh thin a, helaia kan problem nasa ber hi chu ramtha tak leh sik leh sa thatak Pathian in min pe a. Amaherawhchu, kan eizawna hi tunlai hmasawna mil zel a kan chaw thlawh chhuahna leh kan thawh chhuahna hi kan la her rem tlat loh avangin a lehlam ah chuan kan tan pawh harsatna tamtak min thlentua lo ni ta a. Kan ngaw zawng zawng kan hal chereu a, kan Mau hmun zawng zawng pawh kan hal chereu a, chumi rualin ram leilung pawnglang hang, thlai leh thei ten a ngeih tur kha fur-ah ruahtui a tam si a, hei hi a khawk ta thin a. Chutiang chuan kan ram hi a chhe chho mek zel a, hetah hian chak leh zual a kan sorkar hian hma a lak a tul a.

Hemi Land Development nei tha tur hian thil pahnih in kawp a awm a. Pakhatna-ah chuan, kan ramah hian lui kam ah a siamsa zawl hi 64,000 hectars vel hetiang ang atana develop theih kan nei a, chu chu van ruahtui tla mai ring lova, Irrigation nena tankawp chuan tuna Mizoram population let thum lai pawh hian lo sang chho ilang in kha kha productive a kan siam chuan ramdang atanga kan ei tur buh te hi la lut lovin mahni intodelh a kal theih awlsam tak a ni a. Chumi strategy hmang chuanin kan Agriculture department hian hma la chho thei sela a duhawm em em a. Tuna bul an han tanna te pawh hi tun aia chak zawkin kalchhohpui theih nise, tih kha ka'n sawilang duh a.

Tin, kuminah hian provision pawh an dah tha hle a, 77 crore lai mai hetiang anga han dah chhoh hi chu thil awm tak pawh a ni a. Khalai kha min lo chhinchhiahsak sela, Irrigation tello chuan double cropping pawh a theih loh a. Tin, khami a area han develop chhoh, hmang tha tak tak tur pawhin van ruahtui tla hmang ringawt hi chuan a tih hleih theih loh a ni. Irrigation-ah hian kum 2 vel kalta-ah khan, khumi Zawlnuam kan tih mai, Lokicherra a Lokicherra Lui, Zawlnuam lui atanga an lak kha a hmunah ka zu en a, an hna a quality works kha a chhe em em mai a. Tin, a gradients pawh kha tui an han lak penna tur atang khanin a tui level ai khan a sang sa deuh a, a luang tha thei dawn em ni aw, ka ti a. Chuvang chuanin, quality control lamah hianin tun aia nasa zawk hian hmalak nise a tha in a rinawm a ni.

Tin, Horticulture-ah hian kan area potential neihah hian heng hi tlang lamah park zawl kherlo-ah pawh tihtheih a ni a. roughly chuanin, hectare nuai 2 dawn lai hetah chuan potential area kan neih a ni a. Tichuan, engemaw thil zawng zawng thlai zawng zawng, thei zawng zawng te chin tuma hetiang anga try and error method a kan kal ai hi chuan, mumal zawka selected bika thlan ni selangin, a area leh enge a climatic condition te zirchiang zawkin, tuna hei thlai hrang hrang, Thingfanghma-ahte, Jatropha-ahte, Red Oil Palm chin chungchangahte hetiang Pachauli pawh kan titel a niang e, company nena MoU sign hi engeni a an dawn kan la hre lova, thil bul tantirh a nia, hlawhtling thei pawh a ni a. Tin, hlawngtling lo thei pawh a ni a, amaherawhchu, tah hian fimkhur taka kal chhoh niselangin, kan ram te ang hi engemaw khatiang company kan va sign puite nena nakin hnu-a inchuhbuai theih zawngte a engemaw agreement point kha alo awm anih chuanin tribal land ah hei hi a inkhunglet chho mai ang tih a hlauhawm a, khalai kha, fimkhur takin kalpui ni thei ta sela, tih ka'n sawi duh a ni.

Tin, a dawt leh ah chuan hetah Demand No 41-na Sericulture-ah hian kan lut leh daih ang a, hei hi kum 3 chhung vel chu zawhna ka siam thin a. Sericulture department leh Fishery department hi Minor department ah dah tawh mai lovin, Major Department a hlan chhoh dan kawng sorkar in zawn a tum em? tih hi; Amaherawhchu, balloting-ah hian khatiang zawhna kha a hmasa lamah alo chhuak lo thin a, sorkarin min chhan thinna-ah hian ngaihtuah zel a ni, tih ang deuh a ni a. Hemi Sericulture hi kan ramah a potential a tha a, nasa taka hma kan lak theihna tur a ni tih member zahawmtak te pawh in an rawn sawi lang tawh a, tuna keini state a population hrim hrim ah pawh nuai 10 pawh la tlinglo tan hian thil chi khat ngawt pawh hi ti fuh ta ilangin, sustainable economy kan tih ang, mahnia intodelhna ang hi chu neitheih mai tur ang chu nei theih mai tur kan ni a, a mihring hrim hrim a a perhead in kan la tlem a, chuvang chuan chutiangah chuan Sericulture hi kan hmasawn theihna tur, tin, kan hming than theihna

tur ni ngeiah ka ngai a. Tin, an han tih tawhna-ah kum khata an fund provision te kan han ensak a. Tin, a lehlamah an achievement te kan han ensak hian a hlawhtlin pawh a hlawhtling hle a ni. Chumi chu hria in, tuna kan session-ah ringawt pawh hian Member hrang hrang ten, hei Phuldungsei bialtu Member zahawmtak pawh khan nimin lamah te pawh khan thiamtakin a'n sawi tawh a, hetah hi chuanin ram chhe lutuk pawh a awm hleitheh lova, a pangngang chaw tura kha Theihmu emaw, Oak emaw leh khatiang ang kha kan ram a thil tha em em leh tihputlin harsa hauh lo a ni a. Tin, mizote hi thil duh hmanhmawh chi kan ni a, engemaw long term investment ang chi, a production a kha kum 20-30 hma rawn let leh tur ang chi-ah hi chuanin kan thinlung a la awm lutuk vak lova. Amaherawhchu, Sericulture ah hi chuan a investment leh a production cycle hemi inkar hi mizo Psychology nena inmil chi tak a lo ni bawh nen, hei hi uar zawka sum leh pai te pawh hi dap a, tin, a master plan hi mumal taka siam ni ta selangin, tah hi chuan thuitak kan kal thei ang a. Tin, kan ram pawhin intodelh theihna tur kan neih hmasak theih ber tur a ni.

Tin, India ram hi silk market thatna lai tak a ni a, mihring kan tam a, khawvel hnam hrang hrang, sorkar hrang hrang kan han en chuan, China in khua leh tui a ngah ber a, a dawttu chu India kan ni mai a. Hetah hian, maktaduai sangkhat chuang kan awm tawh a, chungzinga maktaduai zanga ang vel hi chu hmeichhia silk a inchei duh deuh vek an ni a. tin, vai mipa te phei chuan an incheina tak takah hian silk hi an duh deuh vek a, chuvang chuan a market lam hi a lungngaihthlak loh em em a. Tin, a storage, a dah that lamah hian Cocoon hemi a silk han dahthat hi chu Sawthing te anga vuai a han danglam thei a ni lova, Bawkbawn te anga vuai a, danglam thei a ni lova, chuvang chuan a ngai reng a ni mai a. Tin, a Transportation ah hian advantage tamtak a awm bawh a, zang te amah hi anih avang hian Truck pakhat pawn nuai tamtak man a phur thei a, chuvangin hei hi nasa taka beih chhoh nise langin, policy thar sorkar hianin siam se a tha in ka ring a.

Tin, Food & Civil Supplies ah hian kan lut leh zawk ila, Pu Deputy Speaker, hei kan Tam dawn a, Mizote food habit leh khawvel, India ram danga phailam in food habit hi a inang lova. Keini chu kan kuthnathawktute hian nikhatah chaw vawithum puar taka ei chi kan ni a, chuvang chuan kar khata buhfai quota 2 kg ringawt hi chu tam kum atan chuan a tawh lo hle a ni. Chuvang chuanin, hemi kar khat quota a tam lam hi kan kham tawka tihpun nise langin, Thing Tam lai pawh khanin kan buaipui chu vaiho in kham tura min ngaih kha kan kham lova, chuvang chuanin khalaiia khan a scale a pawh kha kan san ta nghe nghe kha a ni a. Chuvang chuan hma lak theih nise langin a lawmawm ang.

Tin, Bawngsa thu kha - hetah Animal Husbandry kha han sawi leh zawk ila, hei hi uar zawka Bawng vulh hi kan tih theih chuan khimi Myanmar lam leh khawchhak lam, khawthlang lamah pawh a niang chu, kan pawisa Bawngsa leina atana kan hman tam tak hi kan ram chhungah circulation a lo awm ang a, churang chuanin Animal Husbandry hian hma la thar leh se tih ka'n sawi duh a.

Tin, Demand No. 30-na, Disaster Management ah hian, Silpoulin hi kawng engkima kan chhawr tangkai theih a ni mai a, Saiha bialtu member zahawmtak pawh khan nichinah khan a sawi a, hmeithaite tan a tha a, patling tan pawh a tha a, tin, leimin tur vennan a tha a, in far vennan a tha a, Thlam chungah a tha a. Tin, Bualpui bialtu zahawmtakin a sawi ang khan inchung atan te pawh Mau hnah ai chuan a tha a, churang chuanin heng sum hi tam zawka Silpoulin leinan hian hman theih nita sela chuanin a mamawh te hnenah uilova sem ni sela. Hei hi chu zoram chuan la tangkai pui tak tur a ni, tih kha ka'n sawilang duh bawka ni. Awle, Pu Deputy Speaker, hun a tam lo em mai a, ka lawm e.

**PU D. THANGLIANA** : Pu Deputy Speaker, ka lawm e. Vawiiinni-ah kan Minister zahawmtak takte pathum Demand sawiho theihna hun thatak kan han nei thei hi a lawmawm hle in ka hria a. A hmasa bera ka sawi duh chu Demand No.30-na, Disaster Management and Rehabilitation chungchangah hian kan hma a miten an sawi nual tawh a. Silpoulin tangkai dante kan hria a, sorkar pawh hian tan a la viau a. Tin, Disaster Management & Rehabilitation Department pawhin theihtawp chhuaha hemi kan natural calamities leh thil dang dang a kan inhnangfakna tur atana an hmalaknate hi a fakawm hle in ka hria a. Duh ang erawh chuan pawisa kha kan dah tam thei hauh lova. Chuti chungah an hmalakna leh an tihna zawng zawngah hian chhiat tawkte tana tanpuina an han pekahte pawh hian thil lawmawm tak niin ka hria a, tam lehzuala heng Silpoulin pawh hi an pek leh theih kha thil pawimawh tak a ni tih kha vawiiinni-ah hian ka sawi tel duh a.

Tin, Demand No. 42-na, Transport chungchangah hian, Transport department hi an chhuanawm khawpin ka hria a. Tunhma zawng chuan leiba tamtak an nei thin a, mahse hei kum hnih kalta vel atang khan Transport department hian leiba rulh theihloh tur emaw an nei ngai ta lova, a pung zawka revenue nei zawka kal theia an han in siam chho hi a changtu Minister vanneih te pawh in ka ring a, ani Pathian tih mi tak maiin a chang a, a lawmawm hle in ka hria a. Department hotute nena pheikhai rualtaka an thawhna hian Transport department pawh hi a tichanglung chho niin ka hria a, hei hi thil lawmawm tak, chhinchhiah tlak tak niin ka hria a, revenue nei tura hma an lak zel pawh ka duhsak a. Tin, keini bial Burma border a awmte tan chuan Transport department hi kan mamawh hle mai a. Hei Burma ramri depah khian Sailulak khua te a awm, chumi thleng chuan thal chhungah hi chuan Bus min kal tir ve thin a, mahse khilai ah khian booking office tih leh enge maw vel te kha ruahmanna min han neih sak thin a, min la tihpuitlinsak chiah lova, hei hi ka minister zahawmtak pawhin min lo chhinchhiah sak sela. Regular taka khilalah khian Bus a kalve theihna turin ruahmanna min siamsak turin ka ngen a.

Tin, keini thingtlang bialtu ten kan harsatna fo thin chu, chhياتni thatni-ah hian Aizawl-ah hmunpui an rawn pan a, an boral a, mahni khua-a inphurh chhoh lehna turah hian a bialtu MLA te kutah an innghat lo thei lova, chungah chuan a phurh chhohna tur motor hi Civil Hospital-ah sawn 2 emaw chu a awm a. Nimahsela kan indaihlo nasa mai a, kawng a tha a, kan inkalpawh tak avang hian, chumi anih avang chuan hemi Transport department in Morgue Van an ti nge Ambulance pakhat an neih hi a tangkai khawp mai a. Hei hi thingtlang bialtute tan a biktaka ka ngen duh chu, bus thar lei turin ruahmanna an siam tho tho bawk a, hetah hian a deluxe company leh engemaw nilo hian pakhat tal hi chu Transport department hian thingtlang bialtutena kan bial chhunga vanduinawna tawh mitthite kan inthawn chhoh theihna tur atan hian min ruahman sak thei sela a va lawmawm dawn em, tih lai kha vawiinni-ah hian ka ngenna nisela a tha awm e.

Demand No. 31 leh 32 Agriculture leh Horticulture hi chu a sawikawp theih deuh mai turah ka ngai a. He Agriculture Department ina Mizoram tana hma an lakna hrang hrang han thlir hian a lawmawm hle in ka hria a. Vawiinah pawh hian Land Development chungchangah te hma an han la a, hei Serchhip District thar, a thar ho zingah pawh hnufual chanchang nimahse Land Development thawhna tur atana hmun nei tha si te, nikum leh kumin lam atang hian Agriculture department atang hian hma min laksak a, tunah hian tam fe min laksak tawh a, amaherawhchu kan dukhawp lo em em mai a, Serchhip Mat phaiyah pawh khian a kam bawr vel tih tur tamtak a la awm a, pawisa min dah

tam sak a, kan lawm viau rualin duhthu a samlo em em mai a, hei hi MIP atang hian atam zawk deuh sum min pek sak a, Mizoram intodelhna tur thlai tharah te pawh. Tin, Zikhlum-ah pawh Serchhip thar te chu a tui pawh a tui bik a, chuang chuan Mizoram chawmna khawp tling thei tura Agriculture Department lam atanga kan leilet enkawl thei tur atana land development min han thawhsak hi nasa leh zuala min thawhsak turin ka ngen a. Tin, ka bial Vanlaiphai-ah pawh keini chu kan sawi ang khan thingtlang kilkhawr a mi kan ni a, chungah chuan kan mamawh ngawih ngawih a, mahse tha a leilet chek zau theilo te, vawiinni-ah khian khawl hmangan kan leilet bialte min han tihzau sak a, leilet kan siam theihlohna te min han tihzau sak a, a va lawmawm tehlul em, tih hi vawiin hian ka sawi duh a. Khingah pawh khian leilet zawng zawng khi land development hmanga kan Agriculture department te hian min thawhsak zel kha thahnemngaihna in ka'n ngen duh a. Bial kilkhawr kan nih avanga min thlahthlam miah lo turin kan Minister leh kan department lam hotute pawh kha ka ngen duh a ni.

Tin, Agriculture ah hian Mizoram intodelhna tur atana pawimawh tak mai chu Horticulture chanvo hi a ni a. Kuminah Mau a tam dawn a, nakumah tam a tla dawn tih kan hre vek a, chuta tana pawimawh em em chu Sapthei chungchang a ni a. Thingtlang hmun hrang hrangah kuthnathawk tuten Sapthei ching turin ruahmanna an han siam a, an harsatna ber chu a zamna thirzai kha a ni a, nimahsela hei kan sorkar hian Horticulture department kaltlang hian a thirzai leina tur min han ruahman sak a, ka bialah te pawh an sem chur chur a, a lawmawm hle in ka hria. Sapthei hi a tha duh em em mai a, nikumah khan an chinna hmun Chawngtlai leh Tualte te ka han tlawh a, chung kan han tlawhna-ah chuan thar pawh an thar tha viau a, chhungkaw khat kan han zawhah chuan, tin khat hmunah khan a tang rah deuh a la ni chung khan, a fur rah tha pangngai an thar hma hauh khan Rs. 20,000/- chuang a lei tawh a, tin khat hmunah khan Rs. 60,000/- chuang lai mai kha lei thei turin ruahman a ni a. Hei hi a lawmawm tak zet zet in ka hria a, Sapthei zamna kan sem chungchangah erawh hi chuan kan fimkhur a'ngai khawpin ka hria, hralh hi a tam khawp mai a, a semtute leh a dawngtute in thuruala tih hi a awm palh ang tih hi chu a hlauhawm a, hetah hian kan department lampangte pawhin thahnerngai taka a bo thlau lohna turin sum tamtak seng a kan sorkarin kut hnathawktute tana hmalakna a hlawhtlin theihna turin enkawl uluk deuh se, tih ka ngen duh a.

Tin, Alu chungchangah hian han sawi leh ka duh chu Pu Dy. Speaker, hei ka bialte chu Mizoram Alu that duhna ber, Alu thar chhuahah pawh hian a tui ber tharchhuahna bial kan ni a. A chi hi duhkawp kan neilo khawp mai a, hei tunah hian min duhsak a, Saiha bialtu zahawmtak Pu Hiato khan a sawi a, a bial lamah an lo la pe lova, keini min pe a, sawi pawh a

inthlahrunawm khawp mai a. Ruling kan nih avanga min duhsak bik ni maw, ka hre lova, engpawhnise kan lawm a. Amaherawhchu, Mau tam tam turah khan buh kan chin ngam loh avangin sazu in a eiloh ber tur ni a an hriat, Alu kha tamtak ching turin an lo inbuatsaih a, quintal 500 pawh tling lo vel kha min pe dawn niin kan hria a, Mautam tam dona atan kan bial atan pheichuan thil pawimawh tak a nih avangin khang kha min lo chhinchhiah sak sela, hei a la hun tho a, a tam zawk kha min pek theih chuan a lawmawm khawpin ka ring a, chu chu ka'n sawi duh a. Tin, chutihlainn hei quintal khata unload leh load velah hian engeni pawisa senso, hnathawktute hnenah khan khawn a awm a. Hei hi department lampang hian nakinah kan Minister zahawmtak pawhin a rawn wind up na-ah khan, hei hi department tihdan phung renga an neih nge, engtianga tih nge, tihlai kha load leh unload ah tlema zawng pawisa sen ngaia a dawngtute hnen lam atanga Rs. 30/50 an lo la anih chuan thuhran nise. Chutiang ni lova tuten emaw an lo la mai anih chuan kuthnathawktute kan ti luhai deuhin a hriat a, khalai kha min lo ensak sela a tha in ka ring a. Tichuan Pu Deputy Speaker, kan hun a tlem viau a, sawitur pawimawh tak pawh kan sawikim hman lova, heng vawiina kan Minister zahawmtak takte demand hi he House hian lungrualtaka pawmtlang turin ka rawn ngen a ni e. Ka lawm e.

**DEPUTY SPEAKER** : Pu Andrew hi a rawn lut tlai viau na a, a thut rual khan a phar titih deuh nghal mai si a, phar hmasa berah i ngai mai ang aw, ilo ko phawt mai ang.

**PU ANDREW LALHERLIANA** : Pu Deputy Speaker, ka lawm e. Hei vawiinni-ah hian demand 10 chuang vaibelchhe 260 chuang pawisa awmna kan sawi dawn a. Minister pathum te chanvo. Hun a tlem hle mai a, kan inpek belh a niang chu, a tawp lampangah. Engpawhnise kan duh ang chu kan sawi zo hman dawn lova, kan ngaih pawimawh-ah hian lut deuh nghal zung zung ila, a tha awmin ka hria a. Ka tanna tur atan chuan kan biala kan ngaih pawimawh tak mai Horticulture Demand 32-na atang hian ka tan ang a. hei kan hriat angin Khawzawl leh a chhehvel Chawngtlai te khi Horticulture department in Sapthei chinna hmunpuiah an rawn thlang a, a lawmawm hle a ni.

Tahchuanin, khimi khi lo puitling ta se, engtingge hma kan lakna tur chu, a hralhna tur zawn a ni, tih kha a Chiang Hle Mai a. Nimina ka Starred Question helai hmuna kan sawi hman tak loh, amaherawhchu, a chhanna min rawn pekah khan hetiang hian ka zawt a, Khawzawl leh a chhehvela Sapthei te a thar huna a hralhna tur market sorkarin a hmu tawh em? Company te nen chutiang a hmuhah chuan inremna an siam tawh, tute nen nge agreement an siam tih ka zawt a, zawn mek a ni, an ti a. Agreement hi la hmuhloh anih avangin tunah chuan company te kan dawr te pawh sawi theih a ni love, tiin min chhang a. Nikum lamah pawh chutiang bawh chu la hmulo, tiin min chhang a ni. Sapthei hi lo thar se, a hralhna tur hi kan la neilo a ni, tih kha a Chiang Khawp Mai a, a pawl ka ti. Department hian hma a lak chak a ngai a ni. A hralhna tur a awmlah chuan kan buai leh dawn. Hmanah pawh NLUP policy ah kan hriat tawh kha. Tung min chin tir a, Saitual kan bial lai khan Tung ching rawh u, a hralhna a tha lutuk tiin an sawi a, a awm tak tak ami tia kan zawh pawh khan a awm ani ang hotuten an ti a lawm an ti ngawt a. Amaherawhchu, an han thar tak tak a, a hralhna kha achin tir tuten an hre tawh miah si lova. Kan thar buaipuiin kan mangang lutuka, a thar tam apiang a n mangang a, tihngaihna an hre lova, an thar sate kha engahmah an chantir leh theih siloh avang khan. Khatih hun lai khan Tung thing te pawh kha "**Thing an chhedawng**" an ti ringawt anih kha. Chutiang khawp chuan waviin niah hian kan thil chin hi anchhedawng lekah kan chan tir leh ang tih hi a hlauhawm em em ani. Chuvang chuan, Sapthei kan chi-ah hian a market tur hi sawrkarin khawngaih takin, rangtakin lo zawng sela kan duh a.

Tin, Sapthei ching tuten harsatna an tawh nghal a, tunah khian. Ran khuahkhirh anih loh avangin Sapthei hmun tamtak tunah khian Ran in a ti chhia a ni ti a a Ran dan chu kan tih tur nimahsela, khami piahlamah khan atihchhiat sak te khi Compensation pek kan tih loh pawhin Rehabilitation kan pek a ngai a ni. Tin, Saptheiah hian kan thil tih danah tlemin kan rilru a buai tawh a, A kum hmasa lawkah passion fruit, cultivation of passion fruit under forest tiin thingbuk hnuaiyah Khawzawl leh achhehvelah khian min chin tir a, thingbuk hnuaiyah khan a that theih siloh avang in achhe leh deuh vek ani. Amaherawhchu, sawrkarin beneficiaries te hnena a lo tiam ang khan nikum lamah Rs 2,58,000/- a sem niin kan hria a. Chu chu Rabung thlengin beneficiaries 80 te hnenah a sem ani. Amaherawhchu, tun kum tantir ah khan, khangte kha an hmu tak tak em tih kha upa pawl in corruption an do avangin Sapthei chingtute hlawhchham mahse sorkarin a tanpuina a sem kha an han check a, office-a an check-ah chuan mi 88 hnenah chuan sem ngei chuan a lang a ni. Tahchuan an pawisa sem zat pawh 2,58,000 a ni a. Tahchuan an pek zat kha Rs. 13,000/- vel atangin in anglo zungin Rs. 1200/- thleng ang khan a ni a. Chutah chuan, engatinge a inan loh, tih khan, an hrihfiyah naah chuan, hei hi chu 'performance basis' a ni, an ti a. Fail theuh theuh kha performance basis-ah 13,000 atangin 1200 thlengin inanglo zung khan programme an han siam ta a. Amaherawhchu, a tak taka



an semah hian a pawisa pe anga an show ang kha Upa Pawlin an check khan an lo hmu miah lo a ni. Entirman, Pu Siker an tihte hi Rs. 6000/- hmu anga ziah kha Rs. 3000/- chauh an pe a, tin, Pu Chhunglawma kha Rs. 6000/- hmu a ngaih kha Rs. 2000/- an pe a. Chutiingin helaiiah Pu Rotlinga an tihte kha, Darngawn vengah khan Rs. 13000/- pe a lang si kha Rs. 3800/- lek pek a ni a, pekloh te pawh an awm nual a. Tin, Rabung a va cover a, Rabungah chhungkaw 30 phei chu pakhatmah helaiia pe anga department a inziak vek si hi tuman an hmu miahlo a ni. Tahchuan, chhungkaw pakhat hnenah 5000 pe anga inziak a ni a. Chhungkaw 5 hnenah 3000 theuh pe anga inziak a ni a, chhungkaw 9 hnenah 1500 pek anga ziah a ni a, chhungkaw 15 hnenah 1200 a pek a ni. Upa Pawl corruption do hovin an va check a, khangho Rabung a chhungkaw 30 khan, pakhat mahin zu hmu lo a mawle. Hetah hianin kan Minister zahawmtak pawh ka ngen duh che chu, mipui aiawh kan ding ve a, heng hi in checkna turah hianin min co-operate ve ula ka duh a ni. Heng hi tunah hian thil kal tawh nimahsela, tih zel loh na turin, a ti diklo te hi hrem an ngaiin ka hria a ni. Accountability a awm tur a ni. Tin, Monitoring ah pawh hian keini te pawh hi min hmang turin ka duh a ni.

Engpawhnise, khatiang khan Horticulture ah chuan harsatna kan tawhte ka rawn sawi a ni, market kha kan ngaihpawimwh ber a ni. Agriculture hi han cover leh thuak ila, Agriculture-ah hian kan hotute chuan thil tih that in tum viau, amaherawhchu, helaiiah pawh hianin kan bial khi Champhai bul lawka awm a nih avangin Champhai pool khi a na lutuk hi pawl ka ti a. Kan Chief Minister zahawmtak hi ka sawi laiin awm se ka duh a ni. Entirman, MIP hnuaiiah Mechanised Land Development atana Phaisen atana Scheme/Plan kan siam pawisa hmuh vek tawh tura ngaih tawh si kha an han zawt chiang a, khawiahnge han tih chuan "Chief Minister in tun tum chu heng zawng zawng hi Champhai atana divert vek turin min ti" tih kan tawng a ni. Champhai-ah hian thil divert a ni chho zel mai hi pawl ka ti khawp mai. Kan dawng thin a ni. Department dangte pawh han sawi ta ila, divert hi a tam lutuk ringawt, NBCC hnuaiia hnathawkte pawh hi kan bial Khawzawlah khian Drainage siam na tur nuai 60 an rawn sanctioned a Champhai-ah nuai 70 an sanctioned a ni. Amaherawhchu, Khawzawla nuai 60 kha nuai 30 chiah min pe a, a sawmthum kha Champhai-ah transfer in, Champhai-in nuai 100 an hmu a, keini in nuai 30. Khatiang khan diklo takin thiltih a awm thin a, pawl ka ti khawp mai. Bial inhnaih tak si, inthlau lutuk a thil siam hi a dik lo in ka hria a. Engpawhnise, kan Minister zahawmtak hian thil tha tih chu a tum niin ka hria a, ka lawm hle. Entirman, Chawngtlai. Dilkhan, Phaisen road-ahte pawh hian link road siamna tur in thatak in hma min lakpui zel dawn niin ka hria a avangin ka lawm a ni.

Tin, kan duh ber chu Jhum Cultivation hi tihtawp a, Permanent Cultivation siam hi a tam thei ang ber Agriculture-ah kan duh a ni. Chuvang chuan, scheme te pawh hi Permanent Cultivation awmna turin an la siamna hmun loh Chhimluang, Kangbul leh Tuichang, Tiau, Phaizau velahte pawh hian tunah hian Land Development Scheme leh Compact Area Development Scheme kan siam a, beneficiary oriented a tihturin khatiang khan ngaihtuahna kan nei a, ka hriatsual loh chuan NWDP (RA) an tih, National Watershed Development Programme, Rainfed Area tih sheme hnuai atang hian a tihtheih niawmtak khan ka hria. Chuvangin, chhungkaw 50/100 chuang Permanent Settlement siam theihna tur a ni a, chu chu ka hriatsual loh chuan Chhawrtui, Phaizau, Tiau zau te pawhin an rawn chhawr thei dawn a, khangte pawh kha khawngaihtakin min tih puitlinsak turin kan Minister zahawmtak hi ka ngen duh a ni. Tin, hei hi kan bial in kan ngaihpawimawh a nih avangin min tihhlawhtlin sak ngei ka ring a, lawmthu pawh hi sawinghal hial a tha in ka va ring em.

Thil pakhat ka sawi leh duh chu, Supply Minister chanvo, Khawzawl-a retailer ho hnenah khian retailer ten kg 10 zel an hralh chhuah hian kg 1 an cut a ni. Khawngaihin Food & Civil Supply Minister hian lo hre rawh se, Khawzawl chhungah retailer reng reng hnena buhfai la in kg 10 ang a pek khan, kg 9 an pe a, kg 1 kha an cut sak a ni. Engvanginnye an cut sak? tiin tamtak ka zawt a, hei hi chu Kudam atanga cut sak turin kan hotuten min ti a ni, an ti a ni. Chu chu VC te pawn an hriatpui vekin an ti a, huaisen taka kudam atanga an ti duh hi engvangnye? Hei hi kan Minister hian a hriatpui em ni? Kan mirethei te kg 10 ah kg 1 cut sak zel an ni a, kan retheih tawh nakalaiin, hei hi khawngaihtakin a rawn ti diklotu hian mawhphur ngei rawh se, tih hi ka sawi duh a ni. Chuvangin, khawngaihin action lak ka duh e.

Tin, a tawp ber atan, hei Programme on Going Scheme-ah khan thil pakhat lek han sawi leh ka duh chu, Khawzawl a Tuimuk Project ah hian a mawnglam panga chhungkaw 20 chuang awmna, theih ang tawka tih puitlin tawh sa-ah khian link road an la neilova, Department lam hian an lai mek niawmtak a ni. Mahse km 1 ½ a ala thlen phakloh avangin khawngaihtakin Agriculture Minister khan Tuimuk mawnga chhungkaw 20 vel WRC neite link road siamna tur la daihlo hi khawngaihtakin tun tumah hian min pek theih chuan kan lawm hle ang. Engpawhniselangin, kan budget siam danah hian Sectors Wise in location te hian siam thin mah ula, a tawpah duh ang ang hian hotute hian kan han siksawi leh thin a, chuvangin a technicality-a han kal vak chi pawh hi a ni mang lova, khawngaihtakin khang kan sawite kha min ngaihpawimawh sak turin ka'n duh a ni e. Ka lawm e.

**PU H. ROHLUNA** : Pu Deputy Speaker, ka lawm e. Vawiinni-a kan demand sawiho tur hi cheng nuai 25588 chuang a ni a. Minute 10- chhunga sawi zawh hi chu a huphurhawm khawp a. Mahse ka ngaih pawimawh lai deuh han chuk kual ve ila.

A hmasa berah Demand No. 32-na Horticulture chungchangah hian mahni bial lam hi a luhloh theih lova. Pu Deputy Speaker, Grape chingtute tan kum 2005 khan National Horticulture Board hnuaiah Champhai SDHO in loan ngaihtuhsak turin chhungkaw 69 hnenah cheng 780 pawisa a laksak a, tichuan vawiinni thlengin loan hmuh a awm ta lova. Tichuan, chhungkaw 69 hnena pawisa belhkhawm chu Rs. 53820/- lai a ni a, hei hi a pawisa an laksak lai chuan a loan in hmuhloh chuan in hmukir leh vek ang, tih a ni a. Mahse vawiinni-a an han beisei leh deuhin a rei tawh em mai, an ti a. Scheme siam nan te kan lo hmang tawh a, ti ten harsatna an siamsak niawmtak a ni. Hetianga kut hnathawktute an han sawisa thin hi chu a pawihle a, chu chu a department lam hotute leh Minister zahawmtak pawhin min lo enfiah sak sela. Zawhna pheih chu ka pe tawh a, amaherawhchu, a tlai deuh hlek avangin chhan hmanloh te anih takin tiin ka'n sawilang hmasa duh a.

Tichuan, Sawhthing hi a ni, vawiinniah Sawhthing chingtute an mangang em em a. Chuvangin, an harsatna hi sorkarin an chin tir a nilo a nih pawhin kuthnathawktute harsatna hi chu a ngaihtuah tur a ni, tih hi ka'n sawilang tel duh bawk a. Tin, Aieng chi hman atan hian hei ka bialah, Champhai IWDP III leh IV, PIA hnuaia mi sum leh paite pawh hi Aieng chi man atan hian pawhthen sak tur niawmtaka sawina te pawh a awm a. Hengte pawh hi a pawisa tunthleng pawha Champhai III pheih kha chu an la dawn loh a ni a. Coffee chingtuten helai House-ah pawh ka sawi tawh a, Coffee ching tutena a khur an laihna sum leh pai 2005 kum ami, vawiinni thleng pawha an la dawn loh a hi, hei hi enfiah vat a, pek vat hi an tul in ka hria a. Sapthei chin nan te, thil dang dang atan sum leh pai pawisa sorkarin tamtak a hmang tawh a. Chutihlai karah chuan, a hnathawk mek a te pawh hi heng Horticulture Department hnuaia IWDP/ Haryali hemi hnuaia mite hi an sum leh pai dawn tur a tiam tawh si, a pek vat a ngaiin ka hria a, chu chu ka sawilang tel duh bawk a.

Tichuan, Demand No. 31-na – Minor Irrigation ah hian hei, chhiah lak turte a ni a. Sorkar kumthar atang pheih chuan, chuvang chuan a chhe lai hi siamthat vat vat hi a tul in ka hria a. Anih loh chuanin chhiah hi sorkar pawhin a hmu tha dawn lo a ni. Laili phai te, Tuithil, khing ka bialah te leilet a tha em em a, amaherawhchu, tui an neih that loh avangin vawiinniah

hnathawh theih takloh hi engemawzat a awm a ni. Chuvang chuan, helai hi department lam pawhin sum an ngah tentawn bawk a, min lo enzui sak se ka duh a. Tin, nikumah Chiahpui khua ina leilet an siamna tur leh an tui lakna tur Minister hnenah pawh ama room-ah ngei ka sawipui tawh a. Dilna pawh ka thehlut a, rangtakin an han endik ang, a ti a. Vawiinni thlengin tumah kal an awm lo. Hetiang hi mipuiah hian beiseina diklo kan pe thin a, sorkarin tih mai tura a sawi si, Minister meuh tawngkam chu atak a niang, kan ti a, mipui-ah kan lo hriattir tawh bawk si a, hengte pawh hi a hma thei anga hmalak nise ka duh khawp mai.

Tichuan, Rabung Minor Irrigation Project hi tunah department in an thawk mek a, helai hian han sawi ta lawng ila, a pawl lemlo ang chu maw, MNF Champhai North Block Vice President niin ka hria a, a ni hian a chanpual vawiinni thlenga a thawhloh avangin hna a khaihlak hle, tih hi department lam pawhin min lo enzuisak se ka duh bawk a ni.

Tichuan, Demand No. 17-naah hian - buhfai stock hi Mautam kan tuar tam tawh a, kan sawi tawh thin a, buhfai stock hi Food & Civil Supply lam hian tan an lak viau a ngaiin ka hria a. Hei, BAFFACOS hnuaiyah mipui inhlawhna turte pawh sorkarin pe thei tehreng pawh nise, buhfai hlawhin emaw an ti leh in ka ring a, stock a awm loh chuan mipui tan buhfai hlawhtur a awm lovang, nakinah hian, chuvangin a department lam hian tan an lak a, sorkar pawhin a enzui pui deuh hlek hi a tulin ka hria a. Chu chu tam chhawmdawl na atan a hmanraw pawimawhtak leh tangkai ber anih ka ring.

Tichuan, Weight & Measures hi, hei Minister hovin Silchar lam atanga chawhmeh lokalte pawh an check tih T.V ahte pawh kan lo hmu a, a department hi a la te tham a, an kal chak lo deuh pawh a ni thei e. Amaherawhchu, Minister ho chauha publicity han siam paha thil check chauh hi ti lo se ka duh khawp mai. Nimpiniah lamah pawh ka sawi tawh a, retailer bukna diklo lutuk hi Mizoram pumin kan buaipui a, chutiang bawk chuan midang pawhin kan sawi ri thin. Hmannia ka sawi kha, nimpiniah mai ami Minister in Hnahlan-ah a han endiktir a, ka lawm khawp mai. DCSO Champhai a han kal a, chutah pawh chuan VC Secretary retailer-ah a tel ve a, a han endik na-ah Store Keeper leh VCP leh VC Vice President a han berawn a, tichuan bukna kha cerelac burin an teh ka tih kha, chu chu 'an teh love', tiin report an rawn pe thla a ni. Tukin lamah pawh Hnahlan a mite ka han be leh a, 'an hmang ngei e', tih kha a ni. Chuvang chuan hetiang a he House a rorelna sang bera kan thil sawi hetiang a hlamzuih leh mai thin leh department inhumna avanga hetiang a thil a kal thin hi a pawl khawpin ka hria a. Thil

tha leh thil dik siam kan duh a, hetah hian thu tha kan sawi a, chutihkara hetiang dawt chantir a, hetiang zawnga a kal leh mai thin hi Pu Deputy Speaker, a tha lo tawpin ka hria a. Chuvang chuan, an phu ang hian thil diklo titu hi chu action lak ni rawh se, tih hi ka'n sawilang leh duh a ni.

Tichuan, Demand No. 30-naah - Disaster Management chungchang hi, hei hi a pawimawh khawpin ka hria a. India ram pumpui pawhin an buaipui a ni a, chuvang chuan helampangah hian kan sorkar hi tunah phei chuan Public Awareness pawh a nasa viau in ka hria a, sum leh pai kan pek dan chungchangahte pawh hian. Tin, a department lam pawhin Disaster Management Authority te pawh hi chak zawk-a an din a, an kalpui hi a tha in ka hria a, chu chu ka'n sawilang leh zawk ang a, detail in ka sawi hman lova.

Tichuan, Transport chungchangah hian Driving License pek chungchang hi a pawimawh khawpin ka hria a. Pu Deputy Speaker, Driving School te pawh hi sorkarin nikum budget session-ah khan kan Minister zahawmtak khan din mai tur angin a sawi a ni. Amaherawhchu, wawiinni thlengin a takna, ka hriatloh vangnge, ka la hmu lova. Chuvang chuan hengte pawh hi hemi Driving License pekchhuah chungchangah hian a pawimawh khawpin ka hria a. Police lamte nena tangkawpin, state thenkhatahte phei chuan SP te thuneihnah te Driving License pek chhuah-ah an hlan zawkin ka hria a. Hetiangah hian thil an hriat tur leh thiamtur, thiam mang lova Driving License pek vak ang chite hi a awm tam a vangin accident-te pawh hi kan tawh tam phah ni te pawhin ka hria a. Helaiiah hian sorkar fimkhur deuh hlek zawka a kal hi ka duh a, chu chu ka'n sawilang duh a.

Tin, Civil Sub-Division hi hmun hrang hrangah din thar a ni a. A biktakin heng Civil Sub-Division ah hian Residential Certificate tihte, Tribal Certificate pekchhuah chungchangahte hian harsatna kan la tawka a ni. A biktakin Ngopa Civil Sub-Division a kan SDO in heng Tribal Certificate te leh Residential Certificate te a pek chhuah theih loh avangin Certificate pakhat la turin Champhai-ah kal a ngai a, a senso a sangin hun a heh bawka si. Chuvangin, 1<sup>st</sup> Class Magistrate power pek-ah hengte hi an tih theih niin ka hria a, mipui harsatna nasa takin a chhawk zangkhai ang tih ka ring. Hei hi a department changtu pawhin min lo enzui sakin min lo tihfel sak se, tih hi ka sawitel duh bawka a ni. Pu Deputy Speaker, ka lawm e.

**PU LALCHHANDAMA RALTE :** Pu Deputy Speaker, ka lawm e. A hmasa a ka'n sawiduh chu kan demand a luh hma in, kan budget ah hian nimin lam khan thil thleng engemaw Vana Pa Hall kawtahte awmin, nizanah News-ahte kan lo hmu a. Kan unaute Pu Deputy Speaker, i veilam a thute khan an hotuten a helaia an thusawi kha an office lama awm te nen an lo inhre pawh lo em ni chu aw, ka ti a. An Group Leader berin "kan budget a tha thawkhat" a tih laiin nimin lamah khan tute emaw chuan chhe lailet der, ti a tunlaia kangmei lakah fimkhurna hapta kan hman laiin, kang hluah hluah mai a mipui ti phawklek thei tur khawpa khatianga an han ti thei te, he kan budget mipui hnen thleng phak tur hlir mai kan theh mek laia a nilo lama mi hruaikawi an han tum kha a lungchhiatthlak ka ti a, helaia thu, an aiawh te hian, he budget a thatzia hi a hranpa a training an pek leh te pawh hi a tul mai awm nang e, tih ka rilru-ah a lang hmasa ani.

Pu Deputy Speaker, ka sawi hmasak duh chu, demand no.31-na leh 32-na, Agriculture leh Horticulture lamah hian han luh hmasak ka duh a. Kei hi Tlungvel bial, Mizorama kut hnathawktute an taimakna ber, an kuthnathawh pawh zoram mipuiin kan chhawr, Mizoram khawpui leh Aizawl leh a chhehvel te pawh chawmtu ber bial atanga lo kal ka ni a. Helai demand hi tawite han luhchilh ka duh a, anni Agriculture leh Horticulture kaltlang hian Mizoram mipui kuthnathawktute mamawh tur chi hrang hrang, thlai chi tha te, a enkawl na tur atana thil pawimawh te, rah a chhuahna tur a tana thil tha tamtak an pek bakah market oriented mipuite zirtirna an pek chhohte hi lawmawm ka ti a. Tin, kut hnathawktute tharchhuah dah khawlna tur cold-storage nasa taka an han siam te hi ropui ka ti a, hei hi uar zual zel se tih hi ka duhdan a ni a.

A biktakin ka bialchhung thilah han sawikai duh ka neih chu, Thingsulthliah ah khian Horticulture sub-circle kan nei a, khi khi zawhna ah pawh khan ka zawt tel a, keini bial hi kuthnathawh taima kan ni a, Horticulture sub-circle kan nei hi min upgrade sak a, sub-division puitling ah tal emaw min dahsak theih ka beisei laiin ruahmanna a awm chiah lo, tiin chhanna ka dawng a. Hei hi khawngaihtakin a changtu Minister te leh kan Official te pawhin min lo enchian sak se kan duh chu, khi bial khi a biktakin kut hnathawh lamah zoram darthlang, mipuite kaihruaitu an nih avangin duhsak a, anmahni enkawltu tur office pawh hnaivai kan bun a tulin ka hria a. Tin, Chalfilh panga khaw hrang hrang awmte, Khawruhlian, Hrunnnghak, Khanpui leh Lailak te hianin tun tuma kan sorkarin Mautam tam lo awm tur avanga eizawwna ngialnghet zawk leh sazu in a eichhiat loh tur ching tura kan tih ah, Aieng ching tur chhungkaw tamtak in report kan nei a. Amaherawhchu, a chi te duh anga khamkhawp kan hmuh mai loh avangin khilaia kan Village Council te kalkhawm in Aieng chiah ching lovin Sawhthing hi keini area bawr

hi chuanin ching mai ila a tha ang e, tiin khawtlang aiawh kalkhawm ten an sawi khawm a. Chu chu kan sorkar hian Minister ngei pawh hian nakinah a remchang thei anih chuan min chhan theih chuanin mipuite, kuthnathawk a eizawng tuten Aieng aiah Sawhthing chin duh a, anmahni duhthlanna a an rawn thlan hi, a chi hi kan pek ve leh mai hi a tha zawk lo maw. Aieng chi duh khawp kan hmulo bawk a, tiin helaiah hian ka'n sawi duh a.

Tin, sawi zawr zawr a ngaih deuh avangin Demand No. 4-na Law and Judicial-ah khan han sawi duh ka neih chu, kum kalta-ah khanin Law & Judicial-ah department ten Mizo Customary Law an compile a, an han publish thei kha a ropui ka ti a. Hun kaltawh, hun reitak chunging Customary Law mumal kan neih theihna turin Committee Sorkar kaltawh khan a lo siam thin a. Amaherawhchu, kan Customary Law te compile hleihtheihloh a awm thin a kha a famkimin kan dukkhawp ang ni chiahlo mahselangin kan hnam kal zel tura tan a thiltha an siam a kha a ropui ka ti a. Tin, ruahmanna kal chhovah hianin Judiciary mipuite rorelna felfai a awm theihna turin, dan leh hrai kan zahzia entirna atan, Judiciary tihchangtlunna tur Court Building leh Judge Quarter tur sak tur ruahmanna tamtak a awm dawn chho niin a lang leh sak mek ani hi chakzawka kalpui a, tih puitlin ngei hi tulin ka hria a.

Tin, Demand No. 42-naah khan, Revenue lamah Transport department hi an sang sawt hle in a hriattheih a. Tunhma khan Transport department ka hriat ve danah khan eiraltu department, sorkar tan sum thuni nu ni a kan hriat thin department kha a kum telin revenue an earn chho ve ta char char mai. Tun dinhmunah pawh tukin zingah kan thian thenkhatten an sawi tawh ang khan, an Revenue Collection-ah an target February thla maiah nuai sawmhnih chuangin an lo khumin, March thla-ah pheih chuan nuai za in an pel duh awm mang e, tih hi in beisei anga an lo awm thei te hi a ropuiin ka hria a. Tin, chumi piah lamah chuan Rail ticket mipui ten awlsam zawka kan lak theihna turin Passenger Reservation System (PRS) Lungleiah tih puitlin tura hmalak chhoh awm hi Lunglei changlo District Capital dangah, Saiha lamah te, hmundang ah pawh, District tina alo puitlin theihna tura chak zawka hmalak hi a tulin ka hria a. Hei hi hnam tanah, ram tanah a tangkai turah ka ngai a.

Tin, chumi bakah chuanin thil pakhat han hriatchian duh ka neih chu Road Safety Week kan hmang thin a, chumi-ah chuanin kum kan hmanah pawh khan department ho atanga kan zawh khan, nuai kua chuang hret Road Safety Week ah an hmang a, Road Safety Week kan hman a piangin lirthei han khalh thin leh han kal kual thinte chuanin Road Safety Week pualin Car Flag te kan lei thin a, engengemaw. Road Safety Week hi sum hetiang zata tam senna nilovah,

sum lakluh zawkna atana hman theih dan a awm em aw, tiin thahnem ngaih thu-ah ka sawi tel duh a. Road Safety Week kan hman hi mipuite ham thatna tur zelin zirtirna kan neih rualin revenue kan earn theihna tur atanah hei pawh hi a la tangkai thei em, tiin ka'n sawi duh bawka.

Tin, kan Transport Department Building, tuna kan luahlai mek hi sak that tumna awmin a hriat a, a him tawhlo ni a hriat a ni a. Tuna a lan danah chuan building lianpui, thapui ni a lang hi engtik hun a sak nge, engtia upa nge ni tawh, tih te kha hriat a tha in ka hria a. Hetiang ang building lian, manto si, a sak hunlai khan quality control a nilo nge vawiinniah thiat mai tur ang a ruahmanna lo awmte, kan thiat thei rau rau anih chuan kan hotute hian ngaihtuahna hmang ta se, Transport Department kher hi chu khawpui laili, helaiah tak nilo hian hmundang deuh, tlema fianrial deuhah hian bun theih nise, ka ti a. A chhan chu lirthei nei zawng zawngin kan pan khawm a ni a, tax tamtak kan pek a ngai a, chutah chuan trafic jam na leh thil engkim tamtak awmna anih avangin hei aia fianrial zawk leh felfai zawkah mipuite tana dawr nuam zawk tur si-ah awm theih dan a awm ang em aw, mipui lirthei nei ten kan pankhawm theih tur si ah hian, tiin ngaihtuahna ka nei tel a.

Demand No. 34-na - AH & Vety ah khan luh ka duh a, an department hian mipuite, kuthnathawktu leh ran vulhtute tan nikum chhung ringawtah pawh ran chaw quintal 15835 zet mai mantlawm zawka an pe thei te kha a ropui hle in ka hria a. Tin, chumi piah lamah chuan, ran thianghlim kan neih theihna turin Disease Diagnostic Laboratory te, District tinah an lo bunfel thei-te kha a ropui ka ti a. Tin, mipuiten kan ransa eite a thianghlim theihna turin foreign atanga ran lokal te, state dang atanga ran lolut te, enfel a, a hrisel leh hrisel loh enfel na nasa taka an kalpui hi tun ai hian uar lehzual sela. Tin, ran kan talh kan ei khawlai dunga an talh mai maite pawh hi engemaw chenah anni hian an tihtur anih leh nihloh ka Chiang lo nachungin, control zawk leh thianghlim zawka a awm zel theihna turin enzui theih atan a tha hle in ka hria a.

Tin, Demand No. 17 - na - Food, Civil Supplies & Consumer Affairs-ah khanin, nikum chhungin Godown matric tonne 300 awm theihna 10 chuang an sa tẽ, matric tonne 200 awmthei tur 14 an sakte leh Godown panna tur kawngpui tha 17 an han siamte, a ropuiin ka hria a. Hemi ka tarlan kher duhna chhan chu, kan hmabakah hian Mautam tam kan hmachhawn dawn a, chumi atana kan eibel tur kan stock-na tur ber Godown heti zata an lo thuum puitling hi a ropui ka ti a. Tin, he sorkarin mipui hamthatna tur atan nikumah central sorkarin kan buhfai quota nasataka a tih tlakhniam avanga mipui kan buai lohna turin matric tonne 300 zet man man zawka mipuiten kan lei theihna turin a lei



a, to takin a lei a, quintal khat Rs. 950/- a a lei, mipui hnenah quintal-ah Rs. 930/- a a pe thei hi Pu Deputy Speaker, i veilam amite pawh tlem i pekbelh thei bawka, ka dil duh bawka, chutianga he sorkarin mipui hamthatna atana a tih a, budget a la dah zel te hi mipuite tan budget anihzia a tarlang chiangin ka hria, chu chu ka sawitel duh bawka a ni.

Tin, Demand No. 37-na Co-operation pawh hei Society 1400 vel kan nei a, district-ah Co-operation in district 6 ah hmun an khuar tawh a. District 2 la awmlo pawh hi hmabakah kan nei chho turah ngai ila. Co-operation Movement tha zawka kan nei thei hi kan ram dinchhuahna atan a pawimawh hle in ka hria a.

Pu Deputy Speaker, Demand 17- naah khan ka lut leh duh bawka a. Nikum chung khan quality control na ahte nasataka department in hma a laknaah khan Minister ngeiin hma hruaia a thil tihte kan member thenkhatte khan holam an tiin an sawiin ka hria a. Minister, ram hruaitu hna thawhkawr ha a an mi leh sate a khaihhruaite hma hruaipui ngat ngat ngam Minister kan neite, khatiang ang kha fak phu anih laia chutiang nilova hahdama order pe tur ringawta kan ngaite kha a fel lovin ka hria a. Engkim mipuite tana him zawka a nih theihna turin quality tha zawka kan neih theihna turin Legal Metrology ten mipuite tan buk tling tha zawka a awm theihna tur atana hma an lakna te, chak zawka an tih theihna turin thumthat a, staff an indaih lohna turte pawh pek belh deuh deuh leh priority kan pek hi a tha hle in ka hria. Ka lawm e.

**PU LALRINLIANA SAILO** : Pu Deputy Speaker, ka lawm e. A chunglam atang hian sawi thla mai ila a tha awm e. Vawiin kan demand sawi hi, Demand No. 30-na, Disaster Management & Rehabilitation chungchang hi - Hei tunlai hian khua a lo thal a, in kang te a awm zauh zauh mai a, tin. kanghlum te an awm bawka a, tah hianin, central guideline angte leh central in norms a siamah hianin compensate hi a tlem lutuk a. Hei a hmingin consultative ah te kan awm a, a tuar tak tak tute hmuh chuanin a hrehawm hle a ni. Chuvangin, hei hi tihdan a awm ang em? Modified emaw tihdanglam a tihtam dan a awm ang em, ka ti a ni. Nimin lawk chawlhni pawh khan Khawhai-ah inkhawm hlanin In a kang a, dan chhungah chuan a tanpuina/compensate kha a ho hle mai a, chu chu tihdan kan nei thei ang em? a state hian policy thar kan nei thei ang em? tih kha ka'n sawiduh a.

Tin, Transport ah Demand No.42-na - Hei Transport ah hian kan vannei hle mai a, MST accident rapthlak tak te kan tuar ta lova, Pathianin department pawh mal a sawm niin ka hria a, a enkawltu te an fel bawk a ni ang e, a lawmawm khawp mai. Tih theih ngei tur ka'n rawt teh ang; hei Taxi permit kan ti emaw, Maxi cab kan ti emaw heng ang hrang hrangah hian permit hi kan pe nasa lutuk a, a Operator te hian a hlawk tur ang pawhin an hlawk thei lova. an in dip ria zo a. Chuvang chuan keini politician zawkte hianin politics a hmanrua a hmang lova, a nihna ang taka hemi route ah hian ti zat hi tlan teh se a, ti hian an hlep thei ang a, an loan lakte pawh an rul thei ang, tia ngaihtuahna fim tak nei a, heta politics leh a chunglam atanga pressure awm lo se, chutiang chuan kal tha in ka hria a, ka'n sawi duh a.

Tin, Demand No. 31 leh 32 na, Agriculture leh Horticulture hi sawikawp ta ila, kan ngaihtla tawh thin a, kan C.M zahawmtak in "kum 3 chhungin kan intodelh ang", a ti a. "A va tha dawn em, kan C.M hi aw" ka ti a. Amaherawhchu, kum 3 hnu-a Minister incharge an inthlak khan hei tuna kan R.D Minister zahawmtak hian ka hriat sualloh chuan Agriculture Conference Hall-ah khan "kum 3 kal ta kha a uihawm liam hle a ni", a ti e, an ti a ni. Tiang ang chuanin hei, ka chhut a, ka zawhna ngeiah pawh hian tunah hian hei, kum 2002-2007 thlenga Central atanga pawisa lo lut pawisa keimahni plan nilo atanga lo lutah hian a tam hle mai a. Tahchuan, Minor Irrigation tih te, Agriculture tih hmasawnnan central scheme zawk kha, chutah ringawt chuan a tam hle mai a, kan Plan Scheme nena belhkhawm hian hemi kum 4/5 chhung hian nuai hlira chheh nuai 16,560/- chuang a lo ni ta a, BAFFACOS tel lovin, chumi anih chuanin kan plan hi tha engang mahse a hmanna a dikloh chuan awmzia a neilo reng reng in ka hria a ni. Kan in enlet hi a ngai ngawt in ka hria. A politician ang pawhin, a department ang pawh hian kan in enlet hi a tul tak meuhin ka hria a, nuai hlir a chheh a, nuai 16560 chuang han hman tawh a, hetia input leh output han chawhrual a, return leh awm manglo tlat mai a kan ram pawisa a lo luang ral lutuk a hi kan in enchian tlan angai hle in ka hria.

Tin, chutiang in, hei tunah pawh hianin Horticulture-ah Technology Mission te alo awm a, a tha hle a, tunah pawh hian crore 12 chu central atangin an rawn approved leh tawh niin ka hria a, chungah chuan Horticulture-ah pawh kan en a, pawisa hi atam hle a ni. Kum 4/5 chhung hianin kan luhchilh nalai kha a dik em? Tah chuan, eng hi nge mipui tan, kuthnathawktu leh ram tan a tangkai kan siam tih hi a pawisa lut leh a thawhchhuah hi a inmil em, tih en that ngawt hi a tha in ka hria a. Hei Rural Development nen an la ta a, IWDP pawh hi 52 ah an siam tawh a ni, hmun 52 ah Pu Deputy Speaker. Hmun 52 ah chuan Agriculture ina an lak lai khan DAO ten an ti thin a,

engzat chiah nge khami-ah khan ka hre lova, kan sawi tumtak chu Agriculture pawn la se, Horticulture pawn la se, entirnan-ah R.D pawn la se, IWDP hi hmun 52 a awm chu a tlem ber pawh nuai 400 chuang a lo ni a, nuai 400 chuang. A then chu zaruk te, za sarih te a ni a, chumi belhkhawm a chu a tam leh hle a ni, IWDP-ah hian. A pawisa a tam si a, hmanna mipui hnenah a lut tha leh silo leh tharchhuah tlem leh si lai a hi a buaithlak lai tak mai a ni a. Tin, nichinah kan ngaithla tawh a, hei budget-ah kan en a, Economic Survey ah hianin kumina kan han budget-ah hian Agriculture-ah kan sawi tawh a, nikum kumleh ah 10.27 a ni a, nikumah 10.01 a ni a, tunah hian 8.97 a ni. A hniam ta daih mai a, chuang chuan budget tha ani, han tih a, han sawinawn leh chi-ah chuan nimin lamah kan sawi zo tawh a, ka ngai lova. Agriculture-a a percentage kumtin in a hniam telh telh a ni. Chuvang chuan, kan sorkar hian Agriculture hi rilru tak takin a ngaihtuah em? Kut hnathawktu hi a ngaihtuah phak tak tak em, tih hi hemi atang ringawt hian a chiang em em in ka hria a ni.

Tichuan, Pu Deputy Speaker. ka duh chu hemi Central Sponsored Scheme atanga lokal zawng zawng, entirnan IWDP ani emaw, Technology Mission atanga lokal ani emaw, heng project awmna hi tam ang reng deuh siam ta ila, anmahni a thawktute hi an hah in leh thahnem an ngai pawh a niang, amaherawhchu, enpui an ngai in ka hria. Hetah a chunglam atanga a pawisa zu inchuh lai leh a thawktute inkarah te hian engemaw awm a awm em ni? Thlipui leh ruahpui indo laiah hianin helama awmte pawh hi min rawn telh ve ula, en ta ila, tichuan ram tan hian a that ngei ngei ka ring a ni. Chuvangin pawisa tam em em si, hetiang a hi.

Tin, ka'n sawi leh duh chu, Sapthei chungchangah, Aieng ang hian Sapthei rate hi awm sa in, tunah hi chuan, tun atang hian ngaihtuahna min siam zel se. Hei, kan pass pui mai ang, a pass lo zawngin thu ka sawi dawn lova, pass pui hi ka duh. Amaherawhchu, kuthnathawktute, Sapthei ah pawh nikumah Chawngtlai leh Tualte-ah te chuanin nuai 4 chuang kha thla 8 an bat sak a ni. Chutiang chuan, tunah pawh hian Aieng ang hian khing kan bial Khawhai bial-ahthe khi chuanin a tam em em mai a. An ching tam em em mai a. Chuvangin, a hralhna tura hi a bik taka ngaihtuah anihloh chuanin, kuthnathawktute kan ti dawng leh ngei ngei ang, tih kha ka rawn sawi leh duh a.

Tin, hei Irrigation, Minor Irrigation leh Agriculture te pawh hi rawn lut ve se ka'n duhna chu, khi Raifan ruamah khian an lut ve a, a lawmawm khawp mai. Amaherawhchu, a kuthnathawktute chil ti put tawk

lek a ni a. Tuibel kam kan tihte, Lungva kam kan tihte, Tualte lei kan tihte, Awnnu leh Phaisen, Tawitaw chhuahtiangah te khianin hma rawn la ve thei se chuan, bial chhunga engmah hmalak awm miahlo anga kha chu anih pawh a nilo reng rengin ka hria a. Kan Minister chak tak hi ka'n ngen duh bawk a ni.

Tin, Sialhawk-ah khianin mihring population tunah khian an tam em em a ni. Kuthnathawktute khian kumin chu khawnge kan phur deuh va, tan ka'n la teh ang ti ta se, buh tinkhat hmun bak khi an insem theilo reng reng. A chhungkaw lian pawh khian tin 2 hmun pawh an chang mang lovang. Chuti khawpa ram nei zim leh ram chhia a ni a, hei hi sorkarin a bika engemaw compact area ang deuh hlek a min puan sak a, special-a min tihsak hi kan ngai a ni. Chutilo chuan an tam reng kumkhua mai dawn a, Sialhawk khi a biktakin. Khi khi kan Minister zahawmtak khan min lo chhinchhiah sak se ka'n ti bawk a ni.

Tin, Co-operation ah - Petrol Pump khi Aizawl-ah a awm a, Aizawl khawlai tak maiah a awm a, ka sawi tawh a hmanni khanin. Hei City Beautification atan pawh a tulin ka hria a. A chhe hnik hnek lutuk a, khawpui timawi turin Co-operation changtu Minister zahawmtak hian mawi takin Vana Pa Hall bul ami khi siam teh se. Khawpui timawitu a ni bawk si a, a chhe hnik hnek em mai, a inhmev lovin ka hria. Ka lawm e.

**PU LIANSUAMA** : Pu Speaker, Demand No.4-na Law & Judicial ah hian point khat lek han sawi duh ka neih chu kum 1986-a MNF leh India sorkar te inremna-ah khan High Court hrang nei tura tih a ni tawh a. Kum 21 lai a kal hnu hian High Court a hranpa kan la nei theilo cheu hi tan lak ngaihna lai niin ka hria a. High Court hrang nei ve tawh ila, chumi zarah chuan kan mizo fel tak tak leh kan Judicial Service Officer kan neihte tan Employment bakah scope thui tak a hril dawn a, chubakah chuan, thubuai Guwahati a sawi tura kal fo te pawh hi a hun tawh lovin ka hria a. Heta tan hian kan Minister leh kan sorkar te hian tan an la mek na a, House-a han sawi chhuah a, tawiawm tha in ka hria a, tuna kan sum leh pai neih mek High Court atana kan hman thin bak hi sen belh pawh a ngai lova, chuvang chuan helai hi ngaihpawimawh atan a tha in ka hria a.

A dawt leh ah chuan - Marketing kan sawi uar hle a, a dik pawh a dik bawk a. Red Oil Palm chungchang ah chuan a hung nan dan Assembly-ah kan passed nghal a, a hralh leh zel na tur atan pawh ruahman fel sa a ni. Chutiang anih si chuan engatinge Sapthei leh thlaidang ah hian khatiing hawi zawnga hma kan lak mai loh. Red Oil Palm atana theih chuan Sapthei leh thlaidang ah hian a theih ngei dawn a ni dawn lawm ni? Chuti a nih loh vek pawhin - Entirnan, MIFCO chu Industry Department hnuaiah material chawmna tur chu Agriculture leh Horticulture Product a ni si a, chuti anih si chuan policy te pawh hi thlak angai deuh a ni dawn lawm ni? chutih rual chuan Vety te nen hian han sawi kawp ila - a hma a zawhna chhanna kan ngaihthlak ang khan Tanhril dai ah khuan Vety in Feed Plant tha em em nitin quintal za tam tak thawkchhuak thei an nei a. Chu chuan raw material a mamawh ber chu Vaimim leh Bekang te a ni a. Chuti a nih si chuan. Contract Farming fel taka siamin a hralhna tur Tanhril dai a awm nghal mai, (Lunglei ah pawh Feed Plant bun tawh ani awm e) chuti anih si chuan Inter- Department Co-operation hi tun aia tha zawka a kal chuan kut hnathawktute tana tangkai zawk si, tualchhung thlaiharte hralhna ni nghal si, awlsam te in a awm a, hemi chungchang-ah hian Assembly Committee in kan Minister pawh kan len chilh tawh a, speech-ah khan Governor leh Chief Minister Speech ah khan a rawn lang a, kumtharah hian Vaimim chin hi uar ila, Mautam vanga Sazu tam hian tuna Vaimim kan chin hian Sazu puan hma in a thar hman dawn nghe nghe a, a va han tha dawn em! Tunkum anih pawhin, kum kal zel atan hei hi chu a tha hrim hrim a, department hrang hrangte tun hnuah chuan tun aiin Co-operation tha zawkin kal se, department achievement pawh a tha ang a, kut hnathawktute hmakhua pawh tunai hian nasatakin a phuhruk ang tih a rinawm a ni.

Food & Civil Supply-ah hian tawite kan Minister in min lo chhinchhiahsak sela, khawthlang lamah buhfai kan kham lo em em a. Tlemlai deuh kha chuan kan Minister leh Officer te hnenah pawh kan thlen a. Thal hun tha hi a rei tawhloh avangin buhfai min chhek tam sak kan duh a, kan awmna a daifem si a, chu chu ka ngen duh a. Tin, chutih rual chuan Godown enkawltu sorkar hnathawk ten retailer kaltlang lova buhfai retailer rate a an hralhchhuak nasa lutuk hi, bial dang in ni ve em, ka hre lova, a ngaih mawh awm hle a. Zoram upa pawl ten chanchinbu-ah te an chhuah tawh thin a, a sawt hleithei lo khawp mai a. Chuvangin Pu Speaker, buhfai godown a thawktute'n, retailer rate-a a quintal-a an hralh thin hi a ngaihpawimawh awmin ka hria a, kan Minister ka ngen pah a ni.

Tin, Transport hi Enforcement enkawltu an ni a, a pumpui chuan an mawhphurh a ni lova, Aizawl khawpui tawt lutuk hi kan zavai tan hian a ngaih mawh awm a, a tihdan tak a awm si lova, mahse engemaw ti kawng zawnga kan ziaawm theih dan tur awm in a lang a. Kan kawng humhalhna

dante pawh hi Transport lamin nge rawn siam ang, tunah hianin department enkawltu Traffic Management hotute an nih avangin sawilang ta tho ila, kan khawpui kalna kawng hi Shimia khawchhung kalkawng te, Gangtok kan kal chuan an kawng zau lutuk bik lohzia kan hmu vek a, amaherawhchu, a management chungchangah kan tluk lo hret a, insakna bungrua kawng sirah kan chhek a, kawnglai ti hnawktu pawh a ni. Tichuan Mau leh Thingzai zawrh nan kan hmang bawk a, Balu leh Brick zawrh nan kan hmang bawk a.

Tin, Workshop kawthler tinah a awm bawk a, chumi pan tute chu Two-Wheeler a ni emaw, Motor te deuh a ni emaw, lian deuh a ni emaw, a ding khawra lo thei lova. Tin, thingzai khawl leh khawl chi hrang hrang kang dungah a awm teuh a, chuvang chuan kan kawng hi a tet lam aimahin kan hman dan hi kan hmang chichawm lutuk hi control kan ngai ta a ni. Chumi rual chuanin Motor parking na tur atana sorkarin a ruahman ni lovah hian chhun zan zawmin kan dah a, a man an chawi thei a nih pawhin mi thenkhatin, mipui leh traffic flaw a dal tlat mai a, hei hi enthat ni se chuan kan khawpui kawng lei hi kawngah chauh hmang ila chuan heti lutuk hi chuan kan harsa hauh lo ang. Millenium Centre bul thuneituten traffic flaw a thatna tur atan parking an han phal lo a, Civil Hospital pan chhoh dawn Bazar Bungkawn dropping zone atan chauh an han hmang a, sawngte sawn kawng ro a su nasa em em a ni. Chuvang chuan, kan kawng zawng zawng, a bikin Aizawl khawpui chhung ami hi tun ai hianin tan han la nasa deuh hlek ilangin, zauh belh lo mah ilangin, a chhunga chengte tan hianin a nuam sa ang a, min rawn tlawhtute tan pawh a nuam zawk dawn a ni. Chuvang chuan, a khaw pumpuiah hian kan kawng enkawl dan hi tun aia khauh zawk leh uluk zawka tan lak a tha lawm ni. Tunhma khan Officer pakhat Town Administrator a awm thin a, Office-ah hian thuneihna sang tak neiin, tunah hi chuan PWD in kawng an han siam tha a, Telephone leh PHE in an laichhia a, tichuan thil zawrh nan kan hmang bawk a.

Hei, a demand angin a lo lang chiah lo nang a, hetilai thlanga sa an han zuar te, Assembly House la ni tura sa an han sat rup rup maite hi chu a tih pawh a tih chi lova, chuvang chuan kan kawng neih hi State Bank hlui leh Treasury inkar kan kal pawhna thinte hi tunah chuan kan Session Hall hnung mai te hi tunah chuan a kal hleihtheih loh a ni a, Pu Speaker, hengte pawh hi huaisen deuh hlek a tan han lak nise chuan kan khawpui hi a mawi sawt ang.

Silpoulin chungchang hi Pu Speaker, tawite rawtna ka nei duh a. Kan hmang tangkai khawp a, YMA leh DC te bak, chhiat tawh chungchang thu-ah sorkar pawh hian kutke kan la nei tak tak lova, kan YMA te leh kan VC te leh NGO kutah hian hlawm tam deuh in pe ta ila, fur laia inhmun lo min palh emaw chung thu-ah an ni hi tuam hlawm ve tu an ni tho tho si a, tute emaw dil a

vak vak lo hian, an kutah hian tam tham deuh dah ta ila, sorkar hotu tena a tul an tih a an pek tur hi bo chuang lo sela, han insem sem dam ta ila, a va han tihzia dawn em! Keini bial lam tan kan han sawi ve thin a, in quota chu Mamit ah a awm a lawm, tih hi chhanna kan hmuh a ni. Mamit pan leh zel kha harsa tak a ni. Chuvangin, hemi chungchang hi kan Minister hian YMA te kutah 40/50 hian branch tinah dah se chuan ani pawh hian a zangkhai phah ngei ngei ang a. Chhim lamah, khawchhak ah, Hmar-ah, VC leh YMA ah, MLA te kutah pawh hian min pe zauh zauh nang a, hei ai hian han thil phal deuh sela, zu bilhna atan leh thildang ah hian kan hman loh phah zawk ang a, tih pawh ka'n sawi duh a ni.

Pu Speaker, tawite in Sericulture hi point khat chauh- kan ram hian economics a thla kan zar tak tak na tur atan general discussion ah pawh khan ka sawi duh a. Tlang ram a vawt deuh mil tawk bawk a awm a, a phai mil tawk Mutih a awm a. A zo pual lawi leh a phai deuh pawh pawisa lo thingtheihmu a awm bawk a. Kan thar chhuah hralhna tur engtik hunah mah kan chawai ngai dawn si lova, vawinah a hralhna kan la hre lo, zawn mek a ni, tia buai buai ai chuan Sericulture-ah hian he kumtharah hian hmathar han la ila chun sorkar tan pawh thang thatna Mautam do tur pawh hian hei lo liam mawle. Chuvangin, Sericulture hi a department ti lian ila, pawisa pek belh ila, kan House Leader in min ngaithiam sela, Mau tuipei zat ve hian tuipei ilang chuan nasatakin kan thang in ka ring tlat. Hei hi a ti el zawngin ka sawi hau lova, kan hmuh hmaih deuh tlat in ka hria a, hei hi uar deuh takin ka sawi a ni. Ka lawm e.

**PU H. LIANSILOVA**

: Pu Speaker, ka lawm e. Ka ngaih mawh deuh leh pawimawh ka tih thenkhat chu ka hma-ah khan an sawi tawh a, sawi nawn kher loh tha in ka hria a, kan hotuten chhinchhiah chiang viauin ka hria a.

Ka'n sawi hmasak ber duh chu Demand No. 34-na Animal Husbandry ah hian - hei Primary Sector ani a. tin kan plan-ah Priority kan pekna pawh niin ka hria a, han en hian Animal Husbandry ah hian nikum lam ai khan plan-ah hian pawisa kan dah tlem zawk tlat in a lang a. Han chhut chuan ka chhut dik em tih ka hre lova, 14% a hniam in Animal Husbandry-ah hian plan fund hi kan pe a, central sponsored scheme lam atangin la hnawhkhah lehna tur rilru avanga heng hi dah hniam a ni nge ka hre lova. Animal Husbandry ran vulh hi mizo hian kan pi pu atanga kan tih than pangngai a ni a. Kan ran vulhte a chi tha

...387/-

zawka a thlak hi department hian hmalak nan a hmang ngar ngar a, kum engemaw ti atang kha chuan thingilang kilkhawr ah pawh ran chi tha a inthlahpawh a, a tha kan nei tawh vekin ka hria a. Ar vulhna pawh hma kan sawn viauin a lang a, kan Economic Survey Report en pawh khan hmasawn lamin kan kalin ka hria a. Mahse, Sial-ahte, Rabbit-ahte kan thang lova, than lohna awm pawh a ni a. Sial hi chu mipui lam pawh hian NLUP atanga an han tih thar leh tih loh chu kan kalsan lam deuh niin ka hria a. Tahchuan, ka'n sawilan duh chu, kan Governor Speech ah pawh khan livestock leh fodder development ah hian hma chaktaka lak kan tum a ni, tia rawn phochhuah a ni a. Mahse, kan sum dah dan nena en hi chuan a thu kha kan sawi mai a ni ang tih ka hlau deuh va.

Pahnihna-ah chuan Department in farm te a nei thluah a, engemaw lai phei kha chuan Aizawl a kan hotu liante tan chuan heng atang hian Artuite, Bawnghnute te, an dawng thin a. Market a awm lova, harsat laiin, tunah hian heng hi experiment atanah demonstration anga kalpui anih pawhin engemaw chin hi chu thlir that a, resource revenue earn a siam theih anih loh pawhin hmasawn lam zawnga amah intodelh thei zawnga ngaihtuahna kan hman tawh a hun lawm ni? chawhma lama an han sawi atang khan khalai velah khanin an rilru an dah lian anih ka ring a. Chuvangin, department ina farm kan enkawl mekah hian sum leh pai khawhralna lian lutuk leh mipui lam zirtirna atana tangkai zuia kan ngaih loh ang chite hi chu kalsan dan emaw, tuna a awmdan phung emaw hi chu enthat a tulin ka hria. Bawng vulh a eizawna hi, khawpuih hian khawpui daifem a awm tan hian kan inngahna pawimawh tak a ni a. Hei hi unemployment solve na atanah pawh kawng tha tak niin ka hria. Hei hi sorkar hian tunai hian ngaihtuah leh zual ta se, khawilai hmunah emaw, Cluster Approach a bawng vulhna hmunte pawh ruahmanna siam in, a hnute te pawh MULCO te nena in tie-up in, tuktina veng dang dang a zuartura kawhchhuah ngai lova tih theih dan awmin ka ring a. Chu chu kan hotuten a an lo en theih dan awmin ka ring a.

Tin, ran chaw thu-ah hian, a vulhtute reng reng hian kan harsatna leh min ti hlawk lotu chu bazar-a to tak taka ran chaw kan lei thin hi a ni a. Kan Feed Mill khu tha zawka enkawl theih leh sorkar-ah tlem sen belh engemaw hloh (loss) hial pawh a ngai anih deuh pawh a tha zawka mipuiin an chhawr tangkai tham a, tha zawka tih theih dan ngaihtuahna hman a hun ta in a lang a. Sorkar-ah High Level Co-ordination Committee thatak nei a, Agriculture te, Horticulture te nen, he Feed Mill chawm thei ngei tura kan inbuatsaih a, kan ngaihtuah hi a pawimawh in ka hria a. Chuvangin High Level Committee leh a enzuina hi din thuai tul hle in ka hria a ni.



Pahnihna-ah chuan Pu Sangthuama Demand ah, Agriculture hi kan ramah a prospect a tha a ni tih hi session apiangah kan sawiin ka hria. Mahse sorkar lama attention an pek dan erawh hi chu a tlem lam anih loh pawhin a pangngai deuh ringin a awm a, hmasawanna a awm lo hle. Kan Governor Speech-ah khanin chhungkaw 5000 in eizawnnan an hmang a, tuna hmalakna turah hian hectar singkhat vel hmalak nan 2007-2008 ah hian hman kan tum tih a rawn tar chhuak a. Tunthlenga Sericulture-ah sorkarin attention alo pek dan hi duhtawk awm lo in ka hria. Sericulture products te hi a market leh scheme that thu te sawi nawn pawh angai lo, kan hre chiang tlang vek a ni. Amaherawhchu, engatinge kan than theih loh tih lai erawh hi chu sorkarin mawh a phur in ka hria. Department ah pawh waviin ni thleng hian Directorate fullfledge leh regular director nei kan la dah lo in ka hria. An than zel na tur atan pawh duhsakna kan lantir lovin ka hria a, hei kan sorkarin alo enzui theih chuan a lawmawm hle ang.

Tin, Agriculture leh Horticulture-ah khan heng hi mipui tam zawkin Primary Sector mipui za a sawmruk chuangin kut an thlakna leh eizawna a ni. Kan budget hi a lian hle na a, kan mipuite hnen a thleng lo kan tih pawh hi, a diktak chuan kan mipuite za a sawmruk aia tam mah an chetna hmunah hian kan sorkar atanga sum lut leh kan deh chhuah danglam hi chu za a sawmhnih lek a ni a. Amaherawhchu, service sector leh hotu te contractor ho ah hi chuan za a sawmruk lai kha a ni si a. Chulai kan en chuan helaia tang mai pawh hian kan budget leh department a sum kan dah hian mipui a thleng lo tih hi kan au aw mai a ni lo. Survey Report atanga kan hotute au chhuak a ni. Tichuan hei market thu-ah Sawhthing te pawh tunah hian a chingtu chhungkaw sang tamtak kan awm a, hralh mai theih tur an nei teuh a ni. Sorkar hian kha lamah khan beng a chhi ta hauh lova, amaherawhchu, rate a that lai erawh kha chuan kan sorkar hian theihtawp chhuahin a buaipui lawi si a. Heng avang hian kan miretheite kan budget a tanga kan sawi hian a thleng phak zo lova, an beisei ang hi helaia kan sawiho na leh sorkar programme an ruahmanna-ah hian an hmu thin lo hi a uiawm tiin kan hotute hian an uiputhiam in ka hria a. Hei hi chu thil dik, keini ina kan awih lo anih pawhin, mipui, he dinhmuna dingte chhan turah ngai ila, a tha awm e, ka lawm e.

**PU H. VANLALTHALIANA** : Pu Speaker, ka lawm e. Hei vawiinniah kan Minister zahawm tak tak te pathum demand kan sawiho a ni a. A hmasa bera ka han sawi duh a chu Demand No. 42-na Transport Department chungchang hi a ni a. Keini thingtlanga awm te tan chuan Transport Department hi a pawimawh hlein ka hria a. Aizawl atang chuan lirthei tam tak duh duh lama kal theihna a awm emaw tih thei anih laiin thingtlang bialtu tan chuan kan bial mipui veivahna tur te leh kan mipui zin miten harsatna kan tawh dan te ngaihtuahin Transport Department hi a pawimawh hlein ka hria a. Lehlamah chuan kan thiante pawn an sawi a. Revenue an target pha thei thuaka awm lawmpuina te Minister enkawl thatna avang tein Department hotute thahnem ngaihna avang te pawhin ka ring a. Chutih lai chuan hlawk lo deuh pawhin lo kal ta pawh nisela, public interest dik tak a ni a, ka hriat avangin he Department hi thuam chak deuh leh tihthat deuh dan pawh awm sela, tha hlein ka ring a.

Hei, ka bial lam atanga khawthlang lam Chakma District Council (CADC) Chhim lampang zawng zawng cover sawn road pakhat kan nei a. Transport kawng hi MST Service na hi Bus pakhat a Service a. khualzin englai pawhin mi 100 chuang an kal duh a, ticket chang lo leh thutna chang lo hliir kal thin niin ka hria a. Mipui te pawh phunnawina an ngah a. Bus tam zawk te pawh kal tura inawrna a tam em em thin a ni. Amaherawhchu, Department harsatna te kan hriatin mipuih nasa takin kan in hriahfiah a. Tunah hian Lawngtlai atanga Km. 130 hla Vaseikai ah BADP Fund atanga Booking Office tur Booking Office Cum-Quarter atan kan sak te a awm tawh a, hei hi mumal deuh a function theih dan te pawh kan Minister zahawm tak hian kawng min zawn sak ka duh hle mai a. Chu chu kan tarlang tel duh a.

Transport Department ah hian mipui mamawhna hi a sang tak zet a ni tih hi ka tarlang duh a ni. Kan han sawi tak ang khan keimahniah hian an Revenue target te pawh an tlak theih dawn niin ka hria a. Lehlamah chuan Private Bus te kan Service tir lo thei lova. Hetiang chunganga an target an thlen theih hi kan Department enkawl tute leh kan Minister he Department enkawl tu thatna leh thahnem ngaihna hi a ropui ka ti a. Chu chu ka tarlang tel duh a. Chutih rualin Mizoram khawpui zingah hian Lawngtlai hi lirthei punna ber anih ka ring a ni, Aizawl ti loah chuan.

2005 leh 2006 Budget Session kan neih khan kan Chief Minister zahawm tak khan D.T.O. dah tur ang khan a sawi a. Vawiinni thleng hian hmasawna thar kan hmu lo niin ka hria. Khami dinhmun pawh kan Minister zahawm takin min ensak se a tha hlein ka hria a, kan chah duh bawk a ni.

Lirthei Registration leh insurance chungchangah Saiha te, Lunglei te kan pan thin a, mahni District theuh tih tur a a thawktuten min lo hrilhlin kan hrilh a hai a, kan buai viau thin. Chuvang chuan Sorkar pawhin hma a la a, thui em ka hre lo chungin hei hi min hriatsak se ka duh hle a, ka ngen deuh a ni.

A dawl leh a kan sawi duha chu kumin hi mautam kum a lo ni a. Buhfai kan rilru ah a lang lian lo thei lova. Aizawl atang chuan Silchar a hla lova. Buhfai zuar mimal tam tak an awm thei a. Hetih lai hian Supply Department kan rilru in thingtlang bialtu te chuan a kawk lo thei lova, Hei March thla kan hmangral mai dawn a. Thingtlang Alkatra luan lohna motor kal vena siah Buhfai a la in chhekkhawm tha vak lovin ka hria a. Lawngtlai thlang lamah Godawn pali a awm a. N.Vanlaiphai bial ah Godown pathum, chutiang chuan thingtlang kilkhawr ah Godown tam tak, ruahsur a motor tlan ngam lohna khua tam tak a awm a ni. Aizawl khawthlang lamte pawh a nih ka ring. Chutiang dinhmunah chuan a hma lampanga buhfai chhekkhawm dan awm sela tih kan tarlang tel duh a. chutih lain mautam tam lo thleng tur atana Department in buatsaihna a tha em emin ka hria a. Nimin lama ka zawhna min chhanna ah khan Godown 188 Mizoramah neih a ni a. Mautam tam huna mipui mamawh chhekkhawm tur a Sorkar inbuatsaihna kha a fuhin ka hria a. Ka bial chungah Godown an sak te. tunhmaa a bang rangva ni mai, a chhuat thingphel ni mai thin kha cement te, Brick te. Scarting thlengte tih vek a ni a. Chutiang chuan Godown chhe lutuk kan nei miah lova, a lawmawm ka ti a. Mautam tam pawh lo thleng ta sela. Buhfai kan neih theih chuan a stock-na tur pawh kan nei tha a. Chutiang chuan Department enkawl tute leh a thawk tute pawh an in buatsaih thain ka hria a, lawmawm ka ti a. Amaherawhchu, fur a lo thlen hma a fur chhunga motor kal theih lohna ten buhfai an neih theihna tur a chhekkhawm erawh kha chu a rang lama tih nise a tha khawpin ka hria a. kan tarlang tel duh a ni.

Tin, Petrol chungchangah hma kan sawn hlein ka hria a. Amaherawhchu, kan biala MIZOFED in petrol an tihna Lawngtlai saw mak riau a ka hriat chu 2003 December thla MLA ka nih atanga vawiinni thlengin thlatin phai lama kan zin emaw, heta kan awm emaw anih loh chuan Lawngtlai hi ka tlawh thin a. Chutah chuan kan Driverten Aizawl atangin petrol i phur phei mai ang u tih min hrilh thin a ni. Nikum May thla atang khan ka chik deuhva. Lawngtlai petrol kan hman chuan a engine hi a ri ngei ngei kan lo hawn kawngah hian, petrol a thianghlim lo niin ka hria. Mi thenkhat, thiantha te min hrilhdan chuan Bawngkawn vel atangin khawnvartuite an pawlh tih te pawh ka dawng teuh mai a ni. Helai tak hi Aizawl khawpui chhunga thianghlim a petrol a lo that laia District Headquarter leh hmundang, khatieng vek kan nih loh avangin kan Minister zahawm tak hian min enzui sak se tih ka ngen duh ani. Aizawl chauha a that a, hmundang a a that siloh khan kan tuar tho mai a, motor in a tuar tho mai a, a enkawl thei lo leh a harsa zawk hlei hlei kha kan ni zawk a ni. Chutihlai chuan

Department in hma an lakna hi pui tak tak a tam hle mai a. Godown ah hmasawna thui tak kan hmu a. Chu bakah Gas ah kan hnianghnar zawk hle mai a. Nikum chhung khan October thla vel a ni mai thei. Mualkhang ah Gos bottling Plant te pawh hawn a lo ni ta a. Hei hian kan Minister zahawm tak leh he Department hotuten a Mizorama essential Commodities a tan an lakzia a tarlang in ka hria a. Gas te pawh a changa phailam atanga lo kal khaih lak deuh a awm a nih loh chuan harsatna kan tawk khat ta hle a ni. Sorkar inbuatsaihna a tha viau niin ka hria a, an chungah pawh lawmthu ka sawi duh a ni.

Tin, a dawt leh a ka sawi duh chu A.H.Vety Deptt. hi a ni a. Kum eng emaw zat chhung Vety Deptt. hi a dinhmun ngaiyah a ding emaw tih tur niin ka hria a. Amaherawhchu, nikum lam atang khan hmasawna thui tak district hrang hrang ah kan hmu in ka hria a. Mahni bial mit a kan hmuh phak atang hian sawi ila a tha in ka hria a. Lawngtlai bial chhunga Mampui vety Farm te pawh a ngai renga kal kha quarter tam tak, nikum chhung khan 7 sak a ni a. Tin, Dist. AH & Vety Office kan neih miah loh kha nikumah kan Minister zahawm takin min hawn sak baw a. Chutiang chuan Department in tan lain hmasawna kan hmu a, Mizo ten a ei kan zawn thiam ve na ranvulh kan ram hnathawh pah. lo neih pah, huan neih pah pawh a kan thawh theih remchang tak mai kan tih theihna tur atana Department hmalakna hi tha in ka hria a. Kan member zahawm tak tak ten an sawi tawh a, ran chu tha tam tak kan hmu a ni. Aizawl khawpui chhungah chuan kan bial mite, kan thawhpui kan thiante an lo kalin chaw ei kan sawm dawn a, sa emaw lei tur ah harsatna a awm lo. Lawngtlai lamah te leh hmundang thingtlang kilkhawr ah chuan a har em em a ni. Chutiang anih lai chuan tun kum 2.3 lam te khan sa chungchangah pawh hian District Headquarter hrang hrang pawhin hma kan sawn a. Sa lei mai tur hi kan nei ve vek tawh a. Hei hian Mizoram Sorkar leh Vety Department hotuten a an hmalakna ah tan an lakzia leh mipui mamawh an puhruk zia kha a langin ka hria a. Kei sa lei tura min tirh hian sa lei lova ka hawn hi a tam em em a ni. Tunah hi chuan salei tura va kalin lo lei rawh tia min pawt tu te hi an zahawm zawkin ka hre tawh, chutiang chuan Department hmasawna a niin ka hria a, a lawmawm ka ti a, ka sawi tak ang khan Ransa mai ni lovin Office lampangah pawh hmasawna thui tak kan hmu a, a lawmawm em em a ni. Horticulture ah hian tlem han sawi ka duh chu hei Bahla te kan thar tha viau a, a chi tha chi hrang hrang te an han tichhuak a, chubakah grape te kan ching a, Grape hi chinve ka duh avangin Hnahlan hi kan han kal tawh a, tui tui pawh ka tui, enkawl ve pawh ka chak em em a ni. Chutihlai chuan. Sorkar in a engemaw MLTP Act avanga harsatna kan neih te thlengin tih danglam tura sorkarin hma an la hian farmers te leh he thlai chungchanga zoram economic ti tha tura sorkar hmalakna kha tha in ka hria a. Mipui tana her rem tura MLTP Act tlem a tih danglama Grape tha taka kan ching thei tur hian Mizoram khawchhak boruak zangkhailo, Zo boruak tanah chuan malsawmna a tling dawnin ka hria a. He thlai hi thlai kumhlun leh thlai tha a hralhna harsa lo sawngbawl harsa baw silo ania.

Department hian tun aia uar leh zuala hmala chho thei tura inbuatasaihna hi hlawhtling chho se ka duh tak zet a kan tarlang tel duh bawk a.

Tin, Agriculture Department Demand No.31 na ah hian district Hqrs.tinah KVK hmun thlan tel a niin hmun tam taka sak tan a lo ni ta hi lawmawm ka tia, Aizawl veka thil kan ti hi chu a harsa em em mai a. A pawisa nei mah ila thingtlang mi tam tak chu an zinchhuah hrim hrim pawh kan hreh a ni. Chutiang dinhmun kan dinlai chuan Agriculture Department ah hian Loneitute training na tur KVK Dist. Headquarter tina a han dah hi a lawmawm ka ti a. Sorkar hmalakna a ropui tak zet in ka hria, hei hi Zoram mipui zawng zawng ten kuthnathawktu hniam ber pawh thleng phak Development an tih hi kan hriat thain ka hria a. An thiamna leh an training chhuaha an thiamna leh an remhriatna hian intodelhna kawngah thui takin awmzia a neih pawh ka ring a ni. Sawi tur tam hle mahse Pu Speaker khami chin kha nise, ka lawm e.

**PU LALTHLEGLIANA**

: Pu Speaker, ka lawm e. Hei he House ah hian MLA senior tak tak vawi 7 lo tling tawh te vawi 5 lai term 5 lai he House a lo thu tawh te an awm a. Hei,

session a kan thut luh phat khan in lakah zirtur tam tak kan nei dawnin ka hria a tiin lawmthute pawh kan sawi a. Helaiah thenkhatah engemaw zawng chuan kan House hi a zahawm lo hle thinin ka hria, upa thenkhat te lawm na tur reng reng neilo leh hlim ni neilo a engpawh mai paihfai vek mai kan han duhte, nimirah minute 15 hun min pe a, minute 13 chhung kha chu C.M thusawi hlui vawiiniah hmuh tur awm silo, a thleng si lo ti ringawt mai kha min han bei a. Mahse helam hi vawiin niah ka sawi tum a ni lova, anmahni an awm lo bawk a, nakinah pawl pakua a an lo fuk tawhna hrang hrang kan la sawi ve hun a awm ang a. Chung zawng zawng chu tihlawhtlin theih a ni lova, mahni pawl pawh namthlu zel mai te kan awm a. Vawiinniah hianin mipui hma leh Political platform emaw ti niawm taka helaia thil kan sawi thin dan te hi a thianghlim lo hle in ka hria a. Tunhnuah chuan insum thiam deuh sela, kohhran Upa kan nih te pawh hi hre deuh ila a tha viauvin ka hria a ni. Chutilo chuan khatianga mimal kan in tih vak vak chuan mimal a kan luh ve hun te a awm anga, kan sawi ve tak tak hun te a awm dawn a ni a. Kan Chief Minister thusawi te hi tam tak thleng lo a awm ang. Lal Isua sawi te kha a thleng lo tam lutuk a, in tan hmun siamin ka kal dawn hi, reilote ah ka lo kir leh anga. ka hnenah ka hruai ang che u a tih kha. A rei ta em mai a, rei tak a ni. a lo kir leh mai reng reng lo, engtikah nge tunah a lo kal dawn pawh hi tunah chuan kan la sawi pha lo a ni a.

Politics ah te Sorkar neituten kan duh dan kan sawi fovang, chawp leh chilha thleng a awm ang a, thleng lo' te pawh a awm ang, mahse kan inbeih dan te hi a lutuk deuh hret thin a. Heng hi kan sawi ve tak tak hun a thlen chuan hreawm kan ti leh palh si ang tih te kan hlau a ni a. Hei kan Opposition lampangah te pawh member senior tak tak an awm a, kan Group Leader, Opposition Leader thin te pawh an thusawiah hian puitling takin an fimkhur chho viau zel te pawhin ka hria a, a lawmawm a. A pawl chu nichina Tlungvel bialtu zahawm takin a sawi ang khan kan Budget te pawh a tha tawk khat nia a sawi lain leh lam panga a hal tawk lo awm kha Party te hi kan in controlled lo deuh em ni te pawh kan ti a. Heng ang kawngah hian ram hruaitu kan ni a, zoram mipuiten engangin nge min thlir kan thusawiah kan cheng em? tih te hi min an lo bih vek a, thenkhatin pawl engzah nge kan din tawh, MNF a an lo luh lai phei kha chuan riakmaw angin fukna tur ka zawng a, ka vakvai nasa khawp a, riakmaw ka tia Congress ah a rem lova, PC ah a rem lova, MNF Thingthiang kungah ka fu a ni an han ti a. Hei hi chu a thiang e an lo ti a, tah hian ka fu a nia an ti a, vawihnah chuan a chhe ber angin kan sawi leh a, khatiang kha a ni an thu leh hla leh Ui bengah hlin tur a awm lo tih zawng zawng hi an nei zo a ni ber mai. Engpawhnise, hei kan Minister zahawm tak tak te demand pathum hi a tha vek mai a, an hnathawh tawh te an kalphung, nikum lam te, kum hmasa te kan en pawhin lawmnan tur hlir niin ka hria a. Demand No.42 na Transport ah hian ka lut ve duh a. Mamit khu a zuk hla a. A thlang lam Zawlnuam, Kawrthah tlangdung a inzar thla vek a. Kawrtethawveng lam, hetah Phuldungsei lam te Kanghmun tlang dung zawng zawng te a lo ni a. Reiek lam thlengin DTO kan la nei lo hi a pawl khawp mai a. Vawi tam tak kan sawi tawh a kan ngen tawh a. Hei hi kan Minister zahawm takin lo chhinchhiah sak sela. Entirnan Zawlnuam a Taxi tlan ve thin te, darkar khat pawh thlahlel ngawi ngawih tena Aizawla chhiah pe tur leh tax pe tura an document tifel tura an lokal chuan ni 2/3 helaiah an lo in tlar thui deuh tum a awm phei chuan an chamte a ngai thin a ni. Mobile talin min tih sak rawh u kan ti a. Vawihnih khat chu an han ti a, a reh leh vang vang a. Hemi DTO hi chu hmanhmawh takin min tih sak thei sela. April thla ah hian tan thei ila alawmawm ngawtin ka ring a. Hei hi ngen tak takin ka ngen a ni. A pawimawh lutuk a. Kan Motor neitute leh Driver te thleng pawhin an khawngaih thlak lutuk a. Motor hi a tam ve tawh em em a. Tin District khawpui ah a awmna tur dik taka awm lo vawiinnia la famkim lo an awmte hi a pawl hlein ka hria a ni.

Tin, Demand 34-na ah khan Vety chungchangah nikum lamah ran vulh tanpuinate min han pe a, ka bial chhhungah. Mi chhete te ten bawng pawh tuak hnih khatte an lo vulh theih phah a. Vawkte an vulh, a. Arte an vulh a. Namen lovin hmasawna a kal a. Mamit ah phei chuan ar zawrhna hmunpuite pawh min han siam sak a ni a. Chungte chu zual zelin kalpui nisela. Hetiang anih chuan ran vulh a tui miten nasa takin lawmna an neiin eizawna a lo in siam sak thei dawn a ni. Heti zawngah hian tan lak a tha hlein ka hria.

Tin, Demand 30-naah Rehabilitation chungchangah kan MLA zahawm tak tak ten an sawi tawh angina Silpaulin hi tam hle sela a pawimawh khawpin ka hria a ni. Thingtlang mite hian an hmang tangkai tak tak a. Ka bialahte pheii chuan Tuikuk khuaahte mau hnah an chih a. Kuminah pheii chuan mau hnah chih tur a awm tawh silova. Silpaulin kan pek ngawt loh chuan inchung nei lovin an awm thuap mai dawn a ni. Chuvangin Silpaulin hi a tam thei ang ber kan Sorkar hian a changtu Minister hian min ngaihtuah sak sela a duhawm khawp a ni. Tin leimin atan bakah chuan an mamawh kawng tinrengah hmarcha pho nan pawh hmang sela a tha vekin ka hria a. Helaiah zu bilh nan te an hman mai mai ai hi chuan a hlu em em a ni. An buh zem khuh nan an han hmangte pawh hi an lawm ngawih ngawih a ni tih kha a hriat theih a ni tih kha a hriat theih a ni.

Tin, Demand 31-na Agriculture chungchangah Minor Irrigation chungchangahte, link road ah te, leilet siam chuangchangahte khawthlang ram hi potential area a ni tih hriain nasa takin kan Minister zahawm takin hma a la a. Amaherawhchu, hei tunah Lengte Project tihte khunglai ah leilet tam tak khawih tur a la awm laiin hmundangah in suan an tum niawm deuhin kan hria a, kan hlauthawng hle a ni. Mirethei tak tak te kumkhuaa an leilet khawi hna tur neilo, ram nei si kan han khawih sak te khu an hlim em em a. An lawm em em a ni.

Tawitea kan sawi leh duh chu hemi Demand 17 na Food and Civil Supplies ah hian kudam tam tak repair an ni te, sak that an ni te hi alawmawm em em a. Ka bial kudam ah chuan buhfai a awm deuh vek mai han hmuh te hian alawmawm a, tun fur tla tur a hi ngaihtuahna tak tak hmangin chhekkhawm nise ka duh a. Tin, Petrol chungchangah pawh hian diesel te kan hmang uar viau a, kan Minister chakzia hi a fakawm hlein ka hria. Aizawl a Motor Jam hi Taxi tam vang te, Motor tam vang pawh hi lo niin ka hrelo. Diesel leh petrol kan pe hnianghnar lutuk a, reilote an nawrh chhung kha chuan Aizawl ah a jam miah lova, permit pek tam pawh hi a lo ni lemlo. Kan Minister hi a chak a. hetiang taka petrol leh diesel kan hnianghnar hian lehlamah chuan jam hreawmna min lo siam alawm mawle. Khati kha ni rih mawi teh se. Ka lawm e.

**S P E A K E R**

: Hei dar 4:00 a ri dawn a, thusawi duh kan la awm nualin ka ring a. Kan inrawn tlan a tha in ka hria a. A sawi duh tur a kha Group Leader in a sawi duh ka ring a. He lamah an la awm em ? A sawi duh tura te khan sawi zo sela chutah chuan break kan nei ang a. Chumi hnuah wind up - kan ti dawn em ni ang? anih leh dar 4:00 kan pelh pawn pel ta ila Pu R.Khawpuithanga ilo sawm ang.

...395/-

**PU R.KHAWPUITHANGA** : Pu Speaker, kan sawi duh hmasak ber chu Supply chungchang thu a ni a. Pu K.Sangthuama Minister zahawm tak Demand No.17-na lai hi a ni a. Hei kan ngaihthlak ang khan tunah hianin mautam tam ah kan lut chho tan chu a ni a. Kan thlai chin turte thlengin kanbuaipui chho tan a ni a. Mautam tam hmasak 1059-60 vel kha School kan luh lai vel a ni a, kan hre pha ve nual a. Khatih hunlai kha chuanin min enkawltu Administration lam amite kha District Council te leh DC te kha an ni a, kan status hrim hrim te kha a la hniam a, kawng tha a la awm lova, harsatna a namèn lova. Chuvang chuan tampui mitthi pawh kha a awm reng a ni a. Khang avang khan min enkawltu Sorkar pawh khan min hlamchhiah lutuk a hriatna avangin MNF pawh a lo piang a ni kan tih kha. Min enkawltute an thatloh na na na chuan mahni in enkawla kawppui tha zawkte neihna tur chu zawng ve tur pawh kan ni reng a. Tun anga min enkawl hi ni ta se khatiang khan kan awm ang em tih crawh hi chu kan hre theilo ang a. Engpawh nise, Supply lamah hian tunah hian alan danah hi chuan kum hmasa lama Budget kan neih kha Department leh a Minister te hianin an hmang tha hle a ni tih kha a hriat theih a. Buhfai lamah harsatna kan tawk lova, a lo kal leh tur atan pawh hian huphurhawm lutukin a lang lova, kan hriat chinah chuan. Tichuan an mi enkawl danah a lungawithlak thawkhat hle a ni lawm ni, tunah pawh hian Assembly ah hian a chhe thei ang bera kan han in vawrhna hmunah ngei pawh hianin harsatna kan tawk lem lova, khalaia kan tawh loh hi chuan hmun dangah kan tawk lo tihna ah ka ngai a.

Tin, Gas chungchangah hian kan hre theuh a, hei kan hnianghnar a ni ta lawm ni keini kan veng lamahte pawh Gas phur veng chhunga lo kal hi a insul zut zut reng hian ka hria a. Kan hnianghnar in ka hria a. Engemaw changa harsatna lo awm hi chu thudang a ni a. Bottling Plan Mualkhang amite pawh hi kan nei a, a la thang zel dawn a, tichuan Gas te, Khawnvartui te, Buhfai lamah te leh thil dang dangah Supply ah hian a Department leh Minister te hian Mizoram hi min enkawl tha hle tih loh rual niin ka hre lova. Amaherawhchu, nichina an sawi tak ang khan kan Petrol leh Diesel te hi chu thianghlim deuh sela hei ai hian tih erawh chu duhthawh nan ka'n sawi duh a. Hei kum 8 chhungin building 300 vel lai mai an sa bawk a, kawng hrang hrang te panna Approach Road te kha an title bawk a. A tlangpui thuin tuna demand an neih crore 97 lai Civil Supply bik ami te pawh hi kan han ring chho leh dawn a ni a, a lungngaihthlak lem loh dawn lawm ni? Tampui mitthi pawh lo thleng sela Pathian khawngaihna a zarah tun anga kan kal thei chuan Mizoram kilkhawr berah pawh harsatna lutuk tawk lo turin in ngai ta ila. Amaherawhchu, Department hian a phurtute leh a contract career tih lamah hian harsatna awm lo tura an ven erawh chu a ngai hle dawn a. Khawimaw laiah an lo nawrh tlat chuan phurh tur awm reng mahsela mipui hi kan dangchar mai dawn a ni tih hriatreng a thain ka hria a. Sericulture kha kan uar ta viau a, hei chu sawi ngai lutuk lovah ka ngai a. Amaherawhchu, tah hianin kum



hmasa lamah khan chhungkua 9426 vel kumtharah chuan 2000 vel belhehhah a ei zawng chho tur kha awm dawn niin kan in hria a. District Council Area lamah te pawh a ni a, atlangpui thuin

Sericulture lamah hian hmasawmna pawh a kaltha hle a. Tin, kan Minister zahawm tak pawh a tui a, a sawi peih bawk a, a pawimawh hlein ka hria a. Lo neih lam leh thil dangah pawh hian sawi rawtui peih a ngai a, hei hian nasa takin mi a tanpui thin a ni.

Tichuan Demand dangah kal leh ta ila, Pu H.Rammawi Minister zahawm tak Demand No.31-na Agriculture hi ka sawi duh a. Food and Civil Supply nen a inzawm bawk kha a ni a. Ei tur thil tel lovin kan khawsa thei lo a. Development a kal theilo bawk a. Hma an lakna hi a tha hle a, amaherawhchu ka'n uar ve duh chu kawng bawk a ni a, thar tha mah ila, kawng a that loh chuan hma a sawn tak tak theih lova. Feh kawngte hi a that tawk hian kal hi a chakawm hranpa ve reng reng a, hriamhrei kan neih that chuan, chem kan neih that chuan lovah pawh hi a chakawm mai a. Chutiang bawkin kawng a that chuan feh kha a chakawm a, kan fehna hmanrua te hi ram changkanga an tih ang hian Motor te hian kal zur zur thei ila, kan taima sawtin a rinawm a, kan thalaite pawh hetiang zawnga feh kawng hnim deuh ang chhirschher tuthlawh kenga han in tirh liam hi chu har tak a ni a, amaherawhchu, changkang zawk leh tunlai khawvel mila kan tih chuan lo lam pawh hi thalai te pawh hian an thawk hreh miah lovang tih kha a rin theih a ni. Chuvangin Agriculture Link Road ah hian sum tam zawk kan hman chhohva Km khat a Rs. 300000/- kan dah hi tih pun theih hram nisela nuai 500000/- te tal hi awm thei sela a tha hlein ka'n hria a.

Tin, chulovah chuan phailam atanga lokal zikhlum leh thlai dang reng reng te pawh hi tlawm deuh deuhin a lo kal a, pawnlam atanga han en chuan ei chakawm tak te an ni. Amaherawhchu, a changa kan zikhlum leh parbawr ang chi te pawh hi a enkawl nan leh a chawm nan tur an hmang a ni tih te han hriat hi chuan tak tak nge ni kan hre lova, ei hi a chakawm lo sawt mai thin a. Tichuan chu chu thu dang nisela, keimahni State chhung ami ngei ngei mai henga intodelhna tura tanlak dan te hi a awm lawm ni? Chuvang chuan a Department lam hian heti zawng hian tan la ta sela, an la tho nain nasa leh zual a tan an lak hian awmzia a neih ka ring tlat a. A sawi pawh hian sawi mawi hi a tulin ka hria a. Tih tak takah chuan tunhma a lo kan vat a, kan han insawi rawtui vel ang chi te pawh lovah te pawh hi a hah thlak a nia. Amaherawhchu, nang engchen nge I vah tawh an han ti a, pa ho zana an han thukhawm khap khawp a thingpui sen nena titi ho hi chuan a tuka lovah hlan kha an nghakhlel ve mai a ni, hahthlak deuh a nia, lovah te hi.

Pu Lalrinchhana Minister zahawm tak Demand ah hian Disaster Management hi, hei kan hriat theuh angin lirnghing Zone a hlauhawm ber zone 5-ah kan awm e an ti a. Hei hi South East Asia pumpui India Sub-Continent phei chuan a ngai pawimawh lehzual a. Chuvangin hetiang lam kawngah hian Parliamentarian Meeting ropui tak nikumah pawh khan Delhi ah koh a ni a. Kan hotute duhsaknain ka tel ve nghe nghe a, a tangkai hle pawhin ka hria a. Tichuan tunah India hian a ngai pawimawh em em a Kashmir a, lirnghing te leh helaia Tsunami te avang khan. Tin, khawchhak lamah pawh abik takin Guwahati ah 1 day Meeting an siam nghe nghe a ni. Tin, kan ram chhung ngeiah pawh hian Disaster Management Unit veng tin deuthawah din a ni a. Tlawmngai pawl te pawhinhelamah hian tan an lak a pawimawh hle a ni. Tin, kan Governor ngei pawh hian Tsunami affected Andaman and Nicobar Island te kha kan MLA te leh Official thenkhat te an zuk kal a ni. Khang In a tihchhiat nasat dan te a kalten mit ngeia an hmuh te kan hria a ni. Tichuan kan ramah pawh hian kha kha a thleng lo ang tih kan sawi theilo a, thlenglo zel anih chuan lawmawm a ni mai a. Mahse, thleng ve thei chu kangmeite hi a ni a, kangmei a lo chhuah chuan kan buai em em mai a, nimin lam chanchin pawh kan hre theuh a. Upper Republic lamah pawh In tam tak a kang a. Chhungkua 17 dawn lai mai an buai a. Chuvangin hemi ah hian sum leh pai kan dahte pawh hi nasa zawk a dah theih hram hram nise. Silpauline-te pawh kha min han sem thin a. Relief and Rehabilitation lam hian an thawk tha hlein ka hria. Chuvangin kum danga an tih aia nasa zawkin Silpauline - te pawh bial neite ngat phei chu min duhsak lehzual sela. Tin, kangmei chhuah thuah ram hi a la kang vak lova, alawmawm hle a. Fire Sub-Station erawh hi chu a tlem deuhva, ka bial lama Ngaizel ah pawh dahna hmun rem deuh mai hi kan nei ve a nia. Department lam pawhin an rawn thlir tawh niin kan hria a, kan hotuten min hriatsak thei se. sawlaia a awm saw chuan Aizawl Chhim lam bial zawng zawng leh Sateck bial khaw tam tak sawn an chhawr thei dawn a ni. Chuvangin hmun khat maia awm lovin hmun hnih hmun thum laiah hian awm thei sela, sawngah te pawh sawn dahna remchang tak kan nei a ni tih kha ka han report tel duh bawka ni ka lawm e.

**PU LAL THANHAWLA**

: Pu Speaker, kan break lai khan in kan Minister ten ei leh in kha min khilai nachang hre turah kan ngai deuhva. (Kei pawh ka lo ti deuhva) keini chuan ei ei tur

kan order ve lo a nia. Anih loh chuan break khan awmzia a awm dawn loa, an ciruk bang tal kan lo ei ve ang chu mawle. Pu Speaker, kan demand bupui kan lo hmuh ah khan tih danglam that deuh te a awm a, lawmna tur a awm a. Tin, thil thar tha te pawh a awm a ni. Mamit bialtu zahawm tak khan lawmna dang hriat loh kha a hlau em a. lawmna lai tur tam tak a awm. Mahse, a thalai leh ngaihawh lai te kan sawi chuan thildang kan sawi hman dawn lova, lawmna dang hre lovah min lo ngai lem lo sela.

Food and Civil Supplies ah hian kan ngaithla tawh a, kan Petrol Quality chhe em em mai hi tunhnai hian an titha deuh dawnin a lang a. Mahse, a tha rei tak tak theilo hi a pawl khawp mai a tihfima hi lei a ngai thin a, a hek si a. Chuvang chuan helai hi chu tih tak zet a tih a a diklote hi chawitir ringawt lovin, a hremna dan ang a hrema kha kei ka phut a ni. Mi tam tak tan harsatna an siam a ni tih kha hria ila, hnam tan pawl harsatna an siam a ni. Chuvangin uluk deuh zawk a en a thain ka hria a.

Tin, kan Buhfai Quota hi tuna kan in pek dan a hi chuan a beitham lutuk a. Mizo pa tuna kan Quota angah hian inhrail puar thei tura ngaih tur a ni lova. Tuna tam kan hmabak leh nghal pheih hi chuan mathei lovin hei hi chu tihpun dan ngaihtuah tur a ni tih hi kan sawi duh a.

Kan ngaih pawimawh tam tak chu an rawn sawi tawh a, kan rawn repeat dawn lova, Sericulture hi tunhma atangin kan sawi tawh thin a. awl ai tak tak hahthlak lutuk lova kut hnathawk mi tena ei an hmuh theihna a ni a. Chuvangin, uar tur pawhin hmalak a ni tawh thin nain anih tur angin funthleng hian a la nilo a ni. Tin, chu lovah chuan Sorkar tan a chhawrtu te tan a that rual rual khan Sorkar tan hian sum lak luhna tha tak anih bakah kan hnam tan kan ram pawnah hmingthatna tur tam tak he Department te reuh te ah hian a awm a ni. Chuvangin anih dan tur ang taka kan siam chhoh vat chuan a chhawrtu hi a mipui a thawktu te chauh nilovin a ram a hnam hi kan ni dawn a ni tih hi kan hriat a thain ka ring a. Chutiang chu anih avangin kan hotute khan an sawi nual tawh nain chu chu kan repeat duh a ni.

Tin, Disaster Management te leh Rehabilitation Deptt. ah hian Disaster Management hi tun lai hian kan uar a, a tha a. nichina kan ngaihthlak tawh ang khan engemaw avangin hei hi uar loh theih pawl ani lova, tin keini hi Seismic Zone a awm kan nih avangin lirnghing rapthlak tak hi thleng mai thei, tuar mai thei kan ni tih te hi mithiam ten an sawia, hemi avang pawl hian kan in ralrin a tha a, a mimir nazawngte pawl hi min educate selangin a duhawm a, tichuan hemi ah hian tunah chuan kan hotu zawng zawngte khan an sawi tawh nangin sawi loh theih a ni lova, sawilo bik nih pawl kha a hlauhawm a, Mizote ang tluk a Silpauline hmang tangkai hnam hi an awm ang em aw ka ti thin, chutiang chu ani a, chuvangin kan hotu ten an sawi tawh a, Kawrthah bialtu zahawm tak pawl khan a rawn sawi chhuak tawh a, tun ai hian zalen deuhin sem ilangin amaherawhchu tuten emaw diklo taka sundawn nan an lo hmang ang hi veng ilangin, a mamawh dik tak ten an neih theih na tur atan MLA te emaw YMA te, tlawnggai pawl hrang hrangah te khan tlema zalen deuh zawk a pek khan Sorkar tan pawl a zangkhai thlak in ka ring a. Tin, a procurement ah hian Authorised Dealer dik tak te atanga lak hi Sorkar tan a him ber Pu Speaker, chuvangin a rawn inrawlh nazawng te atanga la lovin Authorised Dealer an awm a, chungte hnen atanga lak chuan Sorkar tan a tha ber a, tin, a in senso thlak loh ber ani tih hi kan sawi duh a, chutiang ti tur chuan kan ngen duh a ni.

Tin, Animal Husbandry chungchang ah hian kan hre tawh a, a chhiat leh a that chu thu dang niselangin hei Burma lam atangin Bawngte. Ar te chumai nilo Vawk leh Arte lak loh loh tur tih tlawh chhanin helai kan Local Deptt. in Order a rawn chhuah a, a tha hle a, kan in veng tur a ni a, chutih rual chuan tunah hian Bawng hri a leng tih kan hria a, chanchinbu te kan chhiar chuan Champhai bial ah pawh engemawzat a thi a, chumi Bawng thi chu mipui te eitur atan hralh tura lo buatsaih mai te pawh an awm a ni, chuti anih chuan Bawng pawh hi khap tel nise a tha in ka hria a, heng an order-ah hian Bawng a tel lova. Vawk leh Ar a ni a, tin hei hi khilamah a leng tak tak a nih chuan uluk taka Border post ah te hian kan enforce a ngai a ni. Tin chutianga bawng a thih takah chuan Bawng chungchangah pawh an en vat a, khilam atanga lokal a ni nge ni lo, a eng a pawh chu ni selangin Vawk leh Ar an khap ang hian Pu Speaker kan Department hian khap vat sela a thain ka ring.

Tin, Transport hi, nia, hei Aizawl khawpuiah hi chuan kawng hi eng ang pawhin han zawh ila mihausa leh miliante motor dahna kan siam sak a ni mai a. Hei hi huaisen taka kan sorkarin a ngaihven loh chuan kan chep reng dawn a ni. Hei, motor lei tur reng rengin garrage an neih a ngai tih a awm a ni, garrage an nei tur a ni tih a awm a. Kan hunlaiah khan thawkhat chu motor an neih chuan garrage ah an dah tur a ni a, Public road feet khat pawh a an cross chuan hrem zel an ni ang kan han tichhin a, kan kaltlangpui ngam ta lo a niin ka hria a. Khatihlai khan carrage tur an zawng sup sup mai a. anmahni luah lai te pawh an ti te a, mipui tan a tha em em a ni, ke a kal te leh mi hausa milian ni ve lote tan. Chuvangin tunah pawh hian hei khawilaiah pawh hian han kal ilangin Sorkarina thahnemngai taka kawng a zauh hi milian leh mihausate motor leh Sorkar Motor te pawh a ni, a tam mai a, Sorkar motorte hi nuai tel man an nih avangin zanah misual tute pawhin an khawih thei ang a, kawngpuia a awm hi a dik lo hrim hrim bawk a ni. Chuvangin hei hi Sorkarin a en ngun a tul a. Transport Department tih theih mai a ni lova. Chuvangin khami atana Concerned Department te pawh thukhawm a engemaw ti taka hma an lak thuai hi a tul a. Chu chuan thui tak Traffic condition hi a pui thei ang tih ka ring.

Tin Traffic Rules ah hian ruak tel tula Motor khalh te, mei petkawh ve vu a motor khalh te hi a thiang lo a ni, a khap a ni. Mei petkawh ve vu a motor khalhte hi, hei tunlaiah hian kan hre zeuh zeuh a, accident phah hi an meizuk vap ina an mit a tih engemaw vanga khalh sual, two wheelers ah phei chuan an tam a ni. Hei hi enforced dan awm selangin passenger te tan, a khalhtute tan pawh a safe ang tih ka ring a. Tin, dan awm lai reng anih avangin enforced mai tur a ni.

Tin, Driving Licence pek dan hi kan uluk lo a ni ang ka ring a, tunlai motor han khalh te leh kan two wheelers reng rengte hi Traffic Rules observed tha hi an awm lo reng reng a ni ti dawn ilangin ka daw deuh ang a, mahse a dik em em mai a ni. Zinnaah hian khalh ve zeuh zeuh ka ching a, min rawn sut a tum deuh em aw tih tur hi an tam em em mai a ni. Chuvangin helaiah pawh hian Driving Licence kan pek danah hian fimkhur a tul a, tin, kan pek tawh hnu pawh hi engtingge fimkhur tura kan zu siam theih ang aw tih hi ngaihtuah a ngai hlein ka hria a. Chu chuan accident a titlem sawtin ka ring a. Tin, Two Wheelers phei hi chu tawng mawi lo ni suh selangin accident kan zawng emaw chu aw tih tur a ni a. Amaherawhchu Pathian zarah hei an hmu zen zen lo nain accident nasa tak tak a awm tih hi chu Chanchinbu - ah hian chhiar tur a awm deuh reng a ni. Tichuan heng kawngah hian mipui mimir an himna tur atan concerned Department te hian tan an lak lehzuol a tha a. Tin, Transport Department hi a motor leh khatiang vel neitu anih avangin a initiative latu tur an nih pawh ka ring a. Chutiang tur chuan kan Minister zahawm tak hi kan ngen deuh a ni.

Tin, Pu Speaker, Law and Judicial Department ah hian Separation of Judiciary from Executive hi a awm tak tak tawh em kan State ah hian tih hi keini ang mi naran hi chuan kan hre hleitheilo a ni. Tin, tunah hian a awm emaw awm lo emaw engatinge hei hi kan hreh em em a. India ramah hian a State hnukung ber a ti muang ber kan ni, Tin, engatinge Supreme Court te pawh in a reminder pek ngai khawp a kan awm le tih hi min ngaihtuah tir a. Pu Zira Case vang kha em ni ang aw tih te pawh keini ang duang chuan kan ngaihtuah hial a ni. Chutiang chu a ri a. Lal Thanhawla Case pawh a ni mai thei a, ka hre lova. Chuvangin heng chungchangah pawh hian hnufum lohna tur atan a tha a ni a. Sorkar tan pawh thil harsa tak a ni tih chu kan hria a, amaherawhchu, Central Sorkar leh Supreme Court meuh te pawh hian an ngaih mawh khawp a awm hi chu thil dik lo niin ka hria a. Chu chu kan sawi duh a.

Tin tunlaiin Aieng a lar hle mai a. Pu Speaker, a that dawn leh dawn loh chu keini ang chuan kan hre ve phak lova. Thalo tur chu Sorkarin tilo turah han ngai phawt ila. Amaherawhchu hmannah khan a chi diklo zuartu hralhtupa kha an man a, an tantir a ni a. Sorkar danah chuan thil rutu leh a ruk lo leitu hi in ang renga hrem tur an ni. Tunlaia kan Police te hian an hrem ta meuh lo niin ka hria a. Keima Motor part thilbo chungchangah pawh. Hetah pawh hian hepa hian a diklo a zuar a ni tih hre reng chung a lo leitu te kha engtingge an tih ve le tih kha ka ngaihtuah hle a ni. A leitu te kha an diklo ve tho a ni tih hi Sorkar hian a hria em? Chuvangin a zuartu kha a thil zawrh kha a diklo anih pawhin a leitu pawh khan thil diklo a lei kha engatinge Sorkar sum a a lei. Chuvangin an mawhpurhna, an crime a kha a in ang reng a ni. Chulaiah chuan engtinge an tihzel dawn tih hi kan hre zui duh a. Chutiang chuan Pu Speaker, hleih nei lova michhia an nih avanga khati zawnga ti lovin an crime a kha a in an chuan inang rengin punishment kha an tuar tur a ni dawn lawm ni tih hi ka ngaihtuah a ni.

Tin, tukinah khan Saitual bialtu MLA zahawm tak khan ser huan a serthlum tam chungchang kha a sawi a. Tin, chhan a tum hma an lak a, chhan thei dawn nia a in hriat dan te kha an sawi kha ngaihtuah zui tlak hlein ka hria a. A chhan chu Kawrthah bialtu MLA zahawm takin a sawi thin a. Khawthlang lama Serthlum tam nasa lutuk avanga khawthlang pumpui deuhthawin harsatna an tawh hi engtia chhan tur nge ni ang tih hi Sorkar pawhin a ngaihtuahin ka hria a. Tin, kei pawhin mimal angin Agriculture Minister hnenah lehkha te ka zuk ziak ve a. A chhanna tha tak tak leh rawtna tha tak tak te a rawn siam te leh helai Sorkar nen a tan dun dan te ang te pawh min rawn hriattir ve a. Chumi piallamah chuan helaiah mi pangngaiin ama initiative a hma a lo lak ve dan a kha result tha a chhuah dawn anih chuan Department hotute pawhin a enpui ve a, tih hova, experiment tlak niin ka hria a. Chuti anih loh chuan Serthlum tamna ram leh a tuina ramah hian Serthlum kan neilo mai dawn a. kan neilo chang pawh niloin mi tam tak kut hnathawktu ten an tawrh mek a ni si a. Chuvangin, hei hi enzui turin ka duh a.

Tin, kan hunlaih khan Mat phai ah khian Mat lui khi khuah a, Mat Valley Project vuah a, chumi khuahna ah chuan Electricity Megha Watt khat lai Generate thei tur leh khami a Irrigation khan Hnahthial zawn thlenga phai awm zawn zawng siamtha thei tura ruahmanna a awm thin a. Chu chu helai House-ah hian ka sawi tawh a, tunah hian bawhzui dan a awm em le, an bawhzui nge bawhzui lo, tiante ka hre duh a.

Tin, nichina kan ngaihtlak tawh ang khan hmun hrang hrangah Land Development hi tunah hian Sorkarin ngawrh takin a bei mek a. A tihzia khawp a, a lawmawm a. Khi Serchhip bialah khian Zawlpui leh hmun hrang hranga an tih lain hemi Thenzawl kawnga, kawng chung lampang ami ho khi Congress an ni leh nghal a. Chuvangin, chutiang vanga tilo an nih chuan a pawl viau ang a, khingte khi leilet tha tak tho an ni a. Zawlpui amite nen danglamna a awm chuang lova. Mat tui ringte an ni ve deuh tho a. Chuvangin, heng chungchangah pawh hian an ti rau rau anih chuan vai hma a thain ka hria a. Chutiang chuan Pu Speaker, thil tha kan thawhnaah hian a tha ziktluak tura hma la turin Minister hian Department hotute hrih turin ka ngen deuh a ni. Ka lawm e.

**S P E A K E R**

:

Kan sawi zo thawkhat ta a, kan ril a tam viau em aw, a tam viau loh chuan Minister pakhat hi ko ila, han wind-up sela a tha lo maw - (Member ten an riltam

loh thu an sawi a). Anih leh fiah si tawi thei ang deuha wind-up tum tlang ila, chuan Pu Lalrinchhana Minister zahawm tak a Demand - te han wind-up a, pass dil turin i lo sawm ang.

**PU LALRINCHHANA  
MINISTER**

: Pu Speaker, ka lawm e. Hei Demand kan han pharh a, ka demand hi mi 18 velin an sawi a, chutah chuan ka Demand pawh a tam berin minrawn sawipui a. A lawmawm ka ti a, an sawi dan tlangpuiah a sawisel lampang aiin ka Department kalpuinaah a lawmawm lampang thu a tam berin an sawi a. alawmawm ka ti a. Mahse, fakna hi kan tan hmelma tiin hla-ah pawh an sawi thin a. Fakna hi a dawngsawngtu tan a lawmawm viau, mi pawh a tiphur a, mahse, fakna hlir chu kan tan chhiatna a ni. Chu chu anih avangin, vawiinah pawh thusawitu thenkhat ten constructive suggestion-a thil tam tak inrawn sawi te leh kan thil tam takinrawn sawi te leh kan Department thenkhat te kan thuanawp na lai tha taka inrawn rawi chhuak kha a pawimawh ka ti khawp mai a. Mihring tumah hi kan tha famkim hauh lo, chumi avang chuan correct kan ngai a, a sawisel tulna lai apiang sawisel a, amaherawhchu chu phur taka kan kal theihna tura thil tha tih erawh chu in sawipui theih chu alawmawm thin a, tichuan vawiinni ah pawh khatiang kawng ah khanin chi hrang hrang a sawina kan dawnah lawmawm ka ti a, lawmthu ka sawi hmasa a. Ka aw a chhiat nak alaiin kan hritlang lehngal a, ka aw ngaihthlak a hrehawm deuh anih pawn min lo hrethiam ula. A indawt hian kan kalpui ve mai ang a.

Hei Demand No. 30-na Disaster Management and Rehabilitation tih ah hian tunah kan Demand ah Rs.7,43,80,000/- kan nei a. Disaster Management and Rehabilitation hi Plan thil a ni lova, Non-Plan thil a ni a, a fund hi Central Sorkar in 100 a 75 anrawn tum a, State in 100 a 25 an tum a. Tin, a mamawh dan azirin a fund hi a limit tak tak lova, Disaster Management anih angina a Calamities a nasat leh pawisa sanction a tam mai a, chutiang thil a tlem chuan pawisa sanction kha a tam lo mai a, chu chu a kalphung deuh a nia. Nikumah pawh khan a tirah chuan tam tak a ni lem lo. Mahse, a tulna angin heng hi sanction belh zel a ni mai a. Chuvang chuanin tunah Rs. 7,43,80,000/- tura allotment an awm phawt hi a tha tawngawtin ka ring tlat a, lawmawm ka ti a. Tin, kum dangah kha chuan Relief and Rehabilitation Department tinin kan ngaihthla thin a, amaherawhchu, Central in dan thar arawn siam a, Central Act thar ah Disaster Management tiin arawn vuah a, Mizoram ah erawh chuan Rehabilitation hi kan la mamawh a kan hriat avangin Rehabilitation hming kan telh a, chuta tang chuan Disaster Management and Rehabilitation tiin a Department hming hi kan siam a ni. Tichuan he Disaster Management Central in a arawn ruahmanna ang hian kan ramah pawh a taka, State ah pawh atak a practice turin hma kan la a, a Rules kan la siam zo chiah lova, tunah hian a rules hi kan buaipui mek a, reiloteah kan siam zawh theih kan beisei. Tin, he Disaster Management buatsaihna ah hian State Level Disaster Management Authority a awm a, Tin, District Level ah a awm bawka a.

Block Level-ah a awm bawk a, Village Level-ah a awm bawk a ni. Chutiang ang chuanin he Disaster Management kalpuina tur hi Central ruahman anga kan State ah pawh kan kalpui a, tunah hian State ah, District ah, block ah leh Village ah he Disaster Committee he kan din deuh vek tawh a ni. Chutiang chuan kan kalpui a, tichuan khami a taka enkawl zui naah khanin, a Department ah pawh. Directorate te tlemin kan ti lian deuhva. Tunah hian Deputy Director pakhat siam belhin, a Staff pawh atul angin kan tihbelh a. Tin, a enkawl tak tak turin tunah hian a field-a enkawl tur mi 4 contract-in kan lak belh a. District 2 zel hi 1 in a enkawl ang a. Chutiang tur chuan contract in khami enkawltu tur kha kan ruahman thar a. Chutiang ang chuan enkawl na a kal dawn a ni.

Tin, Disaster Management in a kalpuinaah hian engnge ni Disaster chu tih hi kan hriat a pawimawh a. Disaster chu (1) Thlipui a ni a. (2) Khawkheng a ni a. (3) Lirnghing a ni a. (4) Kangmei a ni a. (5) Tui lian a ni a. (6) Rial den a ni a. (7) Tuifinriat fawn a ni a. (8) Leimin a ni a. (9) Vur tawlh a ni a. (10) Ruah baw hawk, (11) Rannung puang. Khang ho kha tunah hian Disaster a puan a ni. Hetiang vang a harsatna kan tawh chuan CRF sum hian in enkawl theih a ni. Hei hi kan hriatchian a pawimawh viau awm e. Lehlamah he CRF sum hian Silpauline Procurement kan han ti a. Amaherawhchu. Disaster tia an puan, hemi base lo hi chuan a issue theih tlat lo mai a. Chu tak chu a ni a. Tunah pawh hian kan thu sawitu tam tak kha Mau a tam .a. Mi tam takin mauhnah in chungah kan hmang a. Mau hnah hman tur a awm dawn tawh silo tiin kan sawi a. Chutah chuan Silpauline te hi a theih ang em ? kan han ti a. He mau hnah awm lova, mau tam hi kan State in Disaster ah a puan chuan, Calamities ah a puan chuan. khami atan khan Silpauline a pek theih. Amaherawhchu, a puan loh chuan a pek theih tlat lo mai a ni. Khatiang ang deuh hlek khan a inpek dan kalphung hi a awm avangin, khami base deuhlek a thil kan kalpui chu a ngai a ni tih kha kan hriat a pawimawh awm e. Tin, chu lovah a tanpuina pekna hi bei tham kan ti a. A beitham reng a ni Amaherawhchu, hei hi State ngawtin a bi hi kan thliah vek thei si lova, Central atangin an rawn ti vek a. India ram pum atana hemi bi hi thliah anih avangin, tam zawk a in pek hleih theih tlat lo mai a. Central in a a rawn ruahmanna leh India ram pum atana bi a rawn thliah ang hian kaltir loh theih loh a ni. Chutiang ang chuanin, peng hrang hranga tanpui ngaite tanpuina tur hian kan buatsaih chho a ni. Tin, hemi in tanpuina pekna hi District tina Deputy Commissioner Office hi a mawh phurtu ah kan hmang. An hnenah pawisa kan pe a. Tin, Silpauline leh thil dang mamawh hrang hrangte kan pe a. Anni hian a tul angina an lo sem mai a ni. Lawngtlai leh Saiha bialah heng hi in pek a awm ngai vak lova sawi kha a awm a. Hei hi a pawika ti khawp a. Mi tam takin Deputy Commissioner (D.C.) te hnena thlen nachang kan hre lo bawk a. D.C. hnenah kan thlen tur a ni a. D.C hnenah kan thlen ang a anni in khawi atana norms in a buatsaih angin tanpuina an lo pe tur a ni. Kawnpui bialah pawh khan rial den nasa tak a awm a. Chu chu bialtu in thahnem ngai takin a sawi a. Tichuan. Kolasib D.C



Office ah thlen a ni a. An niin pawisa a hmuhzat angin tanpuina kha an lo pe ani. Tunah pawh hian ramkang atana pawisa demand pawh kha tunah Kolasib D.C. hnenah pek thlak a nia. Chuvangin Kolasib D.C. in alo pe turah ngai ila. Chutiang zel chuan Lawngtlai leh Saiha lamah pawh, kangmei tuar emaw, heng calamities thil avanga tawrhna nei te reng reng chu D.C. ah report a D.C. ten a tul anga an lo pek tur a ni tih kha kan hriat a pawimawh awm e. Ting lirnghing lak atanga invenna hemi atan hian inbuatsaihna kan nei nasa viauva. Chutah chuanin MLA te ah pawh khatiang atan inbuatsaihna neiin inhmukhawnna te pawh kha kan han siama. Chutiang bawkin helai Aizawl hmunah te leh District hrang hrang ah te. Education Institution ah te nasa takin kan buatsaih a ni. Tin, heng rikrum thil alo thlena, mipui a pawngapuaia thlabar mai lova, kan awm theihna turin ruahmanna te pawh tiin. ralkhel te pawh Aizawl ah te pawh kan han siam chhin anih kha. Chutiang ang chuan mipui hi heng thil alo thlena chhiatna tlem zawk kan chung a thlen theihna tura hmalakna turin inziritirna theih ang tawkin kan buatsaih a. Tichuan, District tinah D.C Office in khatiang ang kha an kaihruaia, chubakah, zirna sikul zawng zawng ah hetiang anga chiai mai lova kan awmna turin zirtirna kan kalpui mek a. District tinah Diet hmunah trainer kan buatsaih, chumi te chuan, an bial chhunga zirtirtute kha an trained leh vek ang a. Tichuan, zirtirtu in naupang ho training pein an kaihruai a. Chutizawng chuan kan kalpui lai mek a ni. Chuti zawng chuan Office hrang hrangah pawh Office superintendent tin hi anmahni kha, khatiang train tur an ni a. Khatiang ang khanin Superintendent khan Office kha khang thil alo thlen hun apianga kaihruai thei tur khawpin in buatsaih tur a ni. Tin, hetiang thil alo thlen hian Communication dang zawng zawng chhe vekin a awm thei a. Chu chu anih avangin khaw hrang hrang ah Torch Light Morse hmanga inbiakna atul huna hman anih theihna turin chungchu zirtiri n khaw tinah khang buatsaih atulna apiang ah khan kan ruahman a ni. Tin, lirnghing atan leh chhiatna dang atana thil pawimawh hrang hrang, kan mamawh te tunah hianin leikhawm tura buatsaih mek a ni a. Chung buatsaih chu, district headquarter tinah te dah a atul ang anga hman tura ruahmanna buatsaih mek a ni.

Tin, tuitla hi kan buaipui em em maia. Tuitla hi chharna hmanrua hi nei lovin kan awm a, chu chu anih avangin tunah chuan tuitla an awma, chumite chhar tura inbuatsaihna turin lawng te leh diving suit te leh thil chi hrang hrang kha lei turin kan ruahman mek a chutiang ang chuanin, tuitla an awm pawh a chharna tur ruahmanna kha fel zawka buatsaih chhohin a awm a ni. Chutiang ang chuan disaster management buatsaihnaah hian thil chi hrang hrang buatsaihna tam tak kan nei Mahse chu chu a kip a kawi in tunah kan sawi seng lova. Engpawh nise, hemi tana mamawhna insawi kha kan record a. kan Department hotute nen kan lo enho ang a. Kan sorkarah pawh a tul dan angina a pulutin tihhlawhtlin theih ang ang tihlawhtling turin hma kan la dawn a ni.

Tin, Animal Husbandry ah pawh hian thil kan buatsaih dan hi kuminah hian nikum lam aiin tun budget ah pawh pawisa kan hmu tlem a. A chhan chu nikumah khan BAFFACOS ah nuai 200 tel kan hmu a. Chu chu BAFFACOS kha kan kutah a awm tak loh avangin nikum aiin vety a kan pawisa hmuh hi a tlem a, chu chu a chhan a ni.

Tin, Vety atang kan sum hmuh hi helai state plan leh kan non-plan ringawt hi chuan hmalakna hi rinaiin a tam thei vak lo. Chuvang chuan Central sponsored scheme leh VEC atanga pawisa kan hmuh atangin Vety hian hma a la deuh ber a ni. Kan kalpui na ah hian, Mizoramah kan mipuite hi vawk vulh a tipung zel tur te, arvulh tur tipung zel tur te, bawnghnute siamna tur a tipung zel tur te, kha kha an mahni in kan farmers te hi an rintlak tawk lova. Chuvangin, anmahni demonstration atan leh mipui mamawh tipuitling turin district headquarter tinah leh remchangah demonstration farm ang leh mipuite hnena mamawh pekchhuahna turin buatsaih a ni a. Poultry farm, Piggery te Dairy farm te kan buatsaih a. Chutiang ang chu kumin chhoah chuan kan kalpui tam ber a ni. District tinah hian poultry farm pawh din ani tawh a. Tin, Vawk vulhna te pawh din a ni a. tin, Ran kah raina district headquarter tinah bun chhoh mek zel a ni. Tin, Bawnghnute siamna te pawh Dist.Hqrs. tinah tih tumin hma kan la a. Aizawl, Lunglei, Kolasib ah kan ti tawh a. Tunah Champhai kan hmabak a. Tin, district Hqrs. tinah Bawnghnute siamna dah tum a ni.

Tin,

Bawngpate, Vawk pate, kan vulh a a chi thlah atana sum tam tak senga kan vulhna hi hemia tlem zawka a kal theihna turin a chi la chhuaka kah raina hi nasa takin practice na kan buatsaih a, district Hqrs. tin leh remchang apiangah kan buatsaihin a thlawna chi thlahtu tur Vawkpa emaw Bawngpa emaw tam tak tak vulh ngai lovin Department in khatiang tur khan a buatsaih chho mek zel a ni. Tin, chubakah Deptt. hmalakna ah hianin ran hriselna enkawlina tura khawl hmang a, ran natna detect chhuahna leh khami enkawlina tur buatsaihna a ran chaw lamah pawh, ran chaw tha ran tana tha tur khami enfiahna turin khawl lampangah hma kan la a. Aizawl leh hmun hrang hrang ah khatiang tihna tur kha kan buatsaih chho a, chutiang ang chuan infrustructure angin hma nasa takin kan la a, chutiang kawngah chuan sawi tur tam tak kan nei awm e. A kip a kawiiin kan sawi seng lo. Tichuan tunah chuan a tlangpui thuin kha lamah chuan kan kal thui tawhin kan hria a. La tikim lo mah ila zawiin kan tikim zel ang a. A tlangpui thuin mipuiin an chhawr theihna tura mipui hamthatna tur fairelbel thleng pha tur zawnga hmalak kan tum chho mek a. Chuvang chuan kan demand pawh kha han en ula, mipui hnena grant-in-aid leh thil dang kha kha kan ti tam ani. Kum dang ngaihtuah chuan grant-in-aid kha tam tak a ni. Tin, centrally sponsore scheme lak

chhuahna turah pawh NEC ah te, centralah te mipui hnen thleng pha tur zawng a farmer ten ran an vulh tam theihna tur zawngin hmalak tum deuh deuh a ni. Tun Financial year lokal chhoah hi chuan khati zawnga hmala turin kan inbuatsaih chho a ni tih kha kan tarlang duh bawh a ni.

Tin, Ar chi khat ringawt hi kan tan a tha lem lova kan duh dan pawh a ni lo a, chuvang chuan mipuiin kan mamawh tur Ar siam chhuah hi kan tum a ni. Vawk pawh chutiang bawkin. Chuvang chuan a chi hrang kha inthlah pawlh tira chuta tanga mizo mipuite tana vulh chakawm leh ei chakawm siam chhuah kan tum. Boiler Ar ringawt hi a thau lutuk a, a tha lo. Chu chu a nih avangin Mizo Ar nisi lo, broiler ni si lo, mizo mipuite tana tha tur khatiang siam chhuak zawng khan hma kan la chho mek a ni. Chutiang bawkin Vawkte pawh a ni. Tunah hian Lungleiah sawnin Sanghal pawh kan vulh a, Sanghal leh Vawk in thlah pawlh atangin kan vulh tur kan tana tha tur siam chhuak turin hma kan la chho mek a ni. Khatiang zawng khan tunah hian hma kan la chho mek a. Tin, chu chang nilovin Turkey Ar kan tih mai, Saiar kan tih maia hi tunah hian selesih ah hian kan vulh a. Tunah chuanin kan tipung nasa ve viau tawh. A hma chuanin a pain a pawl pangai ringawt kha kan ring a, amaherawhchu a keu tha lo em em ringawt mai. Chu chu a nih avangin, tunah chuanin a Pa chi kan la chhuak a. tichuan a nu kha kan kap raita a, khata tang khan a tui kha a keu tha duh ta deuh a. Chuvang chuanin a note te pawh tunah hian 1300 vel chu a lei duh tan chuan lei turin tunah pawh hian a awm a ni. Chutiang chuan kan kalpuia, chi hrang hrang in hma lakna kan buatsaih chho mek a. Hmasawwna tur kawng chi hrang hrang kan buatsaih chho va. In rawn sawi tam ber pakhat ran chaw siamna chi khat zawhna kan hmu tawh a. A material kan lei kha eng ang nge tih khan an rawn zawt a. Material kan leia chu Vaimin Quintal 21830 Bowl rice quintal 8030, wheat bran quintal 4860, groundnut oil cake quintal 5360, Soyabean quintal 1810, Mustard oil cake 3570, Fish meal 1580, mineral mixture quintal 170, mineral mixture vawk tan quintal 130, mineral mixture bawng atan quintal 130, OS salt quintal 150, common salt quintal 310 chutiang chu material kan neih laite chu a nia. Khami atanga kan sum hmuh leh hmanral kha kan han chhut chhuahin kan material leina zawng zawng paiha kan hralh hnua kan hlep chu Rs.15,52,797 ani. A lawmawm kan ti hle a ni. Dik tak chuan Raw material kan neih that loh avangin a tam thei lo a ni. Vaimim leh soyabean hi Zoramah hian tam zawk thar ila, chuta tang chuan kan tih theih chuan phailam atanga man to zawka lak chhoh ai chuan a man kan lo seng tlem ang a. Tam zawk kan ti chhuak ang a. Kan ramin a thatpui dawn a ni.

**PU ZODINTLUANGA** : Tunah nuai 15 kan hlepa kha kha a net profit nge Gross Profit tih kha min lo hrih thei ang em ? Leina leh hralhna ringawt kha a nia. Net ngeni Gross ?

**PU LALRINCHHANA MINISTER** : Hei hi ka senso zawng zawng chu hemi atana kan senso tawh zawng zawng materials atangin material kan hralh, a chaw kan hralh leh hnua kan hlep a ni.

**PU R.LALZIRLIANA** : Department Agri te leh nangni Vety Department te kha Committee khanin inchuktuah rem sela in coordinate ula. raw material hi kan ramah hian kan ngah tawh thei a ni kan tih kha, engnge in result ta ? Kuminah Vaimim te thil dang thar chhuah tam deuh te kha in beisei ta em ?

**PU LALRINCHHANA MINISTER** : Pu Speaker, Agriculture nen hian sawihoin hma lak dan kan zawng mek a. Tunah pawh hian Minister level leh Directorate levelah pawh sawi ho in Agriculture pawhin Vaimim leh Bekang hi tam zawkrawn ti turin kanrawn a. an ni pawhin tun ah hian Vaimim chi te ngaihtuahin tam zawk kan thar theihna tur kawng chu kan dap mek a. Tichuan khatiang anga hma kan laknaa kha tunah hian a kal mek a. Amaherawhchu, kumin hi mau tam kum a ni a. Vaimim hi kan thar hman ang em ? Sazu hi a lo puang ang a, Vaimim hi lo uar ta viau ila, a thlawnin kan ching mai ang em ? tih erawh chu ngaihtuah tham a ni khawp mai. Chulai takah chuanin kan ngaihtuahna pawh kan hman a tha khawp ang. Engpawh nisela, khami avanga thulh ngawt chu kan tum chuang lova. Kan theih ang angin khami tih tamna tur khan, hma la turin kan in buatsaih a ni

Tin, Zo Bawng vulh hi tipung a. a sa ei tur bawng tih pun hi kan ram chuan kan mamawh em em kan hria a. Amaherawhchu, Central Sorkar min kaihruitute hi a sa ei tura bawng vulh tam hi an rilru a ni tlat lo mai a. Helaiiah hian a buaithlak khawp mai. Ran a sa ei tur tam zawk han lakluhna tur han dap dawn pawn mi an khar deuh tlat mai a. Engpawh nisela hei hi kan theih ang ang a, kawng zawn kan tum mek a. Kan zawng mek zel a. Burma lam atangte pawh hian lakluh dan a awm em tihte kan rilru chuan a dap mek zel a ni, tih kha ka'n sawi duh a.

Tin, Ran talh chungchang leh sa hrisel siam chungchangah hianin ran tuna kan talh dan phung hi tha lo kan ti a. Hemi tih bona tur hian theihpatawpin hma kan la a. Kan hre theuh awm e. Bung Bangalow bulah khuan ran talhna hmun tur kan buatsaih chho mek a. A in kan sa zova, Electric engkim kan ti a. Amaherawhchu khawl a la rawn thleng lova, tunah hian khawl kan chah mek a. A then chu Netherland atang te pawn zu lak a ni a. Chu chu kan lei a, a rawn kal mek a. Tin, a kawngte siam te tunah hmabak kan la nei a. Chumi kan hmabak tihna tur chuan NEC atangin pawisa a tir atangin min approved sak a kha kan dil mek a. Min la rawn pe chhhuak kim thei lova.. Reiloteah khu khu tihpui tlin theih kan beisei a. Khumi kan tih puitlin hnuah chuan Ranpui chu khutah khuan talh tawh turin tih kan tum a. Tin, Vawk te leh a dangte pawh Aizawl hnai deuh hlekah hian talhna hmun bik siam a, khatiang anga ran hrisel zawk sa kan nei theihna tur a ruahmanna chu kan theih ang tawkin hma kan la a. Tin, Aizawl chang nilovin District Headquarter tinah pawh chutiang ti tur chuan hma lakna kan buatsaih mek zel a ni.

Chutiang ang chuanin hemi Vety lam ah pawh hian hmalakna kawng chi hrang hrangin kan nei mek zel a. Engpawh nisela, wawiinniah hian kan han tarlan duh chu tun Financial Year thar atang hi chuan mipui hnenah a tam zawka ran vulhtu farmer an nih theihna turin kan Sorkarin a sum mi a peka hi hman daihzai tumin tan kan la chho zelzual dawn a ni tih erawh kha chu kan sawi duh a ni. Vety chu kan kalsan leh phawt ila. Han zawh zui in duh chuan la zawt turah ngai ila.

Transport Department hian tunah hian vaibelchhe Rs. 11,83,000/- an han earmark a. Hemi hman hian Transport kalphung hi fel zawk a kan ngaihtuah theih kan beisei a. Sawi tawh ang khan theihpatawpin sum hmuhna kawngah hian tan kan la a, inhrek theihna lai laiahte inhrekin kan han kal a. Tahchuan, kan sum hmuh tur kan Target ah hianin Financial year ah hian kan sum hmuh tur Target chu nuai Rs.664 a ni a. Tunah hian Report kan hmuh chinah nuai Rs. 75,46,000/- hi kan hmu tawh a, Kan Target hi Rs. 90,06,000/- in kan khum tawh a. District hrang hrang atanga Report lo kal kim sela. March thla tawpa chuan

nuai Rs. 100/- tela kan Target hi kan khum theih kanin beisei a ni. Tin, kawng dangah Department hian sum ah leibat nei lovin tunah hian kan awm thei a. lawmawm kan ti. Transport ina tuna motor a hman mek laiah chuan Medium Bus hi 32 kan nei a. Deluxe 10, Mini Bus 14 Recovery Van 4, Tanker 3, Ambulance 1 Truck 1 chu chu a pangngai anga kan neih chu a ni a. Heng hmang hian tunah MST Bus te runin, Ambulance leh Recovery etc. thil velah MST hi kan kalpui mek a ni. Tunah hian Progress tha tak nei chho zelin kan in hria. Kan State ina sum min pek atangin hmun hrang hrang Station improve turin kan bei zel a. Kanhmunah te Saiha ah te, Lunglei leh a dangahte Quarter leh in te, Station te kan siam chho mek zel a. Bus hi hun rei tak condemn lova kan kawh hian hlohna hlah a lang a. Chutianga kan kalpui loh chuanin a hloh zawngin kan kal fo avangin tunah a hlui deuh apiang chu tiralin a thar in thlak zel turin kan in buatsaih chho mek a ni.

Tin Directorate building saw Engineer thlirna atangin luah reng tlak niin alang lo a ni. Chumi anih avangin thiat a a thara in din turin kan in buatsaih mek a ni. Tin, a lun lutuk saw a tha lova hriatna avangin. Thuampuia CH.Chhunga Terminal Building saw luah theih dan a awm em tih kan en mek. Tin, motor accident avanga buai hi engemaw zat kan nei a, tunah hian pahnih khat chinfelin a awm a, mahse court ah hian case 12 lai kan la nei a ni.

Tin, MST Bus a pung lam aini a kiam lama kal zel hi kan tum a ni. A chhan chu mimal in eizawn nan hmang tam se. Sorkar chuanin Administration hi kalpui tha zawk ila kan ti a ni. A Service lam chu mimal tan nise kan duh a ni. Kan theih ang angin Mimal Bus kha a tam zawk chuan zawi zawiin kan ti tlem zel a ni.

Tin, Public Service Motor hi Control a har khawp mai a, Aizawl pawh kan en a, Motor Taxi Service eng ang nge awm kan tih khan sanghnih a tling lo deuh an ti a ni. Sanghnih chinah hi chuanin Control ila tiin kan kal a ni. Mahse Bank lam an han pawk thara kan rin hmam sanghnih kan cross daih mai a. Aizawl Taxi tam hi pawk kan ti khawp a ni. Chumi hnuah chuan Taxi permit Aizawl ah chuan kan pe tawh tur a ni lo kan ti a ni. Tunhma STA in a Taxi permit an pek pawh hi Aizawl nilo District Town dangah a ni. Tichuan Public Service atana hman City Bus te leh Taxi te hi kan theih angin control tur ilo te hi kan theih ang ang a draw chho chu kan tum a. Tin, a Traffic Control na lampangah pheih hi chuan Traffic lam hi Police lam kut a ni zawk a. Amaherawhchu. Transport te nena thawhhona a that avangin Committee te nei hovin tihdan tur kawng hi kan ngaihtuah tlang zel a. Kan theih ang angin tunah hian Traffic tha zawk a a kal theihna turin hma kan la tlang mek zel a ni. Chu chu helaia kan han kalpui dan tlangpui a ni tih kha ka sawi duh bawka a.

Tin, Motor Vehicle Wing lampangah hianin tunah hianin Post hrang hrang sawm vel siamthar turin hmalak mek a ni a. Deputy Commissioner Post pakhat leh D.T.O. Post pahnih. Hei hi Mamit leh Lawngtlaia a la awm loh avangin khang vel kha kan tihsan a ni a. Tin, M.V.I. Post te, Enforcement Inspector Post te leh Enforcement Sub-Inspector Post te avaiin Post sawm (10) vel kha tunah hian fill-up turin tunah hian hma kan la chho mek a, reilote ah Finance leh DP & AR lam atang pawhin phalna kan hmuh thuai ka beisei a ni.

Tin, D.T.O. Office hrang hrang te pawh hi phuisui zawka run anih theihna turin a mihring bakah Office Quarter eng ilo pawh improve nan hma kan la chho mek a, zawi zawiin hma kan sawn chho zelin kan hria. Reiloteah District Headquarter tinah D.T.O. Office leh an Staff te hi changtlung zawka an awm kan beisei a ni.

Tin, Licence leh Driving Licence te leh motor Register kha Computer hmangin kan han buatsaihna ah nikum lam atangin kha kha bul kan tan a. Kumin chhoah khan theipatawpin khami hmang khan hma kan la chho zel a, tunah chuan fel zawkin thil a kal thei tawhin kan hria a. lawmawm kan ti khawp mai. Tichuan, motor accident a tlem theihna turin kan theih ang angin hmalakna kan han siam a, chumi kan hmalakna ah chuan tawiawmna tha tak kan dawn zel avangin kan lawm a. Chuvang chuanin motor accident pawh a tlem tial tial theihna turin theipatawpin hma kan lakna hi progress a ni zel a ni.

Tin, kan hnam a lo thang zel a, Motor hi Essential Commodity angin tam takah hian kan kal tlat tawh mai a, a mimalah pawh Public Service atan pawh hian Essential Commodity angina a kal tlat tawh mai a. Chu chu anih avangin Aizawl kawng a zau belh thei bawk silova, motor hi a pung zel si a. Chuvang chuan tunah hian kan dinhmun ah a harsa khawp mai. Engpawh nisela, kan Sorkar pawh a improve chho zel ang a. Tin, helaia service dan leh kan enkawl danah pawh improvement zawng chhoh zelin hetia kan tawt lutukna sawtna tur kawng hi kan dapna zel turah kan ngai a, hemi kawngah pawh hmasawn zel turah pawh kan ngai a ni.

Tin, tunah hian Trasport in Inland Water Trasport hi a kutah a lo lan tak avangin chumi atan chuan hmalakna hi tunah hian a kal mek a. Tichuan Central atang pawhin hemi atana sum leh pai te pawh hi sanction a rawn kal chho mek lai hian a thawktu tur kan mamawh dawn avangin chumi a thawktu tur chuan Engineer Post hrang hrangte tunah hianin Sorkar ah kan move a. Sorkar pawhin min la rawn pek theih kan beisei a. Chung hmang chuan Inland Water Trasport hi chak zawka kalpui theih kan beisei a ni.

Tin, Rel kawng thuah hian Mizoramah Bairabi ah rel te rawn thleng theiin a awm chauh a. Hei hi Rel lian a rawn siam a, chumi bakah pawh Tlawng dung ruama rawn tih chhoha Sairang ah pawh Rel rawn thlen tirna tur hian theihpatawpin kan nawr zel a. Kan Chief Minister te pawhin hma an lakna azarah tunah hian hmanni lawka Rel lampang hotute lo kal chuanin 2010 vel ah hian Sairanga Rel rawn thlen tir theih i tum ang u an ti tawh a. Chuvang chuan hun reiloteah Sairang thlenga Rel rawn luh theihna tur hianin hma lain hna kan thawh theih kan beisei a. Chu beiseina nen chuan kan thlir mek a ni tih kan sawi deuh baw k a.

Tin, tunah hian Rel Ticket lakna hi Aizawl ah chauh hian a ni deih mai a. Chuvangin hei hi a taw k kan ti lova. Mizoram District Town tinah tal hian a awm theihna tur chuan hma la chho ila kan ti a. Chuvang chuan Lunglei ah te, Champhai te, Saiha thleng pawhin Rel Ticket lakna tihna tur hian chak takin hma kan la mek a ni tih kha kan tarlang duh baw k a ni. Pu Speaker, thil tam tak kan member ten an rawn zawt a.

**PU R.LALZIRLIANA** : Pu Speaker, Tax pek tlai hlek avanga, nitin Rs.10/- chawitir ringawt kha, mi an sual vang nilovin Loan a an lo lakte a ni a. Loan rul thei baw k silo, nitin Rs.10/ chawi belh tir ringawt kha tih danglam dan a awm lawm ni tih kha kan zat leh duh che a ni. Road Tax te an han pe dawn a, an pe tlai a, a ni a lo tlai deuh a, thla thum te, thla ruk te pek loh phei kha chuan Rs.3000/4000/- dawn chawi belh a lo ngai a. A Tax pangngai pek ai chuan a tam daih mai a, hei hi chu a na lutuk a ni lawm ni ka ti a ni.

**PU LALRINCHHANA MINISTER** : Pu Speaker, hei hi tan kan rawn la cho zel ang tih kha vawiinniah kan in hriattir ni sela. Tin, han sawi belh leh lawk ka duh chu, motor insure chungchang hi a harsa khawp mai a. Motor lei tute hi kan thatchhe khawp mai a, dan kan hriat loh vang pawh a ni mai thei a. Insurance ho hian a thi tawh tih nun hi tih loh tur a anngaih ni tlat mai a ni. Hemi avang hian a thih tawh hnu han tihnun leh hi an ti hlei thei lo a ni. Theihpatawpa kan han nawr pawhin helai a mite chu a Branch chauh an ni



lehngal a, a harsa em em mai a ni Chu chu a nih avangin vawiinniah hian motor neitu te pawn kan hriat pawimawh em em chu kan motor insure na kha a thi tur a ni lo, a thih hma ngei ngeiin kan insure leh tur a ni, kan renew leh tur a ni. Chulai tak chu kan hriat a pawimawh khawp a ni. Engpawh nisela,

**PU R.LALZIRLIANA** : Pu Speaker, a thi tawh lam ni lovin Police ami an condemn kha kei pawn ka la a. Chumi chu insure ka tum a, a theih miah loh, a lo hlui tawh avang khan an ti duh miah lo. Chutiang chu a tam khawp mai a.

**PU LALRINCHHANA MINISTER** : Pu Speaker, ni e, Banks lampang hi an harsa khawp mai a. Sawi hona pawh kan Department ten an nei a. Engpawh nisela, Insurance lampang ho deal-na hi Transport in a deal ringawt tur pawh a ni lo a. Mizo Sorkar ah hian hemi solve tura deal tu tur tunge ni ang tia ngaihtuah hona azarah Transport ina deal ngawt tur a nilo. Finance Department in a kenkawh tur a ni tiin an sawiho ta nghe nghe a. Chuvang chuanin he thil insurance chungchang hi chu Finance Department in a kenkawh turin tunah hian an kalpui ta a. Kan Finance Department lam hotute'n Bank hotute, insurance hotute pawh biain helaiah Branch satliah mai niloin tlema ngelnghet deuh hleka helaiah rawn indin chhoh hi chu a pawimawh ve khawp awm e. Chutiang zawng chuanin kalpui a ni tih kha kan tarlang duh bawka a ni.

Awle, Pu Speaker, hei hun tam zawk lak loh kha kan interest a ni deuh awmin ka hria a. engpawh nisela, in rawn sawi tak ho kha kan record veka kan theih angin kan lo umzui ang a, a tih hlawhtlin theih dan dan kawng kan rawn zawng dawn nia. Chuvang chuan, Pu Speaker, vawiinah ka Demand - Disaster Management and Rehabilitation "Demand No. 30-na Rs.7,43,80,000/-, Tin, Demand No. 34-na Animal Husbandry Rs.18,62,26,000/-, Demand No. 40-na Transport Rs. 21,18,33,000/- Avaiin Vaibelchhe Rs.47,24,39,000/- hi he House hian min pass sak turin ka rawn ngen e.

**S P E A K E R** : Awle, Minister zahawm tak, Pu Lalrinchhan'n a Demand sawiho na te a rawn wine-up a, a Demand te pass a rawn dil bawka a, chuan heng Demand No. 30-na 34-na leh 42-na te Avaiin Rs. 47,24,39,000/-

te hi pass remti apiangin "Remti" ti rawh ule. Remtilo kan awm em ? Kan awm chuan "Remtilo" ti rawh ule. Awle. Pu Lalrinchhana Demand No.30-na "Disaster Management and Rehabilitation" Re.7,4380,000/- Demand No. 34-na Animal Husbandry and Veterinary Rs. 18,62,26,000/- Demand No. 42-na Transport Department Rs. 21,18,33,000/- Avaiin Rs. 47,24,39,000/- hi House in lungrual takin a passed a ni. ( Pu Lalrinchhana : Pu Speaker, ka lawm e). Le, kan tui te a hal em ? Kan chawl rih tawh dawn em ni ang ? Thingpui in chawlh nei ila, Darkar chanve a tawk ang em ? Anih leh Dar 5:40 ah thukhawm leh ang aw. I chawl lawk ang u.

**Dar 5:40 P.M.**

**S P E A K E R** : Kan rorel kan chhunzawm leh ang a. Tunah Pu H.Rammawi, Minister zahawm tak a Demand kan sawihona te han wind-up a. pass han dil nghal turin i lo awm ang.

**PU H.RAMMAWI MINISTER** : Pu Speaker, ka lawm e. A hmasa berin Member 18 in ka Department chan an sawi chhuak a. Khata tang khan Agriculture. Horticulture, Law and Judicial. Parliamentary

Affairs Member tam zawk ten kan ngaih pawimawhzia a lang a, lawmawm ka ti tak tak a. Pu Speaker, a hmasa ber Pu Zira, Saitual bialtu Member zahawm tak ina a sawi Sesawng tlak kal a WDPKA chungchang a sawi kha tawite tein hrilhfiah tum ta ila, kan Member tena point an raise kha, a dik chin a awm a, a chhan chu Pu C.Rosiana kha Sesawnga awm a ni lova, Ramhlun Veng Aizawla awm a ni a. Chuan khami Water Set Area Sesawng tlakah ah khanin Ram an nei a. Chuvang chuan a area chhunga an awm kha chuan an hmuh ve kha a thiang a ni. Khami Water Set chhung anih avang khan. Tiang bawk chuan Pu Biakhlira te, Pu Sangliana te pawh kha V/C kaltlanga khatiang anga tanpuina dawng an ni tih kha a hmasain kan sawi duh a.

Tin, Serthlum tam chungchangah khan kan Member zahawm tak Saitual bialtu Pu Zira sawi kha, hman deuhah khan he House ah hian Serthlum Tam chungchang sawihona kha a awm a, khami bawhzuina kha thui tak Department atangin kan kalpui a, tahchuan kan Scientist mithiam tena report an pekah pawh hian Serthlum tam chungchangah hian a chhan nia rinah chuan tui pek that tawk loh, entirnan, a rah hlim a par chhoh tan tirh ah te tui a lo mamawh bik em em a. Chuan leitha an mamawh bawk a. Heng pahnih a hi mithiam tena an

sawi danah Serthlum tam chhana a rin a pawh a ni a. Serthlum tui pek hi a lo pawimawh khawp mai. Hetah Hlimen ah pawh hian kan farmer te hian an ti a. dang tak a ni, tui pek leh pek loh chu a rah pawh a in thlau a ni. Tui pek chu aa rah pawh a rah tha a ni tih kha a sawi chhuahna zulzuiin kan thlawp duh a. Amaherawhchu, tun hnuah erawh hi chuan leilet area, WRC area chauh target lova. thil dang atanah pawh a hman tangkai dan hi i tum chhin ang u, kan ti a. Kumin atang hian bul kan tan chho a ni tih kha he House zahawm tak hi kan hrilh nisela.

Tin, Aieng chingtu tur leh a chi chah dan hi inmil deuh se tih kha Pu Speaker, a har khawp mai. Nikum favangah kha chuan a ching duh in report rawh u, kan tihlai khan report kha an awm a. Mahse, a chi kan han chah tak tak a, kan han tih chhovah hian tun thleng hian kan ching duh tih in report kha an awm zel mai a. Chuvang chuan a mamawh zawng zawng chu kan pe vek theiin kan in ring lova. Tunah hian keima kawl ringawt pawh hi Department ah pawh kan endorse tawh loh a tam hle a. Chutih lai chuan NGO te nen V/C Association te, YMA te, MUP te AMFU te nena Joint Meetinga kan rel laiah khan a tih dan tur zawng zawng kha kan rel a. Mahse a in report chauh pek tur tih a ni chuang lova. A in report ah hian hma la lo an awm ve tho ang a. Information pawh kan dawng ve tho a. Aizawl lo zin a thingtlang mi in report silo, mahni tuma tum thingtlanga hma la an awm ve tho a. Chung chu a hmunah kan in hre chiang vek a. Helai hi chu concession thui tak nei ula tiin kan NGO a hmuna khaw tina hma la tur a team te kha kan inchah a ni tih kha he House zahawm tak hi ka hrilh nisela.

Tin, Khawbung bialtu zahawm tak sawi. Farkawnah Alu chi tawih a thleng tih kha kan lo hre hauh lova. A hmian Department lam pawhin kan hre hauh lova. Nichinah khan a sawi a, ka hre ve chauh a. Department pawh kan zawt a, an hre lova. Alu chi hi kuminah hian chin tam kan ngam lohna chhan pawh a rualin a thar thin si a. June/July vel hian an thar rualin. Chu chu vawi leh khata a ruala thar anih avang hian market ah hian kan buai thin a. Fur a lo ni a. Kalkawng lo chhia a. Tah khan harsatna kan tawk thin a. Chumi ngaihtuah chung chuan mahni phak tawk ah tiin kuminah hian a chi pawh kan chah tam lova. Kan chah tam lohna chhan pakhat pawh a chi thalo tih hi a tam thin em em a. A chi tha hi a har em a ni. A harna chhan chu National Seed Corporation ah hian kan innghat lo thei lova. National Seed Corporation hian anmahniin an nei lem lova. An out-source ve tho a ni. Out source a mi collect khawm ve tho anih avang khan duh anga tha kha hmuh a har a. Chutih lai chuan hetah kan AMFU te an lo strict em em ve bawk si a. Chuvangin anni pawh hrethiam rawh u, a chi har dan hi kan ching duh bawk si a. Kan duh ang tha hmuh hi a har a ni a, kan inti a. Hmun danga sawi kan hre miah lova Farkawna khatiang chi thalo thleng kha. A lokalna hi a hla em bawk a. Phailam atangin Truck vekin a lo kal ta a. Divert chawp zel a ni ta a. Khata a lo tawih palh anih kha chuan a pawh khawp mai, ka tuarpui khawp

mai tih kha kan sawi duh a. Tin, Minor Irrigation ah khilai area khi potential area a ni a. Department in min enpui deuh hlek sela. Duhsak tlak kan nih leh nih loh pawh min enpui sela tih kha Pu Speaker, a dik khawp mai a. Khilai area khi mihring pawh an taima a, puih tlak pawh an ni a. Keini pawhin a bik takin Saikumphai area ah chuan hma kan la a. Mahse, hmanni lawkah khan border area fencing resolution kha kan pass si a. A fencing han ti tak tak ila chu kan leilet zawl tha zawng zawng khi hung pawnah kan chhuah palh ang em tih pawh chu ngaihtuah awm tak a ni a. Tiau/ramri bul mai kha a ni a. Mahse, kha kha chu kan hlat rih a. Khilai area khi khatiang ang ram tha kha kan ngah a ni ramri hrul ah khian tih kha kan sawi duh a.

Tin, Saiha bialtu zahawm tak Pu S.Hiato sawi Irrigation ah Aizawl leh Lunglei miin an thawk a, an thawk chhia tih kha Pu Speaker ka hun chhungah chuan Aizawl leh Lunglei ka thawhtir lo. Ka hun chhungah chuan Lunglei ah pawh Aizawl lam mi an lut lova, Saiha lamah pawh Aizawl lam mi an lut lova. Keirnahni area an ni deuh vek an ni tih kha kan sawi duh a. Tin, Pu Speaker, Saiha bialtu zahawm takin a sawi ang kha Palak zawl leilung piantirh ata hun hei leh chen hi a kal tawh a, nikum leh kumin ang reng renga Palak zawla Sorkarin hma a lak hi a awm lo. Saiha bialtupa in lawmthu a sawi pawh kha lawmthu sawi awm pawh ni rengin ka hria. Kan theih hram chuan kumin chhungah hian a Palak zawl zawh hram kan tum a, Pathian zarah Pu Speaker, kan dam chuan Palak zawl zawh hian Salazawl hi zawl tha deuh mai a la awm tho a. Burma saite hma kan lak chuan a lo kal ngam tawh lo anga. Burma sai hian a tibuai hlawm a. Salazawl tha em em a awm a Salazawl leh Palak zawl hi link a ngai a. Chu chu Pathian zarah kumin thal chhunta hian Palak zawl leh Salazawl kalkawng hi Agriculture link road in kan link dawn a ni. Hemi zawl pahnih leh chamdura hma kan lak that chuan Mizoram Chhimlam tan chuan kan intodelh thei mai awm mang nge an tih thin a hi a nia. Chamdur erawh chu a lian deuh hlek a, project lian deuh hleka hmalakna chi anih avangin Myanmar deuh hleka inralring deuh hleka project based a hmalak a ngai a ni tih kha ka chhanna nisela.

Tin Pu Speaker, Kawrthah bialtu zahawm tak ina kan area ah chuan Kuhva hi a nia phun kan duh ni a tih kha a area a zir hian mihring mar hi a dang ta zel a. Entirman, Thingsai velah chuan Kuhva ching tur chuan ti la an phur vak lo mai thei a. Kawrthah area ami hi an khawngaihthlak em a, tunhma favanga a tlang en a eng tuar thin serthlum hmun tunah chuan Serthlum kung ro Japan hloin a bawh han hmuh chuanin a neitu nilo pawh ni ila tha a na khawp mai a. An area bik chungchang hi chu an area milin kawng kan ngaihtuah chu a ngai dawn in a lang.

Tin, Kawnpui bialtu zahawm tak Pu Sailothanga Sailo sawi angin a Pipe mamawh thu a sawi kha hei hi chu nakinah karawn sawifiah leh ang a. Hunin a hril tlat avangin heng hi farmer demand ah a kal

lo theilo a. Tin, Kolasib bialtu zahawm takin Judicial Office ADMJ Kolasib a dah thuai an duh leh hawn thuai an duh thu a sawi kha ni e, kan melh ran ran a. amaherawhchu, Mizoram ah hian Judicial Office hi kan indaih hlawl lova, tunah hian Mamit, Serchhip District hrang hrang a lo awm, Kolasib, Champhai, Lunglei a lo ni. Kan indaih ngang lova. Tunah hian Saiha a mi kha Kolasib ah kan sawn a. Saiha hi Pu Speaker, chhuahsan theih mai a ni bik lova. A chhan chu tunhmain Aizawl. Lunglei, Saiha a ni a. Jail te pawh pathum chauh kan neihna a nita a. Chutah chuan Saiha hi Jail nena awm khep khup kan ni si a, District hlun anih avangin. Kan chhuahsan mai kha a rem bik rih lova. Chu chu Kolasib ah hian an mamawh ve bawk si a. Leh lamah Cachar nen kan boundary anih avangin. Helai hi kan ngaih pawimawh a kan en lai mek a ni.

Tin, Cold Storage chungchang, Kolasib bialtu member zahawm takin a sawi kha. Vairengte Cold Storage hmalakna hi kan Chief Minister zahawm takin pawisa awm lo pawh nise ke pen ula thil tha kan duh alawm tiin, hma min lak tir a. a loh theih loh nia tunlai kan Aieng kan Sawhthing kan tih zawng zawng te nena inzawm hi a ni a. Nikum kum hmasa khan Aieng hrallhna tur Aieng lei duh an awm a. Damdawi siam chumite nen chuan Cold Storage in neih siloh chuan engtingge tih kha a nita a. Anni in a thla biin an duh si a. Keini'n vawi khatah kan cho buai si a. June thla a chawh chi a nisi lova. A dah thatna kan neih a ngai ta a. Anniin a thla biin Quintal sang tel bi an duh si a. Kum tluanin an duh si a. Khata tang khan Cold Storage hi kan neih ngei ngei a ngai a ni tiin Vairengte a kan Cold Storage khu N.E. ah chuan a tha ber ang an ti nghe nghe a ni. Kan vannei a, an sa tha khawp a. Khu khu farmer te chotu anih kan beisei a. Tin, kuminah hian hmun dang pahnih ah hmalak leh hram hram tum ila tih kan ngaihtuah a. Khangte nena tan tlan loh chuan kut hnathawhtute thil thar chhuah hi a dahthatna a awm si loh chuan a tawih mai thin si a. Chumi avang chuan bultan a wawiinnia lo hlawhtling ta hi farmer te hamthatnan bik a ni tih kha Pu Speaker, kan sawi duh a ni.

Pu Speaker, Lunglei 'S' bialtu zahawm takin a sawi Zawlnuam bialah hna a chhia Irrigation hna ka kalna ah hna a thalo. Quality hi control deuh nise, tih kha a dik mai thei. A tha laia awm ang a, a tha lo lai a awm turah te pawh ngai ila. Tin, a then tam tak hi chu tunhma an lo thawh tawh a maintain na pawisa kan neih si loh entirnan Darlaka mite hi kei pawhin ka en a. maintain na pawisa provision kan nei si lova. Tui pawh a kal hlei thei tawh lo a ni. A lo hlui tawh lutuk a. Tunhma ami kha a ni a. Tin, tun hunah hian nakinah midang zawhna ah khan a awm thova, Department in an enkawl hian a tha zawk e tih hi a dikna lai a awm thei. Working Agency in an enkawl hi a dik zawk e tih a dikna lai a awm ve ve thei, a mihring a zir zel a ni. Department thawh hi tam takah chuan a chhe khawp mai. Tunhma a Opposition a kan awm lai pawhin ka vil ngun a, thil awm dan hi chiang thawkhatin ka hria a. A mihringa zir zel a ni. Thawktu

mihringa zir zel niin ka hria tih kha ka sawi duh a. Tin, Horticulture thlai chungchanghian hian tlem deuh rem rawm a in concentrate nise tia ngaih theih a sawi kha a dikna lai tak a awm. Selected deuh hleka kan kal loh chuan a nawlpuia kan kal thin hi chuan kan nih tur ang kan ni pha lova. Tin, Selected ah pawh chuan compact area deuha in concentrate-na area deuh kan neih hi a tul tawh a ni tih kha kan sawi duh a. Nakinah kan hlawm leh tho ang a. Tin, North Vanlaiphai bialtu zahawm takin a Alu chi kan khawplo a tih kha chu a dik khawp mai. Alu chi hi kan chah tam lutuk lova, kan chah tam vak lova. Farmer te hi min pe dawn nge dawn lo tih ngaihtuah miah lovin nikumah pawh khawchhak tlangdung Champhai. Khawzawl velah pawh an vat tawp mai a, a chi kan pe thei si lova, pek sen lah a ni lova. A duh leh mamawh zawng zawng hi kan pe theilo vang a, eng emaw chen chu pek kan tum a. Kan pe mek bawk a ni tunah hian.

Tin, Land Development a Mat phai. Serchhip Mat Phai area land development a a zawl baka ko rem deuh hlek te hi hmui tel nise tih kha chu Pu Speaker a zawl chin hi kan han tizo phawt ang a. a zawl kan zawh hnuah a tul dan azirin kha kha chu kan en turah ngai ila.

Tin, Khawzawl bialtu zahawm takin a Sapthei Market chungchang midang pawhin an sawi tho a. Sapthei Market hi kan fimkhur a, company lian lutuk va dawr hi a tha lem lo a. a chhan chu binding kan neih tam lutuk khan, an duh ang kan tlin loh khan keini kha chawibelh ve thei tho kan ni a, chuvang chuan kan phu tawk te zawng ang aw tiin tunah hian a hma deuh atang khan company hrang hrang kan dawr a. Tunah hian ITC kan tih Indian Tobacco Company te Godrej te nen hian kan indawr mek a. Tunhmaa kan koh ei ngai loh DABUR hi Manipur ah hma an la tawh a. Manipur a buai em avangin an sim deuh tlat a, Manipur ang turah min ngai a. Kan nih lohzia hi a hmunah min hmu ula, tiin kan Chief Minister ngei pawh hian an Chairman Delhi ami kovin thil awmdan a hrilh pawh khan kan convinced thei lova, Manipur anghah min ngai tlat a. Mahse, min hrechiang tawh a ni ang tunhnaiah hian lo zin te pawh an tum a. Hei hi keimahni hi ka Department chan bik atanga tih theih pawh a ni lova, Trade and Commerce te nen, Industry te nen inrawn tlanga MIFCO te nena kalpui ngai anih avang khan duh ang hian kan chak thei lova. Amaherawhchu, chak lutuk pawh a tha bik lo a ni. Fimkhur a ngai hetiang anghah hi chuan. Theihtawpin hma kan la a, mahse he market hi chu kan link dawn. Mizoram Sorkarin he market hi chu a link ang, time factor mai a ni tih kha he House zahawm tak hi kan hrilh duh a.

Tin, Khawzawl bialtu Member zahawm takin a Phaisen Khawzawl M.I. Project Champhaia sawn anga a sawi kha chu Pu Speaker. atir atangin Project an siam tirh atangin hei hi ka hriatpui a. Khatianga sawn a awm lo. Kan duhna area hi kan bawh kim theilo zawk a ni tih kha ka chhanna ni sela.

Tin, Ngopa bialtu zahawm tak Pu Rohluna zawhna Horticulture Department National Horticulture Board atanga loan la te kha ka lo chhinchhiah chiang lova, Sapthei ching nge Grape ching nge ni ?

**PU H. ROHLUNA** : Khawngaihin a chian loh avangin kan sawi-fiah lawk ang a. Grape ching chhungkaw 69 khan Rs.780/- an thawkhawm a. Rs. 50,000/- chuang a tlingkhawm a ni. Chu chu Champhai SWHO khan National Horticulture Board hnen atanga Loan a dil sakna atan khan a lakhawm a ni. Tichuan a pawisa kha loan in hmuh loh pawhin in hmu let leh ang tih khan a sawi hmuh si a, tuna loan an hmuh har takah khan 2005 kum ami kha a ni a. Chu chu an hmuh har takah khanin a pawisa kha an va beisei leh a, tichuan a Scheme siam nan te kan hmang a, tikhan a pawisa pek let leh kha a tum ta lo ni hian an hria a ni Chu chu an hmuh let leh theih dan kawng a awm em ? tih kha a ni, Hetiang hi an tan a harsa em a ni. Khinglai atan chuan.

**PU H.RAMMAWI MINISTER** : Pu Speaker, hei hi National Hrticulture Board ho khuan tihdan phung an nei a. anmahniin hetiang ang hi an la ve tlat a. Chu chu va submit a ngai bawk si a. Helai Aizawl Level a hei hi tih mai mai a ni lova Khutah khuan tih dan phung an nei a, khatianga an tih kha a nia, amaherawhchu Pu Speaker, hei chu mimal tak pawhin khutah ka lo enzui ve ang e. Hei hi chu kan Farmer te tawrhna, Aizawl ah pawh hian an ni tho. A then hi chu an rawn return thuai a. Hei hi an kalphung a ni tih ka'n sawi duh a.

Tin, Rabung Minor Irrigation khaihlakna chhan a Champhai lam MNF hotu mawhpurhna anga sawi erawh kha chu a ni lo. working season hmain pawisa hi min pe thei tlat lova, pawisa min pek leh fur a in nangching ta a. Chuvang chuan Fur chhungah hian hna thawh kan awih lova. Fur chhunga hnathawh kan awih loh avangin tunah hian nikum April vel ami May vel ami kha an thawk tan leh chauh a ni. Central lamin pawisa min pek tlai thin vang a nia. Tin, Pu Speaker, House Information atan nakina kan vai hriatah pawh a tha anga

hmun dangah meetingah pawh sawi chhuahna tul hun a awm mai thei a. Hmanniah kan Chief Minister a hman loh avangin NEC Meeting ah Guwahati ah ni 9,10,11. ah ka a tel a, chutah pawh chuan Central Water Resource Ministry khuan nangni North East chu Project Report in submit tlai em alawm, in tlai avangin pawisa hi kan rawn release tlai thin a ni, min ti mai a ni. Anih leh nikum September thla a kan submit kha, vawiin hi March ni 10 a ni tawh a, in release em ? Kan working Season hi November–December atanga May thla thleng chauh a nia, te kan in ti a. Chu chu House Information atan nakinah sawi chhuahna leh sawi tul hun member kan nihna angin Delhi tlang leh hmun hrang hrangah a awm ka ring a.

**PU H.ROHLUNA** : Khami kha midangin an thawkzo tawh si. a ni chauh khan hma pawh la lovin ti khan a awm si a. Chu chu a hna ti khaihaktu a ni ka tihna mai a ni. Midang chuan an thawk tawh a nia, kan Minister zahawm tak kha a chiang lo a ni ang.

**PU H. RAMMAWI MINISTER** : Pu Speaker, ka chiang e. Kum hmasa khan a then kan pe a, kha kha a hunah fur khan a tlak chilh avangin kan thawk thei ta lova. Chuan a hnuah an thawk ta chumi hnuah chuan a phase hnihna a kal leh a ni. Phase khatna leh Phase hnihna kha a rual lo, kum khatin a in thlau. Chuvang a ni tih kha kan sawi duh a.

Tin, Pu Speaker, Member zahawm tak Pu Lalrinliana Sailo thusawi kha enpuitu siam Minor Irrigation ah khan a tha ka ti khawp mai, thildang dang pawh Monitoring Team kan nei a, tunah pawh hian Monitoring Team hi North Vanlaiphai, Serchhip, Champhai lamah te kan tir a. Chutiang chuan Party a lang vak lo. NGO lam hawi tunah hian tihchhuah leh mek kan tum a, Chu chuan avai vaiin a cover theilo ang a. Kan aiengte nen hian, Thil dang dangah pawh cover thei turin tunah chuan Monitoring Scheme pawh hman tangkai kan tum a, hlawk pawh a hlawk tih kha kan sawi duh a.

Sialhawk ram lei a zim lutuk tih erawh kha chu tunlai khawvelah chuan ram neilo lo hi an changkang mai a. Aizawlah pawh vengtin a ram kan nei lova, kan changkang a ni mai a. Chuvangin ram neilo hi an changkang zek a ni, an taima a, tan an la a.



Tin, Pu Speaker, member zahawm tak Phuldungsei bial ami Pu Liansuama han sawi chhuah High Court hrang neih tih kha High Court hrang nei tur hian kan inkar kan in kar a, High Court nen hian thil duh an nei a, an thil duh chu Pu Speaker, awm ang ve deuh chu a ni tho Aizawl laili thei ang ber ah hian High Court hi an beisei a, kan thei bik si lova, a ruak hi a awm bik si lova. Revenue te, GAD te nen Law Department te nen theitawpu tangruala an zawn pawhin hmun laili takah hi chuan High Court hmun tur hi a awm bik si lova. Tuna Governor luahlai te hi an kawk an kawk a. Mahse, a rem si lova. Chuvangin tunah hian Government Complex thlangah khuan enlai mek an neiin ka hria a. Kha kha a fel tawh emaw, hmun kan neih fel hi chuan hei hi chu a kal chho turah dah ila, keini pawhin kan duh an ni pawhin an duh hmunah khan kan inkar a ni tih kha kan sawifiahna nisela.

Tin, Member zahawm tak Pu Liansailova'n farmer te tan pawisa dah hi a tlem deuh lo maw tih kha Mizoram U.T. kan nih tirh atang khan Pu Speaker, Session apiang hianin farmer te tan, kut hnathawk tute tan pawisa a tlem, pawisa dah hi a tlem tih hi Session apianga sawi rik hi a ni ve hrim hrim a. Mahse, State pawisa kalphung mila kal hi a ngai bawk si a, kan phak tawk tea kan pen bek bek hi a ngai a, kan neih chhun hi hman tangkai an a tul tak meuh a ni tih hi kan sawi duh a.

Tin, Pu Khawpuithanga sawi Agriculture link road a K.M. khatah cheng nuai thum hi tlem deuh e tih kha keini pawn a tlem deuh kan ti, mahse, kan siam tha hman tawh si lova, kan kalpui lai kha kan kalpui a ngai mai si a. Chuvangin hei hi chu a tlem kan ti a, hmun thenkhatah chuan a tawk a, ram azirin, hmun thenkhatah chuan a tawk lo khawp mai, chuvangin en that deuh a ngai, tin a rei tawh hrim hrim a, kan hmang hlui ve reng reng a. tih kha ka chhanna ni sela.

Tin, Pu Speaker, kan Group Leader zahawm tak Pu Lal Thanhawla rawn sawi chhuah Seperation of Judiciary hi engvangin nge kan muan tih laia hi Pu Speaker, sawifiah ngai a awmin ka hria. Mzoram a Seperation of Judiciary kan muanna chhan hi MJS Rules dan siamah High Court duh dan leh Mizoram Sorkar duhdan a inmil lo a ni. Kan duhdan a in ang lo a ni Tin. High Court in an duh ang thal in Mizoram Judicial Service Rules si kha an duh ang thal in an draft a, hei hi lo notified rawh u an ti a, kan han en a, kan hnam tana thil thalo kan hmu tam ve si a. Chu chu kan duh bik si lova. A reng rengah State sorkar Rules a ni a. Supreme Court thubuai a awm avangin Supreme Court tan chhanin an ti a. Supreme Court pawhin High Court kha in duh angin lo siam rawh u, a ti reng reng lo, State Sorkar nen lo inrawn rawh u ti reng si kha. An duh ang thalin min rawn reng reng lovin Rules an siam a. Chu chu lo notify rawh u an ti a. State Sorkar tan notify chi ah kan ngai lo. Engvangin nge ? Kan hnam humhalhna

engemaw tal a awm loh chuanin thangtharte tan, kan generation kan ngaihtuah a ngai a. An duh ang thala an draft ang ang kan approve chuan, Mizoram Judicial Service Officer tur hian, Mizo fa hi kan tling thei ang em ? Delhi leh Kolkotta mi kan compete thei ang em ? tih pawh kan chhut a ngai. Chuvang chuan, kan inchai rei a ni. High Court Chief Justice lah an inthlak zing. Pathum pali an in thlak hman a. Pakhat kan va dawr a. A hnu lawkah an chhuak a. Pakhat kan dawr a. A tawp a tawpah chuan, hmanni a chhuak ta kan Chief Justice hnukung ber bulah khan. Pu Speaker, he House ah hian sawi mai ila a pawiin ka hre lo. Supreme Court ah te khan kan Chief Minister te hi High Court thu ngaihsak lo ang te hian Affidavit an file a. Lehkha pakhat mah hmu silovin. Khatiang angte khan min lo ti a. Chuvang chuan, kan Chief Minister hovin Chief Justice te nen an judge hote nen theihtawpa inhnial leh kha a ngai ta a, Chutah chuan thu hlawm hman deuh lawk khan kan nei thei ta a. Chuvang chuanin, a Rules ah khan keini chuanin Mizo language nei Middle Standard tal a tel loh kha chuan himin kan in hre lo a ni. Mizo language knowledge Middle Standard tal an nei tur a ni tihte kha telh kan duh a ni. Khami anih kha chuan ngawi rengin sedai kan theu tha ve ah kan ngai a. Anni in kha kha an duh si lova. A tawp a tawpah chuan kan duh ang thlapin a lo kal ta a. Kan sawifel ta a. Tunah hian a bawhzui tur tlem DP & AR lam atangin a awm a. Chu chu kan dinhmun a ni. Kan tlai na chhan kha a Rules ah kan inchai rei lutuk a ni tih kha ka chhanna nisela.

Tin, Aieng diklo man chungchangah khan. Aieng hralhtu diklo, Aieng hralhtu leh a leitu tih kha, a leitu leh a hralhtu an sual dan a in ang reng tih laia kha a in anglo a ni. Pu Speaker, farmer te hnenah kuminah chuan, tun hmaa kan tih ngai loh Farmer te ka luh chilh ila, collection centre siam ila. Chutah chuan farmer te khan an Aieng rawn dah sela. Lungtum a tel lohna turin, Sawhthing bag ah lungtum a tel thin, Buhfai bag ah lungtum a tel thin Mizoramah kan practice. Khatiang kha awm thei a nih avang khan engtingge kan tih ang kan ti a. YMA te, V/C Association te, AMFU te nen, NGO hrang hrangte nen a remedy kan zawng ta a. Khawchhung atanga an rawn pack ah khan a fai tha tur a ni kan ti a. A bag ah khan a neitu hming an ziak ngei ngei tur ani kan ti a ni. Chuti lo chuan, check zawh sen ani dawn lova. Chung hunah chuan a hriat theih ang kan ti a. Khatah khan, a bag ah khan an hming an ziak ta a. Khata tanga heta a receiver hovina an lo receive mai kha a ni a. A pawisa pawh an pelo rih a. Hei hi pawisa pawh engmah an pe lo. A lehlamah chuan Pu Speaker kan sawi duh chu khatia tih takah chuan intentional a a tih ringlote pawh an awm thova. Amaherawhchu, lehlamah chuan Mizorama hetia hma kan lak lai hian Mizoram hmun hrang hrang ah hetiang thil awm thei veng tur hian Pathianin ani hi a ruat a ni awm mang e tih hi ka ngaihdan a ni.

Pu Speaker, min hrethiam sela kan opposition group Leader thusawi - Thenzawl kawng chung tihnge ni, khawilai nge ni kha kha (Speaker- nichin khan I sawifiah tawh a ni lawm ni kha lai chu nakinah I la hma zel ang chu). Pu Speaker, ni e detailed lutuk a sawi chu kan hmanhmawh tlang si a, sawi hmanhmawh rawh aw tih a ni a. Thil pakhat chiah kan sawi duh chu Mizoram kuthnathawk tute, farmer te tana hamthatna, North-east-ah hian District zawng zawng nei awm chhun, hemi farm science centre an tih KVK an tih hi Mizoram District zawng zawngah hian keini Mizoram hian kan nei kim vek a. Chungah chuan farmer te hi hemi building kan han sa zo ang a, engkim kan han equipt anga, farmer te Aizawl rawn kal ngai lovin khalaiah khan train theih an ni ang.

**PU LALCHHANDAMA RALTE**

:

Pu Speaker, Minister khanin memberte ngaihpawi mawh kan zawh, kan bial chhungte leh thil dang dang kan sawi-lan chhan diat diatah khan min keu

kan deuh khan ka hria a. Kan bial chhung thil enge maw han zawh ka neihte a kha min chhang lo tlat mai a. Kan sawi nawn leh mai ang a I phalna in. Horticulture Sub Circle Thingsulthliah a awm mek hi min upgrade sak thei dawn em? Hei hi circle puitlingah min dah sak thei a ngem? tih leh Chalfilh panga cheng khaw pali Khawruhlian, Hmunnghak, Khanpui, Lailak te Aieng ching tura kan tih, amaerawhchu a chi a lo awm mai loh avanga khawtlang tangkhawmin Sawhthing kan ching mai anga. Sorkarin a chi min rawn pe thei lawm ni a tih a kha kan pe thei dawn em tih leh. Tlungvel Constituency khi Tam areas an nih avangin Agriculture Department. Horticulture Department hian model atanah priority a pe thei em? tih ka zawha kha min chhang thei hram se ka va duh ve.

**PU H. RAMMAWI  
MINISTER**

:

Pu Speaker, a area pumpui hi chu priority han pek pawp hi chu a har a, an chang kanga entawn tlak an ni a. Chuvangin a tai-ma party, hmanniah MLA an thlang tling

nawh mai a. Kha ta tang khan an mar kha chu a hriat mai a. Thingsul a Horticulture Circle hawn hi a thar, a set thar siam hrim hrim hi tunlaih chuan Finance lamah hian harsatna hi kan nei a. Chuvang chuan Pu Speaker, hei hi chu ka sawi mai thei lova ni. Sawhthing chingtu an awm tih kha, Aieng aiah Sawhthing chingtu tur an awm tih pawh kha, Sawgthing kha lei sak dawn ta ila, tunah hian

BADP hman pawh a awm tawh lova. BADP tih hman pawh a awm tawh lova March thla kan kai tawh a. Chuvang chuan khalai kha ngaihtuahna thara kalpui a nih loh chuan procedure pangngai ang chuan, hei march thla a liam dawn tawh a khatiang ang dinhmunah khan kan ding a. Pu Speaker, pakhat pawh sawi kan ka nei a, Lengte tih bawr vel kha, land development Lengte hmun dangah insuan an tum tih kha kan tum hran lo, hmun dangah insuan kan tum lova, amah a awm lo bawk a. Sawi zawm lo mai ila, hmun dangah insuan kan tum lo tih kha kan chhanna nisela. Tin, Pu Speaker a tlangkawm nan, rei min ti miau tawh a, mahse tlangkawm a ngai si a.

**PU R.LALZIRLIANA** : Tha takin a tlang a kawm dawn ta a, kan in vau nasat telul nen, a rei ta hle mai a. Hei Kolasib bialtu MLA zahawm tak Pu K.Lalrinliana zawhnaah hian Red Oil Palm tiak dawng phun lote hi 156 lai mai an awm a. Hei hi tanpuina in pe ve nge. an dawna kha an rawn kir leh nge ni a, khatiang vel kha engeni a awm zia han sawifiah leh lawk teh, tawi te in aw, sei vak a ngai lo.

**PU H.RAMMAWI MINISTER** : Pu Speaker, a phun chat chat lo kha chu subsidy pek loh tur kan ti.

**PU R.LALZIRLIANA** : Hei zanga dawng te, midang aia dawng tam zawk an ni lehngal a, engtingge an tih? an rawn kir leh nge? khalai te chiah kha.

**PU H.RAMMAWI MINISTER** : Pu Speaker, kan zuk hre em em lova. tam tak chu tui pek lem lohin an kawl a. anmahni in bulah te an kawl te, tin. House plant ah ten. Aizawlah pawh House plant a kawl hi an awm nual a, khatiangte kha a awm a. A kim lo tih kha chu kan hria. A kim lohna chhan erawh kha chu a vai vai khan kan hre bik lo tih kha.

**PU D.THANGLIANA** : Pu Speaker, N.Vanlaiphaia Alu chi sem mekah khan unload naah khan bag ah Rs.30/-intunah khan an laksak a, kha kha a tur reng nge, kha kha khawiah nge pawisa kha a kal ang tih laia kha.

**PU H.RAMMAWI  
MINIATER** : Bag ah Rs.30/- maw ? bag khata Rs.30/- chu Pu Speaker, kha kha a hmian kan hre lova, kan lo en ang e. Ka biala mi chu. Cheural khua a mi chu Aizawl ah hian

an nghak ngar ngar a, motor pawh kha an escort char char a. Cheural thlengin Aizawl atangin an escord char chara anmahniin an buaipui vek a ni. Khaw thenkhat erawh chu khawchhunga Alu a thlen tawh hnuah pawh load tu tur mi kha an inhmu tlat lo, a chin chu kan duh. Khatiang kha kan awm a. Vanlaiphai chu khatiang an nih kha ka ring lova. Tichuan thil thar financial year thenah hian kan ti a. A zawng a zain kan ti lo vang, kan Farmer te zingah hian sawi hi a tam a, mahse theory leh practical hi a inang lova crop insurance kan sawi thinin kan maian nen chuktuah huana Anthur nen lama insure chi hi a ni lo reng reng a. Amaherawhchu, insurance hi sawi sawi anih avangin. Tin, thlai engemaw bikah hi chuan a ngaihna chang a awm avangin kuminah bik hian beka leh vaimimah hian tih chhin ila. kumin kum tharah hian thlai thlan bika, chutah pawh chuan Mizoram hmun hrang hrangah ni lovin concentrate bikna kan nei anga. Chutah chuan Crop insurance te tichhin ila kan tia a premium subsidy pawh hi 2.5% velin a kal ang a. Kan han tichhin phawt ang a, chuan a tul dan azirin a dang kha kan enzui zel ang a. Chu chu Mizorama kan tih ngai loh kan han ti chin phawt anga chuan Speaker, House Member pawhin min hrethiam ula tihchhin nan kan enchhin anga. Tin, insurance company hi tunhmaa an duh lohna pawh kha anmahni thatna tur ngar ngara kal, a buaipuitu State Sorkar indan Commission pakhatmah nei si lovin khatiang khan an kal a. Chu chu State tam tak in a an duh lohna a ni a.

Tin, chulo leha chuan hemi, hmaniah News Paper Magazine ah pawh kha India ramah hian a lang tawh a. Green Revolution kan tih 1960 vel atanga lei tha kan hman tak tak khan a thar chhuah chu a pung a. a tha em em a. Amaherawhchu a kal zel ta a, tunah hi chuan Traditional Seed ah kan kal a, hun tawh tih a ni leh tlat Hybrid kha a chi ah a ni. A chhan chu a theih tawh siloh a. Chuvang chuan, kalsanin kan traditional seed ah hian vaimim thar pangngai, buh anih pawhin, kan ram leilung a kan thar chhuah ngei hybrid nilova kha, khatiang anga kal kha a tha tawh a ni, tih hi tunah hian India Sorkar hian an hmuchhuak leh tawh a. Chutiang tur chuan seed village tunah hian thlang chhin ila kum tharah hian. Khatiang ang atan khan thlai chi enge maw zat in buatsaih ila kan

ti a. Traditional seed tunhma a kan thlai origin pangngai a let leh tur khan tunah chuan vaimim pawh kan face out zo leh tawh a. Hybrid hlir kan lak avang hian thlai dang pawh a ni a. Khatiang anga kal kha bul tan nanah kan tum a ni tih kha Pu Speaker, ka'n sawi duh a. Speaker, a tawpna berah chuan sawi tam in hlau si a.

**PU K.VANLALAUVA** : Pu Speaker, kan tilo ang kan ti deuh nang a. Farkawn khua Alu thleng fello kan tih kha kan sawi chiang law law mai ang a, a motor rawn phurhna ah pawh khanin a tawih kha a luang tawh a. A hmun a thlen pawh khanin mipui unload tute pawh khanin a rimchhiatzia nasa takin an sawi a, bag 50 zet a ni a. Kha kha chu fill-up a thalo maw tih kha sawi chianna kan ngen duh e.

**PU H.RAMMAWI MINISTER** : Pu Speaker, kan lo enzui ang e. A thleng nanah an Lurh kawngah khian laih zawh loh deuh hlek a awm a, laihsak ila an remti mai engemaw Pu Speaker, chumi hu vel chu Lurh kawng khi kan lai laklawh a. Kha kha a rem thei an gem aw. Pu Speaker, kan lo enzui ang a.

A tawpna ber atanah chuan, Pu Speaker, ka sawi duh chu vawiin niah hian he House information atan a ka sawi duh chu Khawvel hmasawna kalphung milin Zoram hi kan kalve a ngai tawh a, tah chuan Zoram kut hnathawktu te hi, khawvelah hian mirethei za a 61 hi lehkhabu pakhtah chuan South Asia ah in awm min ti a, an ziaa a. World Development report ah khan India ramah hian Below Poverty Line hi 35% kan awm a. Hmanni NEC Meeting ah chuan North Eastern Region Area ah hian 85% hi Rural Area ami in ni tiin an Plan buah engkim an ziaa vek a. Chutah tak chuan kut hnathawktu te, ram rethei kan nihna chhan hi kut hnathawktu te kan retheih vang a ni a. Kut hnathawktute hi shifting cultivation atanga permanent farming a kan khalh luh kan kaihhruai a ngai a. Chuta kaihruai tur leh khalh lut tur chuan compact area ah kan luh a ngai ta a, potential area ah kan khalh luh an ngai ta a. Potential a khalh lut tur chuan link road a ngai a, potential area connectivity a ngai a, land development a ngai, tui a ngai, irrigation a ngai. Khalai a kha kan zawmthiam hi a ngai a. Chumi tur chuan enge chin tur, engtia chin tur nge, engtia market tur nge. Chulai takah chuan Zoram kut hnathawktu te hi kan khalhluh tan hi a ngai a. Hmuntin. hmuntangah kan chuh helh a kan pawt darh a.

Pu Speaker, ka inpuang mai ang e. Nikumah pawh khan thiltih fuh vakloh pressure avanga kan tih tur kan tih fuh vak loh a awm a ni. Citronela te kha hmun khatah ching vek ila a rah seng tur hi mipui hriatin a awm tawh tur a ni a. Kan inchuh a kan pawt darh a, kei kei kei an ti a, dan a har lutuk a. Hmun hrang hrangah Aizawl hnai chu a ni reng a, kan chindarh tir palh a. a seng khawm a rem tlat lova. Chuti nilo se, hmun khatah Lawipu vek nise chuan a khawl nen Citronila Oil kha min chang reng a, duh an awm reng a ni, thildang pawh. Chutiang anih avang chuan. Pu Speaker, he House zahawm tak rilruah hian awm sela, tih ka duh chu Mizoram kut hnathawktute retheihna ruam atanga kan chhanchhuah dawn chuan market oriented - a hma kan lak a. Sap thei market te. Aieng market kan tihte hi tunah hian zanmu lovin a market hi kan ngaihtuah a. fimkhur a ngai tawh bawk si a. Oil palm te leh Jathropa te nen khaihkhin chi a nilo. Jathropa leh Oil Palm chu essential Oil anih avangin Government of India in a rate an fix ang anga kal tur a ni a. Anni hi chu a ni ve si lova. Chutah pawh chuan contract farming a kal tur pawh hian contract farminga kan kal dawn reng reng hian an duh chu ram hi list in min pe ula, keimahni in kan ti ang e, an ti mai a ni. Oil Palm pawh Jathropa pawh hi. Chu chu Mizo hnam tan a hlauhawm lutuk mihring kan tlem lutuk a. Kan ram hi kan roh em em a, Mizo hnam hmelma lian ber a ni, hei hi chu, A sawi pawh sawi tawh reng reng suh u, tiin Company kha kan hrilh a ni. Agreement MOU kan sign na chinah chuan Oil Palm pawh hi Pu Speaker, he House Information atan, a kawng kan kawhhmuh a, a kawng kan zawh dik chuan Oil Palm a Company 4 Agreement kan sign puiten an mamawh BSC (Agri) hi tunah hi Mizo faten kan daihlo a ni. Employment lak an duh kha tunah hian kan tlin tlat lo. Hnamdang an lak kan hlau si a. Chuvang chuan, vawi lehkhata lak teuh hi a tul love, bul in tan chauh a, pahnih/pathum te tein la rawh u, kan inti a, kan inthlem kan inthlem a. Chumi chung chuan BSC (Agri) tuna zirlai hi an lo chhuak ve ang a, an inzawm chho ang a, tih ngaihtuahna nen kan kal chho a ni. Chuvang chuan he Programme hi kan zawm fuh chuan kan hnam tan, kan generation tan hei hi thil pawimawh a ni, kan dinchhuahna tur a ni, tih kha ka sawi duh a.

Tin, Pu Speaker, pass pawh dil theihngihlh a awm lek lek mai, ka Demand No.4-na Law and Judicial Rs. 4,43,15,000/- Demand No. 12-na Parliamentary Affairs Department Rs. 26,85,000/- Demand No. 31 Agriculture Rs.77,23,60,000/- Demand No. 32 Horticulture Rs. 14,11,50,000/-. Avaiin Rs.96,05,10,000/- hi he House zahawm tak in min pass sak atan ka rawn ngen e. Ka lawm e.

**S P E A K E R** : Awle, Pu H.Rammawi, Minister zahawm takin a Demand No. 4 Law and Judicial Department Rs. 4,43,15,000/-. Demand No. 12-na Parliamentary Affairs Department Rs. 26,85,000/- Demand No. 31-na Agriculture Department Rs. 77,23,60,000/- Demand No. 32-na Horticulture Department Rs. 14,11,50,000/-. Avaiin Rs. 96,05,10,000/- te hi

he House-in lungrual takin a pass ta a ni.  
(Pu H.Rammawi, Minister : Pu Speaker, ka lawm e).Awle, vawiina a hnuhnung ber  
atan Pu K.Sangthuama, Minister zahawm tak a Demand kan sawiho te rawn wind-up  
in pass rawn dil nghal sela, a tha ang e.

**PU K. SANGTHUAMA  
MINISTER**

: Pu Speaker, ka lawm e. Hei vawiinah kan  
Demand pathumah Supply Department hi  
Member zahawm tak tak mi 13 in an sawi a.  
Co-operation hi mi 3, tin, Sericulture hi  
member 8 in an sawi a. Tichuan, a reiloh zawk nan Member te thusawi heta tanga  
kan lo chhinchhiah te hi kan sawi thla ve zar zar ang a. A tlangpuiin kan hnathawh  
tawh emaw, kalphung emaw chu sawi vak lovin a tha zawkin ka hria a. a reiloh  
zawk nan. Buarpui bialtu MLA zahawm tak Pu Zodintluanga'n supply Department a  
bukna chungchanga a rawn sawi kha. Ni e, bukna hi Retailer te hi a sang tel kan  
nei a. Rin ai hian an thil hman hi va hriat vek a har khawp mai a. Vawiinah pawh  
hian a buk a buk loh a, asuah a suak ta hi a la awm ang tih chu kan pha hauh  
lova . Tunhma pawh khan bur hianin kan naupan lai pawh khan hetiangah khaina hi a  
la awm vak lo lehngal a, chung hunlai atang tawh a mau bur lian Kg. a tehkhawng  
a tih mai hi tunhma atanga kan chindan kha a ni a. Khatiang ang a vawiin thlenga  
la ti tawh hi an awm reng a. Heng hi a fello khawp mai a. Hrilh pawh kan in hrilh  
ngun a, Department lam pawhin an hrilh ngun a. Chutihlai karah vawiin thlenga  
chutiang hmuh tur a la awm fo hi chu a pawh khawpin ka hria a. Engpawh nise.  
theih tawp kan han chhuah leh ang a. Hetiangah hian keimahni kan rinawm tlan te a  
ngai hlawm a. A buku te retailer te, kan rinawm theuh kha a ngai a. Hei Phairuang  
kai a'n sawi pawh hi Kg. 35 ni tur, an buk diklo a ni a tih te pawh hi thil awm  
thei deuh mai a ni a. Engpawh nisela, kan member zahawm tak Pu Zodintluanga'n  
a sawi, House a sawi hi a duh tawh leh mai thin em ni ? tih hi, kan duh tawh bik  
hauh lova, theih tawp kan chhuah a. Tin, kan Department a kan Store Keeper te.  
kan DCSO te, Inspector te, hetiangah hian instruction chu kan pe ngun khawp mai a.  
Kal ula, check teh u, te kan ti a. Chunglai kara lo la awm ta te pawh hei awm nia  
sawi kan MLA zahawm tak tak ten hei a hmun ngeia hmu a, an sawi te pawh an  
awm a ni a. Hemi kawngah hian theihtawp kan lo chhuah leh phawt ang a. Kan la  
duh tawh mai lova, theihtawp kan chhuah zel dawn a ni tih kha vawiinni hian kan  
sawi duh a ni.

Tin, BPL chungchanga a rawn sawiah pawh  
khan, Central Sorkarin BPL hi kumtin tlem tura a tih kha helai kawngah hian kan  
tum ve ran a ni a, hei pawh hi. Amaherawhchu, BPL hi criteria han siam a hi  
Central Sorkar atangin a awm vek a. A hmu tur chin leh hmu lo tur chin a awm  
vek a. Helaiah hian harsatna tam tak kan nei ve a. Mizo hi mahni in lak fihlim aia



thil zu chan ve duh mi tam tak kan lo awm a. Chuvang chuan harsatna lian tak BPL chungchangah hian tun mai pawh a ni lovang a, tunhma atanga Sorkar hmasa daih atang tawhin harsatna kha an tawh ve tho ka ring a. Tunah pawh hian a tlem lama kal kan han tum hram hram na kawngah pawh hian rin ai hian tihfel thlap a har duh ang reng khawp mai a. Tihlem deuh deuh kan han tum a. Central Sorkar ah pawh hmana Central Ministry ka zu dawrna ah pawh an sawi a. Hei hi kumtin a tihlem hi kan duh ber a ni a. Chu chu kan ram a changkang zel a ni tih entirnan. Chu chu nangni pawhin tum ran ula. A loh theih loh chin chauh lo hi chu tih loh tum hram hram teh u, an lo ti a, an zahawm hlein ka hria a. Chuvangin, BPL tipung tura Central nawr tur phei chuan min nawr lui reng reng suh u, ka ti ve mawlh mawlh a, thil zahthlak a ni a, changtu nih pawh a zahthlak a, chuvangin BPL leh AAY tipung tura Central sorkar dawr tur hi chuan kan kal miah dawn lo a nia ka sawi dawnlo a nia, ka ti ve mawlh mawlh a, helaiah hian ni e, kan bial te theuh pawh kan member zahawm tak tak te kan chah duh chu BPL nih tuma in tlansiak lo tura kan bial te theuh pawh ngaihtuahna hmang thei tura kan zirtir a thain ka hria a. ka'n ngen nghal duh bawk che u a ni.

Tin, Petrol chungchang kha han sawi ta ila. Petrol chungchang hi kan member zahawm tak tak ten in rawn sawi deuh vek a, hei hi hmun khatah kan lakhawm mai anga kan Opposition Group Leader Pu Hawla pawh khan a sawi a, a dik khawp mai. Kan ngaimawh a, hei hi nasa takin kan bei a, hman deuh khan Bagha ah khuan karkhat chhung zet kan Department mi pahnih phei chu ka zu chamchilh tir nghe nghe a, an tihna lai zu en ula, hei hi in hriat chhuah theih chuan kan ti a, miin an rawn hrilhna lai chiah a kha kan zu chanter a. mahse, karkhat chhung khan chulai hmunah chuan an lo ti lova, an zu hmuchhuak thei lova, chutiang ang chuan theihtawp kan chhuah thin a. Tin, chu lovah pawh enge ni a awmzia hre turin Tanker pawh kan zui tir ve ngat ngat a ni. Anmahni a kha hre lovin a Tanker a kha enge ni an pawlh dal em tih te en thlithlai a, an hriat theih loh a zuitir te pawh kan nei a, chutiang chuan theihtawp helai ah hian kan chhuah a, tunah hian kan ziaawm viauvin kan hria a, a check-nain kan check reng a. kan Department Legal Metrology ah hian hetiang check tur hian kan Inspector te an awm a, Heng hian Petrol lo thlen apiang hian an va check zat zat a ni. Chutah chuan Company hian phal chin an nei a. Company-in a an teh china a thlen chin ang a thlen hi chuan unload tur a ni a. Chutiang ang a thleng lo anih chuan a hranin unload phalloh a ni mai a. Chuvang chuan hmanna buaina kan tawh kan Tanker nei te an han Strike lai pawh khan hetiang hian a tehna kan han siam vek a, escort leh escort loh te, escort kawnga a kal lai te, tin, a lo thlen hnu te, tin Ramnagar a an lak chin chiah te kan han ti a. Chuta kan han tih pawh chuan an escort avang khan a danglam chuang lemlo a ni. Minus leh plus a awm vek a, tah hian. Hei hi a duh tan chuan en theih vek a ni, hei a ni te nen, a agent zawng zawng te nen kan nei vek a. Chuvangin Company in a an lo phal chin bak a thlen hi chuan tih loh tur a

ni mai a, chawitir a, khatianga ngaihtuahna dang hman tur kha a ni ta a. Mahse, a tlangpuiin company in a an phal chin loh ang hi chu kan hmu meuh lova, tunah hi chuan kan tha thawkhatin kan hria a. Chuvangin hetihlai ah hian a tehma fel tak kan nei a, tin, Police ami pawh hi tha bika an han sawi a hi a lo tha bik chuang lem hlei lova, a that dan a thuhmun reng a, a dang nen agent dang ami nen hian a that dan kha a danglam bik chuang lo a ni. Chuvangin kan hmuh dan chuan hetia kan beih vak chinah hi chuan a thun tlakin kan hria a, a hman tlakin kan hria. Hei pawh hi hmuh theih vek chu nise a thain ka hria. Ka la rawn Xerox anga naktuk lamah chuan member tin te pawh pe thei ila a thain ka ring a. Chuvangin keini'n a kan ngaihnan ah chuan hei hi Psychology te mai ila hei hi a awm ve a, pakhatah chuan, tha lova thil hi kan sawi kan sawi chuan kan hmu thalo ve mai ni te pawn a lang a, company in a an phal chin na na na baka hi chu tih theih kan nei lova, a Sorkar hian chuti chin tia tehkhawng kan nei ve lova, company in a a tehma khawl min pek a, chu khawl atang chuan a lo thleng apiang kha kan teh zat zat a. Chuta tanga hei hi lak chhuah a ni a. Chuvangin tunah hi chuan a tha thawkhat tawh e. Za a za hi a tha vek e, tih a harsa viau pawh a ni mai thei a. Mahse, a tha thawkhat tani chuan kan ngai. Chulai kara tui lo pawlh leh zauh emaw, khawnvartui lo pawlh leh zauh emaw te chu thil thil awm thei phei chu a ni. Mahse, tunah hi chuan a tlangpuiin Aizawl chin, hetah Lunglei chinte, nichina an sawi Chhimtuiipui lam la thalo deuha an sawi kha chu thil awm thei pawh a la ni a. A tlangpui chuan, tunah hi chuan tha thawkhatin kan ngai tih kha Petrol ah hi chuan kan chhanna ni selangin a tha awm e.

Tin, BPL chungchang, Pu Sailothanga Sailo. Member zahawm tak rawn sawi BPL hian APL hi la ve thei sela tih chungchang kha AAY leh BPL hianin quota bakah hian APL ami hi la ve thei sela tihna order pawh 2001 khan Department hianin a lo siam tawh a. A chhanna chu, anni hi rethei lehzualte anni a, an quota hi an kham loh chuan heta tang hian la ve leh thei mai se tih 2001 ah hian Department in ngaihtuahna a lo hmang diam tawh a. Chumi ang chuan tunah hian kan kal mek a ni tih kha ka'n hrilhfiyah leh duh a.

Tin, Consumer chungchangte Pu K.Lalrinliana'n a a rawn sawite pawh hi consumer hi hma kan sawn em em a. Tunah hian Mizoramah consumer ah kan harh chhuak a. Thil dik lova min min leitirte leh thil dang dang harsatna kan tawhte hi tunah hian Consumer Court District tinah kan nei tawh a. Hetah hian a thlen zung zung theih tih hrilhfiyahna tam tak vawiin ah awareness kan pek tam avangin, tunah hian, hma nasa takin kan sawn a ni. Tin, Building pawh District tinah hian sak kan tum a. Reiloteah kan sa thei maiin ka ring a. PWD ah kan hlan a. Chuvangin, an rawn tihfel hun hunah hei pawh hi kan sa fel mai ang. Chuvangin, consumer lamah hma kan sawn hle a ni tih kha tawitein ka'n sawi duh bawk a ni.

Tin, Pu Lalhmingthanga, kan Member zahawm tak ina a rawn sawi buhfai Kg. 2 hi a tawh lova, tihpun nise tih a rawn sawina leh kan Opposition Leader zahawm tak Pu Hawla pawhin a rawn sawi chungchang hi, Kg. 2 pawh hi a tlem khawp mai a. Mizo chu chawte kan lo heh a. a tihpun dan chu awm chho se a tha khawp mai. Central hian Norms an lo nei hi a buaithlak khawp mai a. A Norms ah hian hmannah pawh khan ka'n sawilang tawh a. 35 Kgs per family, per month tih kha an tan hmun deuh ber a ni a. Amaherawhchu, engpawh nisela, kan tam tur denchhen hian theihtawp kan han chhuah ang a, kan han chhuah zel ang a. Tuna kan ration hrim hrim a hi kan kham loh dante pawh kan la sawi zel ang a. Chuvangin, Central pawh hemi kan harsat zualah hi chuan an uikawm lutuk tur bikah kan han ngai lova. Chuvangin, hemi in rawn sawi hi a zahawm khawp mai a. theihtawp ka lo chhuah leh phawt ang tih kha vawiiinah ka'n chhanna niselangin.

Tin, Pu Lalherliana, Khawzawl bialtu zahawm takin a a rawn sawi, Kg. 10 lak tur Kg. 9 in an la tih hi, hengte pawh hi thil awm thei deuh mai a ni a. Engpawh nise, kan lo en leh ang a. Ngun takin. Hetianga diklo taka mi chanpual lak a hi ching lo hram hram turin theihtawp kan lo chhuah leh ang e, tih kha ka'n chhanna ni leh selangin.

Tin, Pu H.Rohluna, Ngopa bialtu zahawm tak ina a rawn sawi hi buhfai hi stock thuai thuai nise tih kha, theihtawp kan rawn chhuah ang a. harsatna awm lo turin Department te n tan an la reng a. Kum dangah pawh kan harsa lova, kumin pawh harsatloh tumin theihtawp kan lo chhuah ang e.

Tin, nimin piah a Hnahlan a bukna diklo hman chungchang kha, tlai dar 5:30 P.M. khan kan han hrilh chho a, Champhai ah. Tichuan a tuk dar 6:00 A.M. ah DCSO va kal vang vang a, dar 9:00 ah khan a check vel a. Anni chuan tiang hian report an rawn pe a. Nimin khan Pu Rohluna nen pawh kan in hmu a, mahse hei hi ka kalin hetiang a ni love a ti a. Mahse. niminah Fax an rawn thawn thla a, heti laiah hian a Bur a kha chu kan hmang lova. mahse hetia buhfai buk a suahnan chuan bur chu kan hmang a ni an ti a. Lalzarzova Retailer -I leh Lalchhuanawma Retailer -II leh Lalhmuakliani Retailer - III. Tin, P.C.Lalduhchhunga VCP leh Tlangchhuaka Vice President hote chu rawnin leh enpuiin a report kan hmuh chu hei hi a ni a. Engpawh nisela kan lo la finfiah chho zel ang a. Kan MLA zahawm tak kha a la lungawi chiah lo a, engpawh nise, kan la tir nawn leh ang a. Diklo a an tih chuan keini pawh a diklo a hi tha kan ti lova. Chuvangin tan kan la tlang hi lawmawm ka ti a, theihtawp chhuah leh turah ngai ila.

Tin, Pu Lalchhandama Raltein quality control chungchang a rawn sawi a. Hei Cement te, Petrol/Diesel te, quality control hi theihtawp kan chhuah a. Tichuan cement chungchangah te pawh kan chhuah a. helaiah hian hma kan sawn viauin kan in hria a. Chuvangin hmasawna pawh a kal chho zel turah ngai ila.

Tin, buhfai Central min pek ang kan tla tawklo kan tih hi tunah hian quintal 48260 avaiin min pekah khan kan tla lova. Tichuan 30,000 a tovin kan leibelh kan tih kha. Tichuan quintal 78.260 quintals hi kan la ta a. Tahchuan 30,000 quintal chin chu thlatin aman toin Rs. 9.50 in kan lei a. Tichuan 9.30 in kan pe chhuak leh ta a. quintal ah Rs.20/- zel subsidy kan pe a. kan loss tihna anih chu. Chutah chuan thlatin Rs. 6 lakh vel kha Sorkarin a hloh turah kan ngai a. Engpawh nise buhfai kan tlak loh avangin Central Sorkarin tum ve turah kan ngai a. Hei pawh hi kan la tla tawk lo em em a, Member te sawi ang khan. Tun tumah pawh kan la dfl belh leh a, hei ai a tam hi kan la mamawh a ni tih kha kan hre tlang a. Min la pek belh zel turah ngai ila.

Tin, Pu Lalrinliana Sailo in Petrol Pump siam mawi ve deuhna awm se a ti a. Mahse, helai kan Petrol Pump hi Private ta luahhawah a ni a. A tih mawihnai dan tih kha a tha hle a. Company ten hetiang a tihmawi dan hi an thu khawp mai a. sa tha dawn pawh ni ila, an niin an permit chin kha a ngai a. Engpawh nise, theih dan kawng kan lo dap ang e, tih kha ka chhanna ni selangin. Tin, Pu Liansuama kan Member zahawm takin, "Khawthlangah buhfai chhek thuai nise," a tih kha, midang dangte pawhin sawi a ni a. Hei hi theihtawp kan lo chhuah ang a, khawthlang ni mai loah pawh, a dangahte pawh theih tawp chhuahin tan kan lo la dawn nia tih kha ka chhanna ni selangin.

Tin, pakhat lelah retailer ni loin sorkar Godown atanga an hralh chhuak tam hi lo en ngun se tih hi, hetiang a awm anih chuan naktuk lam atangin hma kan lo la tan leh ang a, hetiang hi a awm a nih phawt chuanin kan Department lamin theihtawp chhuahin hma lo la se thain ka ring a, chuvangin naktuk atangin hei hi hma kan lo la nghal zat ang.

Tin, Pu H.Vanlalthaliana sawi buhfai chhek khawl chungchangte Lawngtlai petrol that loh thute, Bawngkawn atanga pawlh ni mai awma a rin thu a han sawite pawh hi, hei pawh hi thapui chhuahin saw lamte pawh kan lo bei leh ang a, tun aia tha zawka petrol-te pawh kan neih thuai beisei ila. tih kha kan chhanna ni mai selangin a tha awm e.

Tin, Pu Lalthlengliana'n Godown sak that chungchang a han sawi te kha nia, Godown hi Baffacos atang khan kan sa zo deuh vek tawh a, tunah hian tlem la thual leh kan duh a. Godown 188 kan nei a. A then

kan repair a, a then kan sa a. Tichuan tha tawk taka kan hmaa tam lo thleng tur mautam tam hi lo hmachhawn kan duh a ni a. Tin, Kudam sakna kan dilin hetiang hi a rem dawn em ni ? an ti a. Mahse kan Chief Minister zahawm takin. "A. mautam tam a ni dawn a, kan buhfai dahte a hul tawk loh chuan, Sazu ten a seh thei a, a hul tawk loh chuan engtinng e ni ang. Hetiang anih loh chuan, Kudam tha tak kan neih loh chuan a chi lovang", a zu ti a, Centralah. Tichuan Kudam tha tak tunah hian kan nei tawh a. Tunhma atanga lo sakte kha a ni tawh a, lo chhe fe fe te a lo tam a. Chuvangin, Kudamah harsatna nei loin hmun tinah kan nei a ni.

Tin, Damdep chungchang Pu H.Vanlalthaliana. a rawn sawi pawh kha, damdep-ah hian Kudam tha tak kan nei a. Chu pawh chu tunah hian a chhekkhawlna hmuna siamin kan function nghal dawn a ni tih kha kan hriattir duh baw k a ni.

Tin, hei Pu R.Khawpuithanga pawhin a rawn sawi a, harsatna em em awm loin, Gas te, Gas Botling Plant te a rawn sawi a. Nia, hengte hi nikum khan kan hawng a, tunah hian nitinin bur 1200 kan thun ve a. Hei hianin gas-ah pawh awlsamna min rawn siam chho zel a. Tunhma atangin kan Sorkar hmasa ina a hmunte engkim a lo ruahman a ni a. Hemi chungchangah hian Sorkar hmasa pawh an fakawm em em a. Chumi an lo ruahman a hmun engkim an lo ruahman fel vek tawh a. Kan han Sorkar khan kan han bei tan chho kha a ni a. Chuvangin sorkar hmasa hma lo lakna, keini sorkarah kan han ti puitling chho theite hi alawmawm a, Sorkar hmasa pawh an fakawm em em a ni. Tin, a bik takin kan Member zahawm tak Pu Vaia pawh kha a zahawm em em a, a ho khan thui tak hma an lo la a, chu chu a awm lohah kan han hawng ta a ni a. hengte hi han hre ve selangin alawm ve viauin ka ring a. Chuvangin Sorkar hmasa pawh kan fak nghal duh baw k a ni.

Tin, Gas te, buhfai te, khawnvartui. chini thlengin harsatna lutuk wawiin thlenga a awm lo hi alawmawm em em a. hei hi kan zavaia thawh rah a ni.

Tin, hei Pu Lal Thanhawla kan Opposition Group Leader-in a sawi "Petrol chungchang tih thianghlim leh tih uluk nise, tih kha, nichina ka sawi ang khan kan theih tawp kan chhuah a. Tin, buhfai quota hi tihpun theih nise, tih pawh kha engpawh nise, kan tipung thei nge thei lo tih chu thudang nise, kan la sawi khawm ang a, kan Chief Miniaster te nen pawh. Chuvangin, helai hi kan vei tlang theuh a, mitinin tam lo tura kan mipuite kan duh theuh hi chu a thuhmun vek a. Chuvangin, theihtawp chhuahin supply lamah hian tan kan la ang a. buhfai hrim hrim hi chu hemi kawngah hian nghei lo turin tan kan la phawt ang a, a leina lam, a inhlawhna lam hi erawh chu, keini Supply lam hian kan ngaihtuah tur a ni lo mai thei a, chulai chuan, a buhfai hi chhekkhaw l tam han tum phawt mai

ila, a tha awm e. Engpawh nise, Supply lam chu duhtawk mai ila, a thain ka ring a, hun hi a rei sam ang reng a. Engemaw zawh belh leh tur a awm leh in la rawn zawt leh mai ang a. Kan hma lakna emaw chu sawi hmanlo mai ila, a tha awm e.

Co-operation hi sawi leh dawn ila. Co-operation hi thil tam tak pawh sawi tur awmin ka ring lova. Han sawi dawn chuan sawi teuh tur a awm a. Pu K.Lalrinliana zawhna kha. Hei DCSO hi Mamit, Kolasib leh Serchhip ah kan la nei lova, hei hi kan vei hle mai a, a file pawh hi kan put-up zing ve tawh khawp mai a, DP & AR ah leh Finance ah hian. Engpawh nise, kan han bei zel ang a, ka ngaihdan chuan District tinah hian DCSO awm sela, buhfai phura bill la duh tam tak an awm a, Aizawl District a rawn tihkhawm a, helaia bill rawn tihkhawm a, helaia bill rawn buaipui hi a buaithlak em em a. Champhai, Lunglei, Lawngtlai leh Saiha ah te a lak theih a. Aizawl-ah a ni leh a. Chuan Aizawla laktheih hi a tawk lova. Mamit ah laktheih leh se, Kolasib-ah laktheih leh se, Serchhip ah laktheih leh se, zangkhai deuh hlekin kan ti thei dawn a ni a. Engpawh nise, tun kan term chhung hian kan nawrchhuak zo lo ang nge, chhuak ang. Engpawh nise, kan Chief Minister zahawm tak hian vawiin pawh hian min lo hriatpui a, rilru min lo hmanpui turin ka ngen duh bawk a ni. Tikhan Supply lam chu duhtawk ta mai ila, zawhna dang a awm tawh lo anih chuan

Hei Co-operationah hian hmasawna tam tak kan nei a, Co-operative society tam tak kan neiin kan in thlungkhawm a, chuvangin, helaiah hian kan Co-operative society hrim hrim hi kan thang ve ang reng khawp mai a, a chinchhuak chuan kan sawi hmanlo ang a, hei Apex Bank te MUCO Bank te kan nei a, Federation 10 an awm a. Hengho hian hlep tha tak tak an lo nei thluah mai a, he kum 2006-ah pawh hian Net Profit Handloom and Handicraft achievement MAHCO te pawh hian nuai 10 chuang lai an nei a. Chutiang chuan a dang dang pawh hian Net Profit an nei thluah mai a, a lawmawm hlein ka hria a. Tin, kan Bank pawh hi kan thang viauva Apex Bank pawh hi. Tin, Kohhran te nen inthlunzawmna tha tak kan nei hi a tha lehzuol a. Biak in sak nan te pawh hianin Kohhran 310 hnenah loan kan pe chhuak a ni. vaibelchhe sawmhnih leh panga kan pe nghe nghe a ni. Chuvangin Kohhran nena indawr hi a hlawk khawp mai a, anni hi chuan an ba em em ngai lova, an rul zel a. Tin, chhim lam thlengin Kohhran kan dawr a. Saiha ah te Lawngtlaiah te pawh saw lam thlengin a ni a. Chuvangin, kan Apex Bank pawh hianin hmasawna nasa tak kan nei a ni tih kha a tlangpuiin sawi mai ila, a thain ka ring a.

Chuvangin, kan Sorkar te pawh hian dawr thei hram hram ila tih ka sawi tawh a. Chu chu tunah pawh hian kan ngen leh duh a. Keimahni Bank kan chhawr ve ngawih ngawih loan kan lak ve theihna ami rethei ber pawhin a kan lak dahkham pawh ngai lova Rs.4000/5000/- singhnih khat lingli.

singa thlenga dahkham pawh ngai lova min pe theitu Apex Bank hi duhsakna chang hria ila hei aia nasa hian hma kan sawnin Mizoram hian ka ring a. Chuvang chuan. Mizorama sorkarin Bank kan neih ve chhun a ni a. Hetah hian kan sorkar milian ho zawng zawng pawh hian pawisa dah theitu hi chuan dah ila a hlauhawm lo a ni tih hi vawiinah hian ka sawi duh a. A pawng a takin a tluchhe mai bik lovang. Keimahní kha a titu kan ni a, a tan latu tur kan ni a. Chuvang chuan Bank dang ka sawi chhiatna ni hauh lovin, Bank chu keimahní Bank pawh a ni lova, a dik chiah chuan. Engatinge keimahní bakah hian kan Officer te pawh hianin rilru kan pek theih loh chu aw ka ti thin a. A Sorkar angin heath pawh hianin failna chu kan nei hret ni chuan ka hria a. Engpawhnise, vawiin atang chuan harhthar ta ila, a Sorkar ang pawhin harh tha ila, Officer ang pawn harh thar ta ila, a Department ang paw'n harh thar ta ila, a mimal ang paw'n harh thar ta ila a tha mai awm mang e aw ka ti a. Kan pawisa neih ang te te a tam emaw a tlem emaw kan dahkhawl atanga loan hi pek thin a ni a. Tunah chuan loan rulhna chang pawh kan hre viau tawh a. a lawmawm khawp mai, miin an rul tha sawt khawp mai a. Chuvangin, kan rilru a changkang tawh a, hma kan sawn chho nasa hle tawh a ni tih kha kan sawi duh a.

Tin, MUCO Bank pawh hi 2001 vel atang khan siam that kan duh avangin administrator kan awp tir a. Tunah chuanin Board kutah kan dah leh dawn tawh a. Tunah hian tihfel chhoh mek a ni a. Board kutah kan hlan leh dawn tawh a ni tih pawh kha vawiinah kan sawi duh a ni. Awle. kha kha thui tak sawi lo ila tawk mai selangin a thain ka ring, Co-operation ah kha chuan

Tin, hei member zahawm tak tak pariatin Sericulture chungchang hi in rawn sawi a, lawmawm ka ti khawp mai a. Hetah hian kan tuichhoh deuh deuh pawh thain ka ring a. amaherawhchu, vawikhata lian hluaiia tih erawh chu thil har tak pawh a la ni ang a, zawi zawia thanglian a. thang chho zel tur Sericulture hi a ni a. Tunhmain building tha tak te, Chaltlangah Sorkar hmasain a lo sa tawh a, a lawmawm a. Tin, Directorate puitling angin kan kal chhoh mek lain, a Director chiah erawh chu puitling chiahlo kan la ni a. Hengte hi kan la tipuitling zel turah ngai ila. Tichuan helaiah hian tan....

**PU LIANSUAMA**

: Pu Speaker, Ansurance te pawh hi min pek a hun tawh lawm ni? He department hi kum 20 aia tam daih a ni tawh a, hmanni lawkah Urban Development Department a piang a.

Director puitling in kan thuam thei nghal a, Sericulture hi kan ti fahrah rei hle mai a.

Chuvang chuan, nichina kan sawi tawh ang khan, kan rama eizawna kawng a thingtlang kuthnathawk mite tan a heti khawpa scope tha si hi chu budget session hmasa te pawh khan kan sawi tawh a, session leh hma hi chuanin kan ti thei hram lawm ni aw, kan ram hian kan van mamawh ve le..

**PU K. SANGTHUAMA  
MINISTER**

: Kan hmuhdanin kan vaiin ti thei ila chuan ban phar tur chu nise kan phar vek in ka ring Kan Opposition Leader pawh khan mi rawn pui tha viau zel a, hman atang tawhin. Hei

hi kan rilru-ah a awmin ka hria. Chumi a chhan ni bera lang chu hemi pangngang khawi atang hian ei a hmuh theih a ni. Chhungkua a intodelh thei a ni, tih kha kan rilru-ah kan chiang vekin kan hria a. Hei hi a dik a, tunah pawh hian eizawn nan tak taka hmang leh hmang lo kan la awm a, eizawnnana hmang hi chu chhungkaw tam phei chu kan la ni lo. Chhungkaw 500 hian eizawna tak takah tunah hian an hmang a. Mahse, hmang lem lo 4500 vel hian tiang chuan engemaw zat an vulh a. La inchawm theihna ni lemlovin Mulberry phun zawng zawnga hi chhungkaw singtel kan ni tawh bawk a. Kuminah hian hmasawn chhoh kan tum a, kan Normal Budget atang hian chhungkaw 2000 vel chu a chi lei sak ila kan ti a. Tender Quotation kan ko vek tawh a, pek tur an ni tawh ang a, chumi bakah tuna kan tam dona atan hian Hectare 10,000 hmunah kuminah phun tir thei ila chu tih ngaihtuahna kan nei bawk a ni. C.M hovin kan sawi a, kan ti dawn a nia. Kum khat ah a chhawr theih a, kumina kan phun hi tih tak taka kan tih chuan May-ah kan phun ang a, nakum May-ah chuan a chhawr theih nghal a ni. Kum khata hlawhtling thei a ni a, kumina buh kan thar meka hi nakumah chuan Rs. 4000/5000 chauh pawh lei se quintal 5 man a lo ni a. Singkhat a lei chuan quintal 10 man a lo ni a, quintal 10 eikhawp chu chhung lian ve tak a ni. Chutiang zawng chuan ngaihtuahna kan siam thin a, kuminah hian chhungkaw engmawzat phunna kan han pe ang a, nakum May velah a pangang chi kan han pe leh ang a, chuan kan harsatna tamtak hi sukiang thei turin Sericulture ah hian hmalak kan tum a ni. A chin chhuakin han sawi hman a nilova, Central Silk Board atang erawh chuan Saitual bial Keifang ah leh Khamrang ah khuan kan buatsaih a. chhungkaw 100 ve ve hetilaia lo nei tur hian ruahmanna kan siam e. Nuai 358.4 pawisa Central atanga min rawn pek a ni a. Hetah hian chhungkaw 200 vel chuan eizawnnan an hmang thei dawn a ni. A dangah pawh la ti lehzel turin kan ti a. Lunglei leh hmun dang dangah pawh hmasawn zauh zel kan tum a ni. Tin, theihmu hrim hrima hi ni mai lovin, chi hrang hrang 2/3 a awm a, heng atang hian mahni tui zawngin tha kan tih zawng a kha a tihtheih vek a ni.

BAFFACOS atang hian ka sawi leh duh chu, chhungkua 447 hnenah Rs. 13500/- leh Rs. 15,000/- a tangka faiin kan pe a ni. chumi awmzia chu a lo thawk tawh tanpui nan kan pe a, chuvangin BAFFACOS hi keini



chuan kan hmang dik hle ani. Hemi bakah pawh hian a chi lei nan hian kan hmang a ni. Cocoon hi kan lei a, BAFFACOS atang pawh hian engemawzat kan lei sak a, an thar chhuah kha heta tang hian kan lei a, tichuan, revolving fund te kan nei a, sorkar atangin min pe a. Churni chuan vawiin-ah pawh hian an thar chhuah apiang kha kan lo lei sak a, a leina hi a awm reng a, kan thar chhuah phei chuan awm zel turah kan ngai a ni. An sawi angin, India ramah maktaduai 1000 chuang awmah hianin silk puan duh hi 80% vel kan lo ni a, chuang chuanin a hralhna-ah chuan thil huphurhawm ah kan ngai lo a ni. Silk leh pangang sawi tawh chuanin khawvel ram pumpuiah Mizoram khi, ti a anrawn en theihna turin hetah hi chuan tan kan lak thiam phawt chuan Mizoram pumpuiah hian a tha duh a, a thing a hi kum khatah a lo chhawr theih a ni. Nakumah hian Cocoon quintal sangkhat vel tal chu thar ila tih ngaihtuahna kan siam a, a thar zah chiah tur chu kan hre lo na in, sangkhat chu kan la thar chiah lo a nih pawhin, quintal 400/500 vel kan thar chuan a tha ah ngai ila. Engpawhnise, khang kha department pathum atanga kan sawi theih chu nise, Pu Zira bial leh Pu Sailo a bial kha chu han vui vak turah ka ngai lo ani. Central pawhin an duhsak viau mai a.

Ka Demand No. 17 na Food & Civil Supply - Rs. 97,27,45,000/-, Demand No 37 na Co-operation - Rs. 8,64,35,000/-, Demand No 41 na Sericulture - Rs. 6,66,84,000/-, a vaiin Rs. 1,12,58,64,000/- hi he House zahawmtak hian min pass turin ka ngen nghal e.

**S P E A K E R** : Awle, tikhan Minister zahawmtak Pu K. Sangthuama Demand kan sawihona te han sawifiah pahin arawn hrual mum a, pass a rawn dil a. Heng demand No. 17,37 leh 41 - avaiin cheng 1,12,58,64,000/- te hi pass remti apiangin 'rem ti' ti rawh ule, 'remti lo' kan awm lovin ka hria a, a remtilo kan awm chuan 'rem ti lo' ti ang ule.

Awle, Pu K. Sangthuama Demand No. 17 - Food, Civil Supply & Consumer Affairs Rs. 97,27,45,000/-, Demand No 37 - Co-operation Rs 86,43,35,000/- leh No. 41 - Sericulture Rs. 6,66,84,000/- avaiin Rs. 1,12,58,64,000/- te hi House in lungrual takin a pass a ni.

Vawiin a tan chuan tawi si, kim si, record i siam e. Vawiin rau rau-ah chuan. Tikhan vawiina kan business kan zo ta a, kan chawh rih ang a, naktuk March 22, 2007 zing dar 10:00 ah kan thukhawm leh ang.

Sitting is adjourned 7:25 PM

.....438/-